

JOHANNIS FREDERICI

BÖCKELMANNI J^Cti

*Olim Antecessoris Lugduno-
Batavi Celeberrimi*

TRACTATUS

POSTUMUS

DE

Differentiis Juris Civilis,
Canonici & Hodierni.

CORNELIUS VAN ECK, J^Ctus

edidit, recensuit, & praefatione auxit.



TRAJECTI AD RHENUM,
Apud ANTONIUM SCHOUTEN

clō. lō. c. xciv.

JOHANNIS KNEBELICI

BOCHUMENSI 169

Obis ecclesiarum Augustina-

Reverentissimis

TRACTATUS

POSTULUS

DE

Disciplina Juris Civilis

Canonici & Medicorum

CORNELIUS VAN ECK, LICENS

Reverentissimis, et Reverentissimis



IMPRIMATUR

ANTONIUM SCHOUTEN

cl. 15. 16. 17.



PRÆFATIO

D E

Usu, & Abusu Juris Canonici & Ho-
dierni, in institutione Academicâ.

CORNELIUS VAN ECK

Auditoribus suis, ceterisque juris Studiosis

S. P. D.

Offero vobis, Nobilissimi Juvenes; in quorum gratiam typis descri-
ptæ sunt, Differentias *Juris Ci-
vilis, Canonici, & Hodierni*,
quas Vir Clarissimus, &, dum fata
Deusque sinebant, de Jurisprudentiâ Romanâ
bene meritus, JOH. FRED. BÖCKELMANNUS,
Præceptor noster, nunquam sine debitâ grati
animi testatione memorandus, auditoribus suis
dictare, vel calamo describenda dare, atque
explicare solebat.

Quod hoc Opusculum meâ curâ perfectius
& accuratius in lucem prodeat, est quod mecum
gratias agatis Nobilissimo, atque Eruditissimo,

& juris peritissimo Viro D. ALEXANDRO ARNOLDO PAGENSTECHERO, qui Jurisprudentiam nostram in Academiâ Duisburgensi magno applausu, magnâ nominis celebritate feliciter docet & ornat. Hic, ut est Vir publicæ utilitatis, in primis quæ ad propagandos artis nostræ terminos pertinet, studiosissimus, mihi quæ plurimis amicitiae officiis conjunctissimus, me Exemplar suum cum meo conferre ac comparare passus est; ut quod uni deesset ex altero supplerem, atque ita prodiret opus & Böckelmanni memoriâ, & vestrâ lectione, meâque interpretatione non indignum.

Ratio; quæ mihi persuasit, ut hunc postumum tanti Viri partum, diu neglectum, & cum blattis ac tineis certantem, à situ & squallore liberatum, tollerem atque in lucem emitterem, non una est. Nam & hâc ratione neglectum, ac tantum non extinctum in his terris Juris Canonici studium Vobis commendare, & quantum in me est, in usum revocare; atque ita commodi alicujus Commentarii, quem tempore Feriarum hybernarum Vobis interpretari liceret, copiam facere volebam.

Philostratus auctor est, Palamedem in castris Græcorum, qui Trojam obsidione premebant, lusum alexæ invenisse; ne milites, cum otia agerent, inertiam & desidiâ marcesserent ac torperent. Ego, cum viderem otia hyberna
in

in hac Academiâ esse nimis prolixa, quam ut somnio, & nihil agendo sint perdenda, existimavi esse è re vestrà, & à votis parentum, aliorumque, à quorum nutu & arbitrio pendetis, quibusque ut negotii, ita & otii vestri rationem Vos reddere oportet, non alienum, Vos aliquod habere & dulce & utile oblectamentum, quo animum aliis severioribus studiis fractum & fatigatum, sine periculo seræ poenitentiae recreare ac reparare liceret. Quare non lusum aleæ, ut Palamedes, (quam, si fortè malo vestro fato ei. dediti estis, præstaret dediscere, quam, me docente, discere) sed triplicis Juris differentias Vobis exhibeo, id est, rem seriam, jucundam, utilem, aptissimam denique quâ vestrum tot dierum otium magno cum fructu oblectetis potius, quam irreparabilem tot bonarum horarum jacturam faciatis. Feriæ optimâ ratione introductæ sunt, non modò in Studiosorum, sed vel maximè in Professorum commodum & utilitatem. Ego, quod omnibus licet, meo commodo, meo otio, ac privilegio ultrò & liberâ voluntate renuncio, Vobisque meam operam & industriam his ipsis Feriis promitto, & addico, qui vestros profectus, vestra studia quovis tempore, modoque ut juvem, & promoveam, hoc unicè studeo. Antistius ille Labeo totum annum ita diviserat, ut Romæ sex mensibus cum studiosis esset, sex

mensibus secederet, & conscribendis libris operam daret. Meum de vestris studiis benè merendi studium est individuum. Librorum magnâ copiâ conscribendorum, in quibus temerè in lucem propellendis periculosa festinatio est, gloriam aliis relinquens, non sex, ut La-beo, sed duodecim anni mensibus Vobiscum esse cupio; modò vestra frequentia & assiduitas meæ respondeat industriæ ac diligentiae.

Cæterum ad illud studiorum genus, cujus causâ hæc ad Vos instituta est præfatio, seriò amplectendum, ut alia multa, quæ omnia recensere instituti ratio non finit, Vos excitare debent, & inflammare, ita vel hoc solum Vos movere oportet, quod *Canonici* non minus, quam *Civilis* Juris Doctores renunciari desideretis, atque hunc superbum non hujus, aut illius, sed **UTRIUSQUE JURIS** Doctorum titulum capteris, & velut aureum vellus, ac dignissimum laboris, & impensarum pretium domum reportare laboretis. In eo defixæ sunt omnes curæ, omnes cogitationes vestræ. Animadvertite autem, quàm turpe & pudendum sit, doctrinam & peritiam promittere ejus rei, cuius nunquam Studiosi, nedum Docti fuistis. Ut difficile est alios docere, quod ipsi non intelligitis, ita ridiculum est Doctores, si Diis placet, appellari illius artis, quam fateri necesse est, Vos nunquam didicisse. Num alio genere insanix agitantur illi **UTRIUSQUE JURIS**

P R Æ F A T I O.

§

JURIS Candidati, & Doctores, qui, ut de Civili Romanorum Jure nunc nihil dicam, in Jure certè Canonico, cujus tamen æque scientiam & doctrinam profitentur, ita plerumque sunt hospites & peregrini, ut ne facillima quidem & tritissima ac tralatitia ejus principia vel primis labris degustaverint, nec omninò quid & quale sit jus Canonicum intelligere videantur? Ut mirum non sit his, cum aliquod Juris Pontificii capitulum explicaturi sunt, ut in solenni Examine solent & debent Candidati, qui in Illustri Frisiorum Academia titulum Doctorum petunt, non aliter aquam hærere, quam si loca quædam vel ex Sybillinis Oraculis, vel ex Alcorano Turcico interpretanda essent.

Ut ab hoc vitio caveatis, & hunc ignorantie scopulum evitetis, dabo operam, ut Vos, qui assiduam & diligentem Studio Juris Civilis operam impenditis, vel certè impendere debetis, mediocrem saltem, me duce, *Juris Canonici* notitiam consequi possitis. Nam uti Vobis auctor non sum, ut tantam laboris contentionem afferatis ad Jus Canonicum perdiscendum, quantam ponere soletis in libris *Juris Civilis* nocturnâ diurnâque manu versandis; sic generalia & præcipua *Juris Canonici* capita & argumenta, à *Jure Civili* discrepantia, sine pudore & ludibrio ignorare non potestis. In Corpore *Juris Civilis*, tanquam augusto Justitiæ,

& æqui bonique templo, Justiniani manibus
 dedicato & consecrato, habitandum; in Corpo-
 re *Iuris Canonici* peregrinandum, indeque
 collectis præsiidiis, utriusque Juris Consulto he-
 cessariis, quasi è diverticulo in viam, & ex
 peregrinis oris in patriam, ad *Ius Civile* Vobis
 revertendum, in eoque perseverandum est. Sed
 ita ut UTRIUSQUE JURIS DOCTORUM titulum ac
 dignitatem decorè tueri possitis, exemplo Vete-
 rum JCTORUM, qui, ut ipsa Jurisprudencia uti
 humanarum, sic & divinarum rerum notitia est,
 ita tam sacri, quam humani, tam Pontificii,
 quod tunc in usu erat, quàm Civilis Juris periti
 fuerunt, & esse debuerunt, ut absolverent illud
 exemplar perfectorum ac consummatorum
 JCTORUM, quod Vobis nihique ad imitandum
 reliquerunt.

Quia autem notitia *Iuris Civilis & Canonici*
 non sufficit ad omnes partes boni JCTi im-
 plendas, si *Ius Hodiernum*, in quo ei versan-
 dum est, ignoret; quod turpe esse & patricio,
 & nobili, & causas oranti, jam olim Servio re-
 spondit Quintus Mucius; auctor hujus Opuscu-
 li, quod Vobis scriptum, Vobis editum, Vo-
 bis explicandum est, operæ pretium se factu-
 rum existimavit, si cum Differentiis *Iuris Ci-
 vilis & Canonici* conjungeret *Mores Hodiernos*,
 qui sæpe ab alterutro, rarius ab utroque hoc Jure
 divortium faciunt. Adeoque, ut egregiè corda-

Ius homocatus *Ælius Sextus* opus suum, quod, teste Pomponio, *cunabula juris* continebat, inscripsit *Tripartita*, quia & verba Legis XII. Tabularum, & interpretationem *Ælii Sexti*, & legis actiones, seu formulas agendi complectebatur; Ita & hic Libellus videtur mereri eundem titulum: quia continet & *Ius Civile*, quod Legi XII. Tabularum, & *Ius Canonicum*, quod interpretationi *Ælianæ*, & *Jus Hodiernum*, quod legis actionibus comparare lubet. Nam & *Ius Civile* magnam partem Legibus XII. Tabularum originem debet, & *Ius Canonicum* sæpe nihil est aliud, quàm, ut olim Prætorum Edicta, viva vox *Iuris Civilis*, ejusque ad negotia forensia, ex æquitate facta, applicatio, & *Ius Hodiernum* litigandi viam ac rationem docet, in quâ magna his temporibus Jurisprudentiæ pars posita esse existimatur.

Verum hîc iterum monendi estis, ne, dum in Academiæ umbraculis versamini, plus *Iuri Hodierno*, quàm *Iuri Civili* tribuatis. Nota est, fateor, Petronii querela, *adolescentes in Scholis fieri stultissimos, quia nihil ex iis, quæ in usu habemus, vel audiunt, vel vident, sed hoc tantum proficiunt, ut, quum in forum venerint, putent se in alium terrarum orbem delatos.* Sed ut hoc verissimè de fictis Declamatorum fabulis pronunciavit ille elegantissimus nequitæ Arbitrator, ita nullâ prorsus ratione

affirmari potest de Jurisprudentiâ Romanâ, quæ, si pauca capita excipias, non minorem in luce ac concertationibus Fori, quam in umbrâ & Disputationibus Academiæ usum habet, & utilitatem. Ita ut illa ipsa tantopere jactata Praxis hodierna, si rem ex vero æstimemus, domi nobis nascatur, & in fundo nostro, ex cujus laticibus adeò maximam partem hausta est & derivata, ut, si reviviscerent primi illi Juris nostri conditores, & cum Pragmaticis ex jure manum confertum venirent, aut interdicto contenderent, ac vindicarent, quæ ex fundo suo ablata sunt, aut de tigno juncto experirentur, intelligerent magno suo damno plurimas se leges Hodierni & Novissimi Juris (quod nostro, tanquam obsoleto, & quasi caligine quâdam neglectæ vetustatis obducto, ad augendam invidiam, quâ nos premunt, opponere solent) Imperatorum Rescriptis, Prætorum Edictis, Prudentum Responsis ac Disputationibus debere. Quæ si injustis possessoribus ablata, dominis & auctoribus suis restituerentur omnia, non haberet quo se regeret, aut jactaret forensis illa Praxis, furtivis coloribus nudata, & liquidò constaret, quantum agris & latifundiis Juris Romani detraxerint, ac possessionibus suis adjecerint illi, qui Praxin à Jure Civili, id est, Jurisprudentiam à se ipsâ, veluti res longè diversas ac disjunctas dividunt. Lirigandi autem

autem, & actiones instituendi, disceptandique viam modumque, pro diversâ Reipublicæ ratione ac formâ, varium & mutabilem, quis non intelligit Vobis, ex Academicis exercitationibus in pulverem & aciem forenses productis, ex ipso potius rerum usu, qui est optimus rerum quotidianarum magister, quam ex umbraticis Academiæ auditoriis petendum esse? Quid alii sentiant, & quam in partem, quod dicturus sum, sint accepturi, nescio, nec magnopere curo; Ego quidem nunquam probare potui, neque, si Deus mihi sanam mentem relinquit, unquam probabo eorum institutum, qui hoc unicè agunt, ut variorum populorum morumque circumforaneam Praxin, quam vocant, in Academiæ spatiis cum Jurisprudentiâ Romanâ inæquali conjugio copulant; quo nullum brevius ad perdendas & pessumdandas omnes Jurisprudentiarum scholas, & remoranda ac retardanda studia vestra, compendium excogitari posse, mihi quidem videtur. Quanquam enim, ut Cicero, & multò magis ipsa ratio docet, nec Medici, nec Imperatores, nec Oratores, quamvis artis præcepta perceperint, quicquam magnâ laude dignum, sine usu & exercitatione consequi valeant; idque de nullâ disciplinâ verius, quàm de Jurisprudentiâ affirmari possit, quæ tota quanta est, practica est, & popularis; utpote quæ non in umbraticis ac

tepe-

tenebricosis, concertationumque plenis disputationibus, plus sæpe subtilitatis, quàm utilitatis habentibus, sed in luce fori ac Reipublicæ occupata est; hætenus tamen mihi persuaderi non potuit, esse è re Studiosæ Juventutis variarum gentium mores per saturam & cūlaltim coacervare, & inculcare, ubi generalia juris æquabilis præcepta sunt exponenda, & tradendæ leges, quæ se dudum universo orbi Europæo, tanquam fontem æqui bonique, probarunt & commendarunt. Quare gaudeant sanè suâ, in quâ tot sibi suisque auditoribus delicias faciunt, sententiâ, qui nil nisi populorum mores, & Curiarum Decreta ac Decisiones crepant, & in institutione Academicâ, illâque *Iuris Hodierni* cum *Civili* conjunctione, *Praxi* primas deferunt; esto, nil leges, ut ait poëta, sine moribus vanæ proficiant; non equidem invideo, miror magis laboriosissimum eorum otium: Quam enim illi *Juris Novissimi* amatores simul, & *Veteris* contemptores *Praxin* docebunt in *Academiis*? Variam & multiplicem singulorum populorum, credo. At magnopere vereor, ne operam ludant Præceptores, inconsulti abeant Auditores, quibus in *Academiis* consensendum esset, anteaquam non pœnitendam tam vastæ ac diffusæ scientiæ notitiam sibi comparare possint.

Praxin autem universalem, & omnium popu-

pulorum communem docendam discendamque contendent? Atqui, aut omnia me fallunt, aut Praxis universalis nulla est, nisi in ipso Corpore Juris Civilis, quod tam conspirante omnium populorum usu, atque consensu ubique locorum receptum est, ut ne ipsi quidem immani & juratissimo Christiani nominis hosti, Turcæ magna ejus pars, Codex Justinianeus, in suâ linguâ desit. Jus autem hodiernum pro variâ coeli solique ratione, & genio populorum, variè mutatur & inflectitur, fingiturque, ac refingitur. Quod citra Alpes horribili flagello coërcetur, ultrâ Alpes ne scuticâ quidem animadvertitur. Quod hîc jus, alibi injuria est. Si quis autem in tantâ Studiosorum, ex variis terrarum partibus affluentium, frequentîâ, unius, vel alterius populi, Batavi fortè, vel Ultrajectini mores exponendos putet, & auditores omnes, sive Germanos, sive Gallos,

*Et penitus toto divisos orbe Britannos,
sive Geldros denique, sive Frisios, aliosque,
quos recensere longum esset,*

Tros Rutulusve fuit, nullo discrimine habendos;

Ut de illis non omninò malè merebitur, qui oriundi sunt ex illâ Regione, cujus Statuta & Consuetudines explicantur; ita reliqui, qui se suaque studia debent patriæ, alio sub sole calenti, surdis auribus, nec sine tædio, nec sine

ne operæ, pretii, &, quod utroque acerbius est, sine temporis dispendio, quæ docentur, accipient, & postquam ita luserint, & delusi fuerint in Scholis, ridebuntur, & ludos suo sumtu præbebunt in Foro, in quod metuentum est, ne nihil, præter horarum malè collocatarum poenitentiam afferant. Satis deploranda est fundi nostri calamitas, quod parentes, dum ad vota properant, cruda liberorum studia, ut quam citissimè quæstum facere possint, præcipiti festinatione ni forum propellunt. Et nos, ne parum cum insanientibus furere, & vilescents hodie Juris Romani fastidia juvare videamur, ipsum forum, quasi equum Trojanum, in Academiam, ubi animi communis, id est, Romanæ Jurisprudentiæ præceptis sunt componendi, introducemus?

Ne quis tamen de ratione instituti nostri iniquius existimet, quàm par est, meque omnem *Præcticam* Juris cognitionem ex Academiis relegatam velle putet, sic censeo: si quis sine noxâ, & tædio peregrinorum, hujus vel illius Regionis Jurisprudentiam, in *Collegiis* pecularibus, hunc solum in finem institutis, docere velit juvenes in illâ natos, & in eâdem causas dicturos, vel judicatuos, & jam Juris Romani, positus tyrocinii rudimentis, quantum sufficit, peritos; tantum abest, ut improbem saluberrimum consilium, ut potius summis laudibus
in

in cælum feram, nihilque putem ad maturandos studiorum profectus excogitari posse accommodatius; Maximè si ad vocem Professoris accedat vox Eruditorum Patronorum, causas orantium, & usus atque exercitatio forensis, cujus Vobis, Præstantissimi juvenes, singulari & raro beneficio hîc in summo Trajectinæ Reipublicæ tribunali concessa est facultas. Nimis notum est laudandum, & utilissimum, ac nostrâ, vestrâque imitatione dignissimum consilium Viri Clarissimi, & longè Eruditissimi, Præceptoris mei, multum de me, plurimum de Veteri, & Hodiernâ Jurisprudentiâ meriti, & indies merentis, D. JOHANNIS VOET, qui in vicinâ Academiâ in gratiam Batavorum, Batavicam Jurisprudentiam tanto cum successu docet, & cum Romani juris scientiâ, publicâ auctoritate conjungit. Nunquam melius actum fuit cum Jurisprudentiâ, quàm felici illo, & aureo Seculo Augusti, quo J. Cti in atrio suo, veluti in amplo aliquo tribunali, eâdem operâ discentibus instillabant principia juris, quâ consulentibus de jure respondebant. Quam raram temporis felicitatem ut optare liceat, ita sperare non licet. Quando autem nobis non licet esse tam beatis, ut certo aliquo & æquabili Jure Hodierno, non dico per Europam, sed vel per has fœderatas, consociatasque Civitates, imò ne per singulas quidem cujusque

Civi-

Civitatis Urbes, & Municipia, utamur; nullâ ratione fieri potest, ut eandem, hac quidem in parte, observemus, in docendo, interpretandoque Jure viam, quam Veteres illi Juri secuti sunt, & tutò sequi poterant, ac debebant, cum in eâ viverent Republicâ, quæ victricibus armis universum ferè terrarum Orbem subegerat, & ad Juris sui observantiam obstrinxerat. Quod amplissimum Imperium cum nunc in mille partes sit divulsam ac dilaceratum, plurimosque Dominos agnoscat, & diversissimis ac contrariis sæpe legibus gubernetur, nihil superest, quam ut in Aca-
demiis, ad quas ex omnibus orbis terrarum partibus affluunt Themidis cultores, illud potissimum jus doceamus, quod sine controversiâ est omnium maximè commune, & hodieque cultiori & politiori orbi dominatur. Quæ autem Praxis à Jure Civili Romanorum diversa in Aca-
demiis à Professoribus docenda, & à variis variarum gentium ac nationum Auditoribus, easdem *Lectiones*, eadem *Collegia* sectantibus, discenda; est, eam ex *Fendalis* præcipuè, & *Canonici Juris* libris discendam docendamque censeo, ad quorum præscriptum ordo Judicio-
rum in omnibus ferè Europæ, quâ latè patet, tribunalibus est institutus. In quibus, Vobis, Nobilissimi Juvenes, meam quoque, si ut ego docere, ita Vos discere parati estis, operam promitto & diligentiam. Sed

Sed jam audire videor homines, nescio quos, non eâ, quâ decet, æquitate, de ratione institutî nostri & utilitate Juris Pontificii judicatu- ros. Hi *Canonici Juris* doctrinam in his *Academiis Reformatis* se ferre posse negant, quod nec moribus nostris unquam receptum sit, nec Pontificis Romani Majestatem in divinis, nec legum ferendarum potestatem in humanis rebus agnoscamus; quod hoc Jus injustum, ut illis quidem videtur, innumeris erroribus, turpibus nævis, crassâ ignorantia passim fœdatum sit, ac conspurcatum. Quibus ut satis faciam, & ad hæc accusationis capita paucis respondeam, & simul, Vos, Nobilissimi Juvenes, his, & id genus aliis, fatali horum temporum inertiae & desidia lenocinantibus sermonibus auferri non sinam, illud in primis observare Vos velim, tantum abesse ut hoc Jus Pontificium, quod illi tantopere contemnendum putant, nullum in his Regionibus habeat usum, ut patrum nostrorum memoria, quando libertas jacebat hisce

In terris oppressa gravi sub religione,
maximam partem usu receptum, & disceptationum forensium forma ad ejus præscriptum & amussim fuerit instituta. Licet autem, posteaquam, libertate postliminio reversâ, & illucescente purioris ac emendatioris pietatis cultu, in solius terrarum Domini Deique Christi

sti verba sacramentum præstare didicimus, Pontificis Romani potestatem ejuraverimus; Juris tamen Canonici observatio adeò nec contrario usu oblitterata, nec summæ majestatis voluntate abrogata & è foris ac tribunalibus eliminata est, ut non modò Pontificii, sed & qui puriori religioni nomen dederunt, non ex alio, quàm ex Pontificio jure plurimas juris controversias disceptent, & decident, certè vix alium agendi modum in triturâ forensi observent, quam qui Canonibus præscriptus, & à majoribus receptus, ac inveteratâ consuetudine probatus & confirmatus est. Ut nimis iniquos rerum arbitros esse oporteat, qui vituperant Jus, quod nec mutata Reipublicæ forma, nec ejurata, unde ortum est, Religio, nec usus, qui, ut verè Livius ait, optimus est legum corrector, longo tempore & experiundo arguit tantæ, quantam illi jactant, ineptiæ & iniquitatis.

Cum verò *Ius Canonicum* contempnunt, quod conditum sit à Pontificibus, hominibus sæpe omni vitiorum colluvie inquinatissimis, & à scientiâ æqui bonique alienissimis, nescio an satis seriò agant. Nam ut taceam hoc elogium de omnibus sine injuriâ & calumniâ prædicari non posse, quis unquam *Ius Civile Romanum* vel iniquitatis vel imperitiæ postulavit, quod Caracallas, Heliogabalos, aliasque humani generis pestes auctores habeat? Quis unquam

quàm æquis rerum æstimator legislatorum vitia legibus imputavit? Ut hi suos Papinianos, Ulpianos, Paulos, quorum in condendis legibus ope consilio utebantur, adhibuerunt, ita Pontifices Romanos, si qui fuerunt juris imperiti, ut certè fuerunt, vel non omnes eâdem laborasse incitiæ culpâ, vel operâ virorum, ut ea ferebant tempora, juris peritorum fuisse usos, nemo negabit, nisi hospes in libris Juris Canonici.

Denique si quos huic Juri ineptiæ vel iniquitatis nævos & maculas adpersit Pontificum imperitia, aut nimium amplificandæ usurpatæ potestatis studium, vel sola, si alia deessent, ei commendando sufficerent tot saluberrima Patrum Ecclesiasticorum, nondum depravatis & in pejus ruentibus Orbis & Ecclesiæ moribus, veræ æquitatis pietatisque præcepta, quibus Constitutiones Canonicae, veluti stellis quibusdam & gemmīs, passim illustrantur & illuminantur. Quod si Imperatores Ethnicos, à vero Dei cultu alienissimos, Pontificibus, ut ab antiquâ illâ pietate Apostolicâ remotis, ita Religionem tamen Christianam professis, præferre lubeat; non vereor tamen ne vel *Juris Civilis* dignitati nimium detraxisse, vel *Juri Canonico* plus, quam par est, & JCum decet, tribuisse videar, si Augustinum, Ambrosium, Hieronymum, cum Papiniano,

Paulo, Ulpiano; si Gregorium IX cum Justiniano; si Gratianum denique cum Tribonimo conferre ac contendere sustineam.

Quid dicam de Decimis, de jure Patronatus in ministeriis Ecclesiasticis, de aliis denique sexcentis argumentis, quæ ex uno Jure Canonico hauriri, & ut inter Pontificios semper, ita inter Christianos *Protestantes*, quos vocant, plerumque decidi solent? De his aliisque qui *Iuris Canonici* ignari, Oraculum *Iuris Civilis* consulunt,

Inconsulti abeunt, sedemque odere Sybillæ.

Hæ, & quæ id genus aliæ adduci poterant, rationes me movent, ut, quod Pinellus de *Theorico Juris Romani studio cum Praxi* conjungendo censuit, id de hac *Iuris Canonici cum Civili* societate verius fortasse affirmari posse existimem: Nec *Ius Civile* sine *Canonico*, nec hoc sine illo solidam digestamque juris scientiam præstaret posse.

— *Alterius sic*

Altera poscit opem res, & conjurat amicè.
Quâ in re si forte mihi fidem non habetis, at credite Viris Clarissimis & utriusque Juris peritissimis, quorum testimonia apposui, ut Vos tantis ducibus & auctoribus ad hanc *Iuris Civilis cum Iure Canonico* conjunctionem amplectendam magis magisque excitarem; non alium in finem, quàm ut in præcipuis utriusque
juris

Juris Differentiis perdiscendis horas subcifivas, quas alii malè feriatì otio & inertiâ consumere solent, collocetis. Quod si meo periculo feceritis, nunquam Vos vel vestri laboris, vel operæ meæ pœnitebit. De meâ promittere & affirmare, de vestrâ benè sperare audeo diligentîâ & assiduitate. In me mora non erit ulla, quò studiis & profectibus vestris, quos juvisse in maximâ semper honoris & gloriæ parte ponere soleo, in hoc quoque Jurisprudentiæ genere prodesse possim. Vos modò, quod facitis, pèrgite eâ, quâ decet, curâ & industriâ rem gerere. Valete, & meis de studiis vestris benè merendi conatibus favere pèrgite.

*Scribebam Trajecti ad Rhenum
ipsis Idibus Decembris 1693.*

TESTIMONIA

D E

Utilitate & Necessitate

JURIS CANONICI.

*Verba FRANCISCI DUARENI Jcti, in
Præfatione, præmissâ Commentariis de Sacris
Ecclesiæ Ministeriis ac Beneficiis, in quâ de
universo Jure Pontificio, ac de instituto suo
differit.*

„ CUM de Jure Canonico sive Pontificio
„ Aliquid scribere instituerem, satis pro-
„ spiciebam fore, ut hoc consilium meum in
„ varias reprehensiones incurreret. Non enim
„ adeò rerum imperitus sum, ut non intelli-
„ gam, quàm malè audiat hoc tempore istius
„ juris professio, quamque displiceat non vul-
„ go tantum & imperitæ multitudini, sed iis
„ etiam, qui cæteris acutiores, acriorisque judi-
„ cii haberi volunt. Nam plerisque persuasum
„ est, jus Pontificium nihil aliud esse, quàm
„ inconditam quandam Decretorum, & Con-
„ stitutionum farraginem, à semidoctis Pontifi-
„ cibus ad quæstum magis, quàm ad Reip.
„ Chri-

„ Christianæ commodum editarum: cujus nec
 „ liberalis cognitio, nec admodum necessaria
 „ videatur. Nec defunt, qui totum hoc jus
 „ plenum erroribus esse, non obscure testan-
 „ tur. Alii tametsi multa præclara & utilia ju-
 „ re Pontificio contineri non inficientur, tamen
 „ quia partim ea in defuetudinem abiisse vi-
 „ dent, partim diplomatibus Pontificum vena-
 „ libus ferè subverti solere, inanem prorsus
 „ nostrum esse laborem contendunt, nec ullam
 „ in hoc genere doctrinam reconditiorem ma-
 „ gnopere requiri dictitant, sed eam sufficere,
 „ quæ in foro usitata sit, & ex vulgaribus com-
 „ mentariis hauriatur. Non necesse habeo hîc
 „ commemorare, quoties mihi cum his dimi-
 „ candum fuerit, qui vicem meam (si Diis
 „ placet) non mediocriter dolere se dicerent,
 „ quod studiis gravioribus omissis, in his nu-
 „ gis ineptiisque tempus contererem. Quorum
 „ ego judicium, & auctoritatem ut prorsus
 „ non contemno, ita rationes aliquas habere
 „ mihi videor, quibus hoc institutum, con-
 „ siliūque meum bonis & eruditis homini-
 „ bus approbare facile possim. &c.... Hæc de
 „ Pontificio, seu Canonico jure, deque nostro
 „ instituto paulò fufius præfari volui, ut quan-
 „ ta sit hujus Juris non solum utilitas, sed etiam
 „ dignitas quædam & amplitudo, iis præsertim
 „ juvenibus, qui liberalius instituti, cane pe-

„ jus & angue Ius Pontificium oderunt hoc
 „ tempore, planum facerem, & simul osten-
 „ derem in re tenui, jejunâ & abjectâ, ut est
 „ quorundam persuasio, tantam me operam
 „ non collocasse. Nam ceteris, qui nullâ re
 „ magis, quàm quæstu & lucro commoven-
 „ tur, quales permultos alunt ferè tribunalia,
 „ supervacanea fortassis oratio nostra futura
 „ est: cum hi vel eo solo nomine jus Canone-
 „ cum amplectantur, ac velut filiulam exoscu-
 „ lentur suam. Iis enim litibus, quæ ex re-
 „ bus Ecclesiasticis oriuntur, & jure magis
 „ Pontificio, quàm Civili dirimuntur, omnia
 „ vix fora hodie sufficiunt. & quæ sequuntur.

Verba MATTHIÆ STEPHANI Jcti, in
Tractatu de Jurisdictione, in Libri Tertii Pra-
fatione, ubi disseritur an, & quatenus Ius
Canonicum in REFORMATIS SCHOLIS ET JUDICIIS sit admittendum, do-
cendum, & observandum, itemque de ejus
necessitate & utilitate.

„ PRætereà Juris Canonici utilitas perspicitur
 „ in libro Secundo Decretalium, ubi
 „ ea, quæ ad processum, & judicia præcipue
 „ spectant, tractantur. Quanti autem momen-
 „ ti res sit, in regionibus, auditoriis & Princi-
 „ pum curiis, tenere legitimam viam & metho-
 „ dum,

„ dum, cujus beneficio saltem controversia
 „ ritè instituat, & lite contestatâ optimè pe-
 „ ragatur, & citissimè finiatur, quis non te-
 „ net? Quod si itaque Jus Canonicum in totum
 „ abjecerimus & repudiaverimus, non tantum
 „ insignes magnarum controversiarum defini-
 „ tiones sive decisiones ex jure naturali peti-
 „ tas, apud Romanos quidem nunquam au-
 „ ditas, sed tamen à jure Romano non alie-
 „ nas; sed etiam viam & methodum litigan-
 „ di sive processum juris expeditissimum, &
 „ foro nostro accommodatissimum, amitte-
 „ mus, qui non minus laudis & utilitatis,
 „ quàm jus ipsum continet.... Cum & utilitas
 „ & necessitas Juris Canonici exinde notoria
 „ sit, quod fieri videmus, ut omnes illos qui in
 „ Academiis docere, vel in subselliis Iudicio-
 „ rum agere, sive decidere causas velint, non
 „ Civilis tantum, sed & Canonici Juris peritos
 „ & consultos esse oporteat. Non decet ita-
 „ que affectatiùs Ius illud, cujus nos Docto-
 „ res profitemur, impugnare. Potius eo in-
 „ cumbendum est nobis, ut alios discentes
 „ ad utrumque Jus, Civile & Canonicum, con-
 „ jungendum adhortemur. Sic namque vul-
 „ gari proverbio novimus, quod Canonum
 „ peritus, nisi idem Juris Civilis scientiâ instru-
 „ ctus sit, inter rudes & imperitos numeretur.
 „ Et non esse interpretem idoneum Juris Ca-

„ nonici, nisi idem sit Juris Civilis peritissimus,
 „ notavit Cujacius *in cap. quo ad consultatio-*
 „ *nem. X. de sent. & re Jud.* Et Baldus alibi
 „ dicebat: nisi quis sciat Canones cum legi-
 „ bus, non potest Practicam cognoscere: cum
 „ nimirum Jus Canonicum sit medulla legum,
 „ & Praxis Juris Civilis. Ac Jure Canonico
 „ maximè illustrari Civilem scientiam, &
 „ actiones politicas, quilibet in negotiis poli-
 „ tics versatus fateri cogitur.... Et cum in
 „ Jure Canonico multa occurrant impia & su-
 „ perstitiosa, quæ sine peccato sustineri non
 „ possunt, illa & similia sunt legenda, non
 „ ut teneantur, sed ut repudientur. Quin
 „ & Jus Civile multa habet, quæ cum verbo
 „ Dei non omninò congruere videntur: ne-
 „ mo tamen Jus Civile idcirco abjiciet....
 „ Non tamen eo ipso, quod Jure Canonico
 „ utimur, ipsius Pontificis subditos nos esse
 „ profiteamur, vel jugum ipsius agnoscimus:
 „ cum nec omnia libris Canonicis contenta ap-
 „ probemus & recipiamus. Non enim uti-
 „ mur Jure Canonico, propter ipsum aucto-
 „ rem Pontificem, sed quia illæ leges Ponti-
 „ ficiæ, quibus utimur, sunt cum Jure Natu-
 „ rali consentaneæ, & à Magistratibus nostris
 „ receptæ, & approbatæ.

Verba ARTHURI DUCKII Jcti, in *Tra-*
ctatu de Usu & Auctoritate Iuris Civilis Ro-
manorum in Dominiis Principum Christia-
norum, Lib. 1. Cap. 7. §. 4. 10. 13. 14. 15.
 16. 19.

„ **D**ecretum Gratiani plurimi laudant,
 „ quod maximam utilitatem juris huma-
 „ ni divinique Professoribus attulerit, & quod
 „ abundet aureis sententiis Patrum & Conci-
 „ liorum, quæ antiquam religionis Ecclesia-
 „ sticæ disciplinam renovarunt.... His modis
 „ Jus Canonicum in omnibus nationum Chri-
 „ stianarum Academiis & Curiis admissum est,
 „ tantamque postea apud omnes auctoritatem
 „ habuit, ut deinceps non esset contentioni
 „ locus inter Jus Civile Romanorum, & Jus
 „ Canonicum; sed utrimque concurrerent,
 „ & in multis alterum alteri cederet, & sese
 „ mutuò ornarent, & amplecterentur. Ut
 „ enim leges non dedignantur imitari sacros
 „ Canones, Nov. 83. ita Canones Juraucto-
 „ ritatem æquitatemque imitantur, C. si in
 „ adiutorium. & C. seq. dist. 10. C. propter. C.
 „ biduum. 2. qu. 6. C. que l. rec. dist. 8. & alte-
 „ rum ab altero invicem ornatur.... Unde ab
 „ interpretibus utriusque juris traditum est,
 „ Jus & Civile & Canonicum in unam socie-
 „ tatem & consonantiam coisse, eaque ita esse
 „ inter

„ inter se revincta & cognata esse, ut alterum
 „ sine altero consistere non possit, & commu-
 „ ni vinculo se mutuò complectantur..... In
 „ eo verò reprehendunt alii Jus Canonicum &
 „ Pontifices Romanos, qui forsan nimio vel
 „ suæ dominationis amplificandæ, vel leges
 „ Imperatorum imitandi studio, Constitutio-
 „ nes suas in rebus tam profanis, quàm Ec-
 „ clesiasticis ediderunt. Illud primus incæpit
 „ *Alexander Tertius*, Juris Civilis peritissimus,
 „ quod ante Pontificatum Bononiæ professus
 „ fuerat, & causas in foro Ecclesiastico secun-
 „ dùm formam Juris Romani tractari jussit;
 „ eumque imitati sequentes Pontifices Inno-
 „ centius Tertius, Honorius Tertius, Grego-
 „ rius Nonus, Bonifacius Octavus, Clemens
 „ V, alique plures condiderunt Constitutiones
 „ in Jure Canonico, tam de Judiciorum Re-
 „ gulis, & causis civilibus, quàm de vitâ mo-
 „ ribusque Clericorum, & in judicandis omni-
 „ bus causis è Dominiis Principum Christia-
 „ norum non modò per appellationem, sed
 „ & in primâ instantiâ sese intromiserunt; quæ
 „ tamen omnia tantâ cum prudentiâ, justitiâ,
 „ æquitateque præstiterunt, ut Principes po-
 „ pulique Christiani plurimi, qui cum Pon-
 „ tificibus de potestate contenderent, eorum
 „ Constitutiones, Judicia, Decisiones admit-
 „ terent..... Universum Jus Canonicum pu-
 „ blicè

„ blicè docetur in omnibus Academiis Gal-
 „ liæ, ubi juris studia instituta sunt. Hispa-
 „ ni pariter deficiente jure suo Regio ad Jus
 „ Canonicum recurrunt, & ex eo causæ in
 „ judiciis suis deciduntur. Hungari porrò &
 „ Dani aliique leges suas magnâ ex parte à ju-
 „ re Canonico desumptas esse profitentur. Et
 „ Jus Canonicum apud Nos (*scilicet Anglos*
 „ *& Scotos*) receptum fuisse, satis constat, *Cujac.*
 „ *ad c. 9. & 38. X. de appellat. & ad c. de illis. 6.*
 „ *X. d. Delp. impub. Gentil. Lib. 1. d. Nupt. c.*
 „ *19.* cum maxima pars Constitutionum De-
 „ cretalium in Jure Canonico à Pontificibus
 „ Romanis ad Nos de controversiis Anglica-
 „ nis transmissa reperiantur. Illud porrò in Iuris
 „ Canonici laudibus eximium est, quod Prin-
 „ cipes Protestantes Germanici, aliique, post-
 „ quam ab Ecclesiâ Romanâ secesserant, *Lu-*
 „ *theri & Calvini* doctrinam amplexi, omnem-
 „ que Pontificis Romani potestatem abdicassent,
 „ Ius tamen Canonicum non excusserunt, sed
 „ eo in causis suis decidendis etiamnum utun-
 „ tur, eodem planè modo, sicut Principes Eu-
 „ ropæi, postquam renunciaverant Cæsarum po-
 „ testati, leges tamen Cæsareas adhuc obser-
 „ vant. Et licet Martinus Lutherus, zelo præ-
 „ postero & inconsulto ductus, Juris Canonici
 „ libros, repugnantibus Jctis, Wittebergæ com-
 „ buisset, Juris tamen Canonici usum ab eo
 „ tem-

„ tempore Saxones, Brunsvicenses, cæterique
 „ Protestantes semper conservarunt, nullâ in eo
 „ mutatione admissâ, sicut in Augustanâ Con-
 „ fessione consenserunt, Iusque Canonicum
 „ Wittebergæ, & in aliis Protestantium Aca-
 „ demiis adhuc publicè docetur..... Denique
 „ Juris Canonici non utilitas modò, sed Ne-
 „ cessitas etiam ab omnibus nationibus Chri-
 „ stianis agnoscitur: eo enim sublato, non ha-
 „ bemus justam in causis forensibus procedendi
 „ formam, quæ in *libro Secundo Decretalium*
 „ continetur, & careremus Decisionibus plu-
 „ rium arduarum & illustrium controversia-
 „ rum ex Jure Naturæ & Gentium desumptis,
 „ quæ in Juri non Civile reperiuntur, ipsiq; Ju-
 „ risconsulti sine conjunctâ utriusq; Juris scien-
 „ tiâ imperiti habebuntur, cum Interpretes Ca-
 „ nonum rudes dicantur, si non sint instructi
 „ scientiâ legum Romanarum, & Interpretes
 „ Juris Civilis sine Canonici juris peritiâ pro
 „ Jurisconsultis idoneis palrùm habeantur,
 „ Iusque Canonicum & Civile ita jam cohæ-
 „ rent, ut sine utroque jure nemo possit dici
 „ Jurisconsultus, & utrumque jus penitus igno-
 „ ret, qui unicum tantùm se scire contendit.

Verba EVERHARDI SPECKHANII Icti, olim in Academia Iuliâ, quæ est Helmstadii, Antecessoris, in Exegi si Universi Iuris Romani Cæsarei & Pontificii. pag. 465.

„ **N**Os tamen istis præjudiciis, rationibus,
 „ & argumentis, quantumvis plausibili-
 „ bus & speciosis, nihil obstantibus, ad ocu-
 „ lum aliàs demonstrare conabimur, Ius Pon-
 „ tificium neque origine, neque rerum, quæ-
 „ stionum & decisionum magnificentia, digni-
 „ tate, gravitate, utilitate & necessitate, neque
 „ ordinis, dispositionis, connexitatis, & cohæ-
 „ rentiæ elegantia, maximè quoad Decretales;
 „ neque rationabilitate, ἐπιεικεία, æquitate, &
 „ humanitate; neque compilatorum & glossato-
 „ rum, veterum & recentiorum, fide, diligentia
 „ eruditione, sufficientia, hodie in Imperio Ro-
 „ mano-Germanico, juri Cæsareo in nihilo esse
 „ postponendum, ac proinde in scholis, politiis,
 „ & judiciis Christianis Reformatis repurgatis,
 „ non tantum retinendum, sed simultaneo stu-
 „ dio, cum Iure Cæsareo jungendum esse.

*Verba Viri Amplissimi & Eruditissimi D. GER-
 HARDI VAN MASTRICHT, IC. &c.
 in Dedicatione præmissâ Dialogis Antonii
 Augustini de Emendatione Gratiani.*

„ **A**Tque hæc secundò me impulit, ut hos
 „ Augustini Dialogos ederem, eisque
 „ Hi-

„ Historiam de Ortu & Progressu Iuris Ecclesia-
 „ stici præmitterem, ut postliminio Studiosos ad
 „ studia hæc revocarem, ostenderemque, non tam
 „ ea esse sterilia, ut quidam sibi aliisque eheu!
 „ falsò persuadere conantur, neque posse Iuris-
 „ prudentiam nostram, quæ rerum divinarum &
 „ humanarum notitia & scientia audit, absque iis
 „ perfici. Videmus enim etiam Ethnicos Iuris-
 „ consultos, utramque conjunxisse Iurispruden-
 „ tiam, sacram & prophanam, quod docti, qui
 „ sua de veteri Iure Pontificio Romano edide-
 „ runt, affatim demonstrarunt. Nec est quod
 „ quis excipiat, fuisse ejus juris cognitionem
 „ utilem, quia & ad Rempublicam Romanam
 „ accommodatum erat; ideoque Iurisconsultos
 „ sæpe etiam de eo rogatos responsa signasse;
 „ Hoc verò, quod Pontifices Romani Orbi, ma-
 „ ximam partem barbaro, & Cimmericis igno-
 „ rantiae tenebris immerso obtruserunt, valde
 „ esse alienum à sacris Christianorum, imò sæpe
 „ cum iis pugnare. Huic regeri potest, quod
 „ multæ antiqui & genuini juris Ecclesiastici re-
 „ liquiæ in hodierno Pontificio Iure supersint;
 „ tum etiam, primitivo & genuino Iuri Eccle-
 „ siastico incumbendum, ut scorias sequioris hu-
 „ jus Iuris Pontificii ab auro separemus, eique
 „ ex primitivis Canonibus occurramus. Tan-
 „ dem non caret quoque utilitate suâ, quoniam
 „ posterius illud Ius Pontificium artificiosè satis
 „ ita forum instruxit, ut ordo judicarius juxta
 „ illud in omnibus ferè Europæ tribunalibus in-
 „ stituatur. Utinam hisce rationibus persuade-
 „ rem! Utinam voti mei compos fierem! &
 „ torpor ille, aut potius glaucoma, multorum
 „ oculis offusum, discuteretur!



J. FR. BÖCKELMANNI

7^{ci}, & Antecessoris Lugduno-
Batavi Celeberrimi

DIFFERENTIÆ
JURIS CIVILIS,
Canonici, & Hodierni.

CAPUT I.

IN Tractatu Generali de Jure Cano-
nico primò observanda est ejus
Etymologia & appellatio. Dici-
tur autem à Græco vocabulo *κανών*,
quod nihil aliud est, quam Regu-
la: quia normam & regulam vi-
vendi nobis præbet, vel quod distortum est pra-
vumque corrigit. *can. regula 2. distinct. 3.*

2. Aliud est autem Canon, aliud Lex; legis
enim virtus est imperare, vetare, permittere, pun-
nere *l. 7. ff. d. Leg.* canon autem non imperat,
sed suadet. Quamvis lex & canon promiscue
& aliud sæpe pro alio sumatur. *Can. lex est*

3. *distinct.* 1. *can. Nicana* 12. *dist.* 31. Proprie tamen Lex ad Jus Civile, Canon ad Jus Canonicum refertur. *can. lege. distinct.* 10. *can. constit.* 4. *eodem.*

3. Denominatio videtur petita ab ipsis Apostolis Christi, quibus etiam Canonum appellatio est usitata.

4. Ratio diversæ significationis est, quod primi conditores Juris Canonici noluerunt sibi arrogare legum condendarum potestatem. Sed ab illâ modestiâ recesserunt posteriores Pontifices, qui vim canonum & legum sibi arrogarunt *t. t. de Rescript. & constitut. in Decretal.*

CAPUT II.

De origine Juris Canonici, Partibus, allegatione, & auctoritate.

1. **O**Rigo Juris Canonici antiquissima est. Non enim dubium est, quin ipsi Apostoli, eorumque successores, cum religionem Christianam in Imperium introducerent Romanum, regulas quasdam præscripserint, juxta quas populus Christianus vitam suam moresque institueret.

2. Ad has regulas pertinent Canones Apostolici, quos videmus tam in jure civili (scilicet in novo Codice post Constitutiones Imperatorias, immediate ante libros F. F.) quàm in Jure Canonico (scilicet post Pœnitentiales, immediate ante Decretales Gregorii IX.) Nonnulli hosce Canones ipsis Apostolis, alii eorum successoribus adscribunt.

3. De Editionibus & numero horum Canonum

num non omnia exemplaria conveniunt. Hi autem Canones per se nullam habent auctoritatem, nisi quatenus multa in se continent, quæ ipso jure divino præcepta sunt. Ipso enim jure Canonico reprobantur *cap. 1. d. 16. can. 3. quæst.* Obstat *c. 2. § 4. d. 16.* ubi dicitur quod rati sunt hi canones: Resp. Non omnes Pontifices idem sensisse de Canonibus Apostolicis. Communior tamen & receptior sententia est, illos Canones non habere auctoritatem, ne quidem inter Pontificios, multò minus inter nostros.

4. Subsecutâ ætate varii nati sunt Canones Conciliorum, & Decreta Pontificum, quæ collecta sunt in unum Codicem, qui dicitur Codex Canonum. *can. 1. si Romanorum. d. 19. can. 1. d. 20.* De hujus Codicis Rescriptis & Editionibus habemus præfationem ante Decretum, quæ hunc titulum habet, *De quibus lectorem principio admonere visum est.*

5. Hi Canones, sic collecti, fuere plures & varii. Quos deinceps homines privati in aliquem ordinem redegerunt. Seculo septimo primus hoc opus incæpit Isidorus Hispalensis, parum quidem accuratè, sed observato tamen ordine Pontificum. Deinde seculo xi Burchardus Wormatiensis Episcopus plures confarcinavit, & in 20 libros digessit.

CAPUT III.

De Decreto.

1. **D**Einde circa an. 1090 Ivo, Carnotensis Episcopus, ex his Canonibus Decretum fecit

cit in 8 libros divisum, multaque addidit tum ex Pandectis & Codice, tum ad confutandam hæresin Beringarii. Deinde A. 1151 sub Eugenio 3 Gratianus, Monachus Bononiensis, perfectius opus edidit, adjectis multis Constitutionibus & Rescriptis Pontificum, Canonibus & Scriptis Patrum. Hic Causas & Distinctiones addidit ad conciliandos Canones, qui videbantur discordare, denique methodum illam adhibuit, quam hodie in Decreto videmus. Quod opus cum tanto applausu receptum est, ut & Isidori & Burchardi & Ivonis opera postea negligenterentur, & fere in nullo pretio haberentur.

2. Cum autem in hoc opere Gratiani multa essent menda, multa desiderarentur, primum Pius IV Pontifex id purgare & emendare aggressus est, quod deinde Gregorius XIII perfecit, iussitque, ut perpurgatum hoc opus ita observaretur, ut nihil adderetur aut detraheretur. vid. Epistol. Gregorii XIII præfixa Decreto, data Anno 1580, cujus observanda sunt verba in fine, quibus quanquam non jubet Pontifex Decretum in Scholis & Foris observari, sine dubio tamen in Foro & Judiciis juxta Decretum judicatur.

3. Decretum est prima & antiquissima pars Juris Canonici, & dividitur in tres partes.

4. Prima continet 101 Distinctiones, quæ ita dictæ a Gratiano, quasi essent conciliationes pugnantium capitum, sub illis Distinctionibus contentorum.

5. Secunda pars Decreti continet XXXVI Causas. Dicitur autem Causa quasi summum caput & argumentum singulare Quæstionum, quæ inde eliciuntur. Quælibet causa continet
suas

Differentia Juris Civ. & Can.

5

suas Quæstiones, quælibet Quæstio sua capita. Speciale est in Causa XXXIII, quæ est de Pœnitentia in V. quæstiones divisa, quod tertia Quæstio in 7. Distinctiones, & singulæ Quæstiones in sua capita subdividantur.

6. Tertia pars Decreti agit de Consecratione, & continet 5 Distinctiones, & unaquæque Distinctio sua capita.

CAPUT IV.

De Ratione allegandi in hisce partibus Decreti.

1. **R**atio allegandi Canones Decreti, alia fuit apud veteres, alia hodie est, quâ de re varia sunt observanda hoc loco.

(1) Aliquando simplex *c.* ponitur pro dimidiâ voce *can.*

(2) Rectius parvum quam magnum *c.* ponitur, ad differentiam Codicis Justiniani, qui maiusculâ *C.* solet allegari.

(3) Aliquando simplex *d.* pro Distinctione ponitur, quod similiter rectius parvum, quam magnum scribitur, ad differentiam Digestorum, quæ maiusculo *D.* notantur.

(4) Vox Canonis & Capituli promiscuè usurpatur. Frequentius tamen in Decretis Canones, in Decretalibus Capitula appellantur.

(5) Numerus Canonis plerumque omittitur.

(6) Distinctio quandoque præponitur, & littera vel vox Canonem denotans omittitur. Ex: gr. in primâ parte; 8. *dist. quo jure.* i. e. *can. quo jure.* 1. *dist. 8.*

2. Ratio autem allegandi in secundâ parte De-

creti est, Ex. gr. c. *didici* 15. §. *ut autem. vers. dispensationis. caus. 1. quæst. 7.*

3. Observandum autem hic est, sæpissime canonem sine nomine & numero, solo verbo initiali significari, & tunc prior numerus Causam, secundus Quæstionem significat, ut *didici. 1. q. 7. vel 1. q. 7. didici.* qui mos veteribus fuit ultatus.

4. In Causa autem XXXIII specialis allegandi ratio est. Veteres enim sic allegabant: *de Pæn. distinct. Homicidior.* Hodie verò multi ita: *can. Homicid. Causâ 33. de Pæn. distinct. 1.* Sæpe etiam vocem Causæ omittunt & nudum numerum Causæ notant.

5. Ratio allegandi in Tertiâ parte Decreti hæc est apud veteres: *De consecratione. dist. 2. can. Quia corpus.* Sed plerique recentiores hoc modo allegant: *can. quia corpus 35. dist. 2. d. Consecrat. & numerum, qui canonem denotat, omittunt.*

6. Observandum autem est, in Decreto esse quosdam Canones, qui inscribuntur *Palea.* ex gr. *can. Constantinus 14. distinct. 96.* Hos quidam dictos putant, quasi *τὰ παλαιά*, id est, antiquos Canones. Male! Nam plerique sunt recentiores; quod patet ex collatione antiquorum exemplarium, & non scribuntur cum diphtongo *Pala-*, sed *Palea.* Alii deducunt quasi à *παλί*, id est, rursus; quasi hi Canones sint additiones, & repetita quæda opera; quod fieri potest, cum plerique hi Canones additi sint in margine antiquorum exemplarium, recentiori tamen scriptura. Incerta tamen est illa denominationis ratio. Alii ab auctore *Pocapalea* Cardinali, alii à *Palea*, Gratiani discipulo, dictos putant. Sed neque hujus

jus rei firmum est argumentum. Alii *Paleas* purgamentum frumenti, nullius momenti & auctoritatis, dictas putant. Sunt qui credunt Eugenium Tertium, cum afferretur ei à Gratiano Decretum, notasse Canones sibi minus probatos, iisque præscripsisse hunc titulum; sed neque de hoc satis constat. Illa verò communis Nostratum est sententia, hos Canones sive dubiæ sive nullius auctoritatis esse. Quamvis quosdam tamen esse, quibus effectum juris denegare non possumus, extra dubium sit.

7. Prætereà notandum est, Gratianum Inscriptiones, vel Rubricas, ut vocant, & connexiones, & multa alia Decreto addidisse, & textui nonnunquam inseruisse, alio charactere descripta; quæ non sunt ejusdem auctoritatis, cum Decretis Conciliorum, Pontificum, aut Patrum.

CAPUT V.

De Decretalibus.

1. **S**ECUNDAM partem Juris Canonici constituit liber Decretalium Gregorii IX. Pontificis.

2. Occasio & necessitas hujus libri componendi fuit, quod Gratianus multa ex antiquis Constitutionibus, Conciliis, Epistolis Pontificum omiserit, quodque multa ejusmodi jura, etiam post Gratianum, condita sint, maxime sub Pontifice Alexandro III. quæ alii atque alii privati homines colligere cœperunt.

3. Primus collector fuit Bernardus Circa, Papiensis Præpositus, postea Episcopus Faventinus, & quidem privata auctoritate, sed tamen eam

approbavit Papa, Alexander III. Ipse vocavit librum suum, *Extra seu Extravagantium Breviarium*.

4. Secundus fuit Johannes Gallensis.

5. Tertius dicitur Bernardus Compostellanus.

6. Quartò accessit collectio Epistolarum Innocentii Pontificis, qui tertiam illam collectionem perfici jusserat.

7. Quinta collectio facta est à Tancredo Archidiacono Bononiensi, quæ continet Honorii Constitutiones, sub ipsius Pontificis nomine collectas, à successore Gregorio IX. diu suppressas, diu desideratas, sed postea inventas.

8. Ex quibus collectis constitutionibus, atque sui ipsius, Gregorius XI per Raimundum, Pontificis Capellanum, librum istum Decretalium, quo hodie utimur, fieri mandavit, eumque bene emendatum & nitidum confirmavit, uti constat ex epistola confirmatoria Decretalibus præfixa, data A. Chr. 1230.

9. Ex hac Epistola confirmatoria patet hunc librum expressâ Pontificis auctoritate jussum esse in judiciis & foro observari, secus ac in Decreto factum est.

10. Decretalium autem vox est adjectiva, & respicit ad substantivum Constitutionum scil. vel Epistolarum, quas Pontifices pro Decretis, vel loco Decretorum edidere. Dicuntur ita, partim ad differentiam, partim ad similitudinem Decreti. Ad differentiam: quia aliud opus est, & Decreto Gratiani recentius. Ad similitudinem: quia, ut Decretum Gratiani, ita quoque hoc opus constituit partem Juris Canon. & quia, ut opus
Gra-

Gratiani, continet Decreta Conciliorum & Pontificum, & sententias Patrum, ita hoc quoque; quamvis sententiæ Patrum huic non adeo sint immixtæ. Unde Decretum magis respondet Pandectis, hic liber magis Codici.

11. Divisus autem est hic liber in 5 libros: forte quod ex totidem præcedentibus collectionibus est compositus. Singuli autem libri habent suos titulos, & tituli sua capita, capitula nonnunquam suos Paragraphos, & hi quandoque suos versiculos.

12. Ordo autem materiarum, & methodi in his quinque libris hoc versiculo solet exprimi:

Judex, judicium, clerus, sponsalia, crimen.

13. Libro primo, præmissis generalibus juris publici & privati, agitur de iis, quæ spectant ad Constitutionem & Officium Judicum & Arbitrorum. Officium autem Judicis generalius hic accipitur, ut & Ecclesiasticos comprehendat.

14. Secundus continet ea, quæ spectant ad Judiciarum ordinem, & partes Judicum.

15. Tertius agit de iis, quæ ad materiam Clericorum spectant. A tit. 14. tituli quidam intermiscuntur de Contractibus, Pignoribus, Fidejussoribus, Solutionibus, de Donationibus, usque ad tit. 26. & 27. ubi agitur de Testamentis & Ultimis voluntatibus, & de Successionibus ab intestato. Postea redit ad tractatum de Clericis.

16. Quartus tractat de Sponsalibus & Matrimoniiis.

17. Quintus continet Crimina. Eodem ordine hæ materię in libro VI Decretalium tractantur.

Ratio & modus allegandi.

18. Veteres simpliciter titulum præmittebant, deinde initialia verba Capituli. Ex. gr. *de Offic. & potestat. judicium deleg. c. cum contingat*. Recentiores præmittunt capitulum, vel per initialia verba, vel per numerum capituli, vel per utrumque, & tum titulum subiungunt, & solet plerumque tam à veteribus, quam à recentioribus addi particula *extra*, vel signum X. Ex. gr. *c. cum contingat 36 X de Officio & potestate deleg.* Vox autem *extra* significat hanc partem juris esse extra Decretum & ad illud postea accessisse. Aliquando etiam omittitur hæc vox, sive signum, & tunc hujusmodi allegatio semper censetur ad hunc pertinere librum, neque ad Decretum, aut aliam Juris Canonici partem refertur; ut allegatus textus in Jure Civili, non addito signo *ff.* aut *C.* semper intelligitur allegatus ex *ff.*

Auctoritas.

19. De auctoritate hujus libri non est quod dubitemus: cum expressa Pontificis sanctione sit confirmatus, & usu receptus, tam inter Pontificios, quam inter Protestantès, qui à Luthero nomen acceperunt.

CAPUT V.

De Libro VI Decretalium.

1. **T**ertia pars Juris Canonici continet Sextum Decretalium, Clementinas & Extravagantes.

2. De Libro Sexto tenendum est, quod post Decretalium Gregorii editionem, lapsis annis circiter 60, Pontifex Bonifacius VIII anno 1297
librum

librum Sextum Decretalium composuerit, maxime ex Constitutionibus Innocentii IV, Gregorii X. & sui ipsius, in quo multa à Gregorio IX in Decretalibus ambigüe posita declaravit & emendavit.

3. Dixit autem hunc librum *Sextum*, partemque fecit Decretalium Gregorii, quas voluit novis constitutionibus augere, ne plurima Exemplaria priorum Codicum novâ illâ emendatione inutilia fierent. Itaque talem librum composuit, qui præter Decretales commode haberi, neque tamen ipsa Decretalium priora Exemplaria inutilia facere posset.

4. Hic liber Sextus divisus est in libros 5, quemadmodum ipse Codex Decretalium, in hisque libris eadem methodus & materiarum series fere continetur, quæ in Decretalibus.

Auctoritas.

5. Quantum attinet ad auctoritatem hujus Libri, expressâ Epistolâ, Sexto Decretalium præfixâ, a Bonifacio VIII confirmatus est, ut valeat in Judiciis & Scholis.

6. Nunquam autem hic liber in Gallia est receptus, quamvis ceteri libri Juris Canonici ibi recepti sint, idque propter summas inimicitias, quæ erant inter Gallos & hujus libri auctorem Bonifacium VIII, ut testatur Cujacius ad *cap. 40. X. d. Sponsalibus.*

Ratio & modus allegandi.

7. Veteres hunc librum allegant præmissis titulo, tum subjectis initialibus verbis capituli, denique facta mentione ipsius Libri Sexti. Ex. gr. *d. Rescript. dispendia. lib. 6.*

8. Recentiores verò hoc in libro procedunt,

ut in Decretalibus, additâ tamen semper mentione Sexti libri, vel expressis verbis, *Libro Sexto* vel *in Sexto*, vel per numerum 6. v. g. c. *Dispensatio 3. de Rescript. in 6.*

CAPUT VI.

De Clementinis.

1. SEquuntur Clementinæ, de quibus observandum, quod Clemens V. successor Benedicti XI, qui Bonifacio 8. successerat, antecessores suos imitatus, novam collectionem Constitutionum Canoniarum facere incæperit, quam postea Pontifex Johannes 22. correxit, in lucem edidit, ac confirmavit, & à nomine Prædecessoris Clementinas appellavit, ut constat ex Epist. præfixâ Clementinis.

2. Cæterum divisio Clementinarum in V libros, & librorum iterum in suos titulos, nec non methodi series eadem est, quæ in Decretalibus, & in Sexto. Unde nonnulli hunc librum solent appellare Septimum. Quod a vulgo DD. improbat, qui Clementinas *Librum* non vocant, forte quod non contineat tot constitutiones, quot in Decretalium libro & Sexto continentur.

Ratio allegandi.

3. Ratio allegandi Clementinas veteribus hæc fuit, ut præmitterent titulum, subjungerent initialia verba capituli, addito *in Clementinis* Ex. gr. d. *Appell. quamvis. in Clementinis.*

4. Recentiores eundem allegandi modum servant, quem in Sexto. Sæpe autem hic allegari solet titulus d. *Verbor. significat.*

CAPUT VII.

De Extravagantibus.

1. **N**Omen Extravagantium ita dicitur, quod prius versatæ fuerint & circumvolarent extra ceteros libros Juris Canonici supra dictos; & quemadmodum Novellæ Constitutiones in Corpore Justiniano respectu Pandectarum & Codicis nomen suum acceperunt, sic quoque Extravagantes dicuntur respectu earum Constitutionum Canoniarum, quæ jam erant in ordinem redactæ, & in libros certos collatæ. Cum enim hæc admodum paucæ essent, ita ut justum librum efficere non possent, neque certam formam Codicis acceperunt, neque speciali epistolâ confirmatæ sunt, sed per se valent, tanquam Constitutiones speciales Pontificum. Nomen autem sortiuntur vel ab auctore certo, quomodo dicuntur Extravagantes Johannis XXI, quos nonnulli veterum *Johannicas* solent appellare, vel à variis auctoribus aut Pontificibus, quæ vocantur *Extravagantes communes*.

2. Utræque non minorem auctoritatem in Scholis & Judiciis habent, quam Decretales, Sextus, & Clementinæ, adeo ut DD. statuunt, sententias, contra hæc Extravagantes, latas, esse ipso jure nullas.

3. Sunt etiam aliæ Extravagantes, id est, Constitutiones Pontificum, Corpori Juris Canonici non insertæ, quibus etiam Tomi aliquot impleti sunt, quas vocant *Bullaria Pontificum*, quarum etiam inter Pontificios eadem est auctoritas, quamvis

quamvis auctoritas ceterarum Extravagantium, Corpori Juris Canonici inclusarum, sit certior.

4. In Extravagantibus eadem series, & idem ordo methodi & argumentorum est observatus, qui in tribus superioribus; imò & Extravagantes Communes in 5 libros, & libri iterum in suos titulos divisi sunt.

De Ratione allegandi.

5. Ratio autem allegandi hæc est, ut primo caput, deinde nomen Extravagantium & denique titulus scribatur. Ex. gr. *c. quia nonnunquam. Extravag. d. V. S.* Quandoque etiam, distinctionis causa, solet addi vel nomen *Johannis XXI I*, vel *Communium*. Ex. gr. *ad Sacrosancta. Extrav. Johannis. de Sententiis*, vel *c. ambitiose. Extrav. commun. de Rebus ecclesiæ non alienandis*.

6. Atque hi sunt libri Juris Canonici, qui tanquam authentici solent allegari in Scholis & Foris.

CAPUT VIII.

De Institutionibus Juris Canonici.

His tamen solent adjungi nonnulli alii, quorum tamen dispar est auctoritas. Inter hos primum locum obtinent Institutiones Juris Canonici, ad imitationem Juris Civilis compositæ, & in 4 libros digestæ, ex mandato quidem Pontificis, nondum tamen autoritate Pontificis confirmatæ, ut apparet ex Præfatione ipsius Johannis Pauli Lancellotti. In his eadem est methodus, quæ in Institutionibus Juris Civilis.

CAPUT IX.

De Libro VII Decretalium.

1. **S**ECUNDO loco sese hic offert Liber Septimus Decretalium, qui ex recentioribus Constitutionibus Pontificum collectus est; eâdem methodo & argumentorum serie, quâ Liber Decretalium Sextus & Clementinæ,

2. Collectus est hic liber à Petro Matheo, Jurisconsulto Lugdunensi, & quanquam à Pontifice nondum confirmatus, & suam vim atque auctoritatem in Scholis & Judiciis obtinere jussus sit, solet tamen non tantum à modernis Scriptoribus, sed etiam ab Historicis sæpe allegari.

CAPUT X.

De Regulis Cancellariæ Apostolicæ.

IN nonnullis Codicibus etiam sese offerunt Regulæ Cancellariæ Apostolicæ, quæ tempore Lucii III Pontificis introductæ, & postea illustratæ sunt à Johanne XXII. & sine dubio vim juris scripti acceperunt. Sed tamen neque perpetuæ, neque universales fuere; Sed, ut Glossa in præmio istarum regularum docet, à Successoribus Pontificum semper approbandæ fuerunt. Harum igitur non magnus fuit, nec est usus.

CAPUT XI.

De Usu & Auctoritate Juris Canonici in genere.

1. **Q**Uoniam hæc quæstio facti est, nec ex legibus erui potest, ex probatissimis auctoribus declaranda est. Probatissimus autem hac in re est Arthurus Duck, qui in libello suo de auctoritate Juris Civilis Romani *lib. I. cap. 7. § 10. & seq.* hanc rem accuratissimè tractat, quem vide. Ubi ait Jus Canonicum in omnibus Christianarum nationum Academiis receptum esse. Deinde §. 15. quæ & quantà ejus sit auctoritas in singulis regnis, edocet.
2. Singulare quid est in Judæis, qui Juri Civili subditi sunt; *l. 8. Cod. de Judæis*, jure verò Canonico non tenentur, ut tradit *Arthur Duck d. lib. I. c. 7. §. 18.*
3. Mores verò nostri magis Canones sequuntur, quàm leges civiles in multis, ut patet ex Decisionibus Curiarum Hollandiæ, Zelandiæ, Westfrisiæ, &c.
4. Quodnam verò sit præferendum in locis, ubi utriusque viget auctoritas, ex Regulis sequentibus manifestum erit.
5. Regula 1. Quoties res obscura & dubia est Jure Civili, decisa & definita Jure Canonico, tam in foro Seculari, quam Ecclesiastico observatur Jus Canonicum, uti communiter docent Doctores per *c. 1. & 2. X. d. Nov. op. nunc.* Excipe, nisi Statutum aliquod expresse jubeat judicari secundum Jus Civile.

6. Regula II. Cum quid Jure Civili definitum, & Jure Canonico non definitum est, tunc judicatur secundum Jus Civile in utroque foro, nisi specialis differentiae ratio aliud velit.

7. Regula III. Cum Jus Civile & Can: inter se pugnant, secundum Jus Civile judicatur in foro Seculari, secundum Jus Canonicum in Ecclesiastico.

8. Regula IV. In quaestionibus, ubi vertitur animae periculum, praefertur Jus Canon. Tales autem sunt, quae spectant causas 1. Matrimoniales, ut Divortiorum, Alimentorum, &c. 2. Pactorum. 3. Usurarum. 4. Bonorum Ecclesiasticorum. 5. Decimarum. 6. Piarum causarum. 7. Testamentorum. 8. Fideicommissorum, & Quartarum, ut Trebellianicae. 9. Praescriptionum. 10. Ordinis Judiciorum & Appellationum.

9. Regula V. Si diversum sit Jus Civile a Canonico, Judex Secularis servat Jus suum in suo foro, Ecclesiasticus in suo. Si autem alterum magis æquum sit, & rationi magis conveniens, illud in utroque servandum est.

10. Regula VI. In dubio non debet statui differentia inter Jus Civile & Jus Canonicum, sed potius praesumitur alterum cum altero convenire. De his autem Regulis Arthur Duck *lib. I. cap. 7. § 11. & seqq.* & Rittershusius latius agunt.

CAPUT XII.

De Fine, & Scopo Juris Canonici.

1. **H**Ac in parte observanda est differentia J. Civ. & Can.: Illius enim scopus & intentio principalis

cipalis est, tranquillitatem & quietem Imperii seu Reipublicæ conservare, uti Justinianus in suis Legibus & Novellis passim inculcat. Hujus verò finis & principalis scopus est, servare animas *c. pœnà 2. c. 23. q. 5.*

2. Hinc in J. Civili videtis hoc agi accuratè, ut exquisitissimæ pœnæ & remedia inveniantur contra illos, qui quietem publicam turbare fatagunt; sed in Jure Canonico non idem est, ubi omnia potius ad salutem animæ diriguntur, & ubi sanguinis pœnæ præferuntur leniora remedia in salutem animæ, idque adeo, ut, si Clericus judicium sanguinis exerceat, ab officio & beneficio deponatur. *d. c. 2. c. 5. Ne Cler. vel monach. sec. se misc.* Hinc quoque Jus Canonicum vult, ut si delinquens pœnitentiam sufficienter egerit, pœna ei remittatur. *c. domino. 28. §. fin. dist. 50.*

3. Quamvis autem hæc ita sint, tamen Jus Canonicum vult, pœnas lege statutas, etiam corporales, servari; ideoque meminit quoque ultimi supplicii, damnationis ad Furcas, verberationis, stigmatum, & similibum. *c. d. Occidendis. 8. c. qui malos. 29. c. Homicidas. 31. caus. 23. q. 5. c. ad Audientiam 3. X. d. Grim. fals. (5: 20.) c. ita quorundam. 6. X. d. Judæis.*

CAPUT XIII.

De Navis Juris Canonici.

Hæc in causâ sequentia sunt observanda

1. In Jure Canonico nos habere sermonem barbarum pro ratione temporis, quo conditi sunt Canones; quod res ipsa testatur.

2. In

2. In hoc Jure multos esse errores Doctorum, qui Jus Civile Romanum perperam interpretati sunt; Unde Cujacius *libr. 22. obs. 16.* dicit; *Facessat longe error Doctorum, tametsi Pontificii Decreti auctoritate donatus sit; in c. 5. d. Prac. in 6. sicut & alii plerique eorum hominum errores, quibus non fuit notum Jus Civile Populi Romani, cum & ejus Juris sermo fuerit incognitus, transferunt in Decreta, vel mores & instituta Regionum.* Quæ observatio utilissima est.

3. Jus Canonicum continet multa veræ Religionis, rationibus Politicis, fidei Historicæ, dic-
tisque Patrum adversantia, quæ omnia profecta sunt ex ambitione & lucri cupiditate Pontificum.

4. Hinc Albericus Gentilis *l. 1. d. Nupt. c. 17.* & alii; dicunt Jus Canonicum, multis erroribus, innumeris absurditatibus, infinitis falsitatibus scatere; à semidoctis Pontificibus compositum esse, non tam ad Reipublicæ commodum, quam ad suum commodum stabilien-
dum.

5. Quæ omnia cum ita se habeant, meritò bilem moverunt tum Luthero, tum aliis sum-
mis Theologis. Sed tamen ut Virgilius ex En-
nianis, ita ex hoc quoque stercore Juri aurum colligere possunt, tum ad illustrandum Jus Ci-
vile, tum ad intelligenda fundamenta Præceps
Forensis, tum ad decidendas causas Jure Civili non definitas.


6. Jus Canonicum continet multas contra-
dictiones, de quibus expressam habet disputa-
tionem Wissenbachius post Disputationes ad Inst.
pag. mihi 319.

TRACTATUS SPECIALIS

De Differentiis Juris Civilis &
Canonici.

CAPUT XIV.

De Summâ Potestate.

1.  N hoc Tractatu primò videndæ sunt differentiæ Juris Civilis, Canonici & Forensis, idque tam in Jure Publico, quam Privato.

2. Jus Publicum est quod ad statum Reip. Romanæ spectat, id est, quod ad utilitatem Reip. Romanæ principaliter tendit. Consistit autem in Sacris, Sacerdotibus, Magistratibus l. 1. §. 2. d. J. & J.

3. In Jure autem Publico utramque paginam facit Potestas, sive sit Summa, sive Subalterna, aut Subordinata.

Jus Civile.

4. Summa potestas a tempore Augusti fuit penes Imperatores; ante Imperatores erat penes Populum. Hinc videmus omnes leges, quæ latæ sunt de Sacris, ab iisdem esse latas, qui Jus circa profana condebant. Nulla verò erat potestas Pontificum, ideoque in Jure nostro Civili Sacerdotium ab Imperio prorsus separatur. Nov. 6. pr. De Anathemate jubet Imperator l. 5. §. 2. C. d. Summ. Trin. l. 6. §. 4. l. 7. §. 3. eod. Quæ religio sit servanda, præcipit Imperator l. 1. C. d. t. Qui Catholici sint, definit Imperator d. l. 1. §. 1. Quæ inter-

interpretatio Sacrae Scripturae sit accipienda, idem tradit (sc. 70 Interpretum) *Nov. 146. c. 1.* De Synodis quotannis habendis, jubet Imperator. *Nov. 123. c. 10. & 137. c. 4.* ut & de lectione Scripturae, & Monachis. *Nov. 5. & 133.* Statuit de Episcopis, quibus certo modo communicationem interdicat. *l. 30. C. d. Episc. & Cler.* *Nov. 123. c. 11.* Adeo ut Sacerdotes & Clerici nullam Jurisdictionem, sed solam Episcopalem Audientiam habuerint *l. 1. C. d. Episc. Audient.*

5. Et quamvis ex lege 7. *C. d. Summ. Trin.* quodammodo videatur posse colligi, Pontificem inter Clericos solum controversiarum fidei esse arbitrum, tamen neque textus hoc satis dicit, neque autoritas horum locorum extra suspicionem est, cum supposititias esse hasce leges arguat Hottomanius *lib. 1. Amicab. resp. 1.* quamvis Cujacius & Fachinaeus *l. 8. Controv. c. 1.* contendant hasce leges esse genuinas.

Jus Canonicum.

6. A Jure Civili hic divortium facit Jus Canonicum, siquidem Pontifex sibi quoque omne jus sumit non modò circa Sacra, quod jure divino sibi competere putat, sed & circa ipsum Imperium, quod ab Imperatore Constantino sibi donatum asserit *c. Constantinus 13. & 14. dist. 96.*

7. Atque hinc Imperium esse Feudum Pontificis contendunt Pontificii, ideoque, si quando Imperatores jurejurando se profitentur Protectores & Defensores Ecclesiae esse, ex eo juramento Protectionis faciunt Fidelitatis. *Clement. un. d. Jurej.* idque firmari etiam multi laborant *tit. 100.*

lib. 4. Feud. Sed re penitus perspectâ, apparet omnes hosce textus nullius esse auctoritatis, neque Imperium esse Feudum Pontificis, neque Donationem illam unquam factam esse, nec juramentum Fidelitatis Pontifici unquam præstitum.

CAPUT. XV.

De Donatione Constantini Magni.

1. **H**Anc esse falsam ac fictam liquet

(1) Quia ejus seculi Historici prodigi-
sæ istius Donationis, teste Platinâ, nullam men-
tionem faciunt.

(2) Quia dictum Capitulum in antiquis De-
cretis non continetur, sed *Palea* est.

(3) Quia alia capitula Juris Canonici contra-
dicunt *c. ego Ludovicus. 30. dist. 63. c. futuram*
15. caus. 12. q. 1. c. in Synodo. 23. dist. 63. & c.
cum ad verum ventum 6. dist. 96.

(4) Quia Historia testatur Imperium, non ab E-
piscopis Romanis, sed Constantini successoribus,
inter quos testamento divisum est, administratum
fuisse.

2. Quantum autem ad Juramentum & formu-
lam Protectionis, illud non Fidelitatis, sed Pro-
tectionis, fuisse ex ipso J. Canonico & omnibus
jurisjurandi illius formulis constat. *c. tibi domino*
33. dist. 63.

3. Eodem quoque modo est intelligendus
tit. 100. lib. 4. Feud. Vel saltem non de Imperio,
sed de aliis quibusdam ditionibus, quas forte
Imp. Jure Feudi a Papâ habet. Sed & respon-
deri potest, illud caput ad extraordinaria Juris
Feu-

Feudalis capitula pertinere, quæ incipiunt a tit. 73. l. 2. *Feud.* quæ Alvarottus restituit ex quibusdam Manuscriptis.

4. Nemo autem hodie agnoscit Regnum suum ut Feudum Pontificis; quanquam Pontifex, tanquam vicarius Christi & successor Petri, in Jure Canonico sibi sumit potestatem circa Sacra, & per indirectum etiam circa Secularia, quasi Deus c. 7. dist. 96. c. si Papa 6. dist. 40. c. over. caus. 2. q. 7. c. 7. dist. 21.

5. Ex hoc pessimo ac falsissimo principio tempore Gregorii VII, qui circa annum Christi 1075 sedit, (antea enim nunquam tentatum est, teste Onuphrio) natum est hoc axioma: Pontifici circa Sacra tam absoluta competit potestas, ut etiam exinde Reges regna pellere, vitam privare, & nihil non in summa Imperia; eorumque capita facere possit; Verba ipsius Gregorii ad Cardinales & Clericos refert Syringius de Pace Religionis. & Specimen hujus rei tradit Jus Canonicum c. alius 3. caus. 15. q. 6.

6. Sic primum Imp. Henricus IV a Pontifice vexatus, dein Henricus VI, Fridericus II, & alii, imprimis vero Ludovicus Bavarus. Neque minus servitum in Gallia, Anglia, Hispania, quorum omnium Regnorum felicitatem & quietem nullum aliud malum ita turbavit, quam usurpata illa potestas Pontificum.

7. Cui tamen sese cordati Imperatores justissime sæpe opposuere; atque ipsos etiam Pontifices loco moverunt, aliosque in locum remotorum suffecerunt, veluti Fredericus Barbarossa, & imprimis Ludovicus Bavarus. Is enim convocatis omnibus Principibus & Statibus Impe-

rii, Francofurti solenni Decreto damnavit potestatem illam Pontificis; Quâ de re fuit celeberrimus Scriptor Occam.

Mores.

8. Summam Pontificis circa Secularia potestatem omnes Populi, etiam Pontificii, non agnoscunt. Atque hinc olim, etiam a Pontificiis Principibus; qui in Belgio rerum potiebantur, publice fuit interdictum: *Ne Rescripta Apostolica reciperentur, antequam probata essent Principibus*, uti confirmat Instructio Curiae Hollandicae, & Merula in *Praxi Civ. l. I. t. 4. c. 1. art. 19.* Idem quoque confirmant Constitutiones Imperii Romano - Germanici. Neque minus alii Reges, & Imperatores Pontifici hac in parte obstiterunt. Hinc Rex Daniæ dicebat: *Nobilitatem a Parentibus, vitam a Deo, Regnum a subditis, fidem ab Ecclesiâ accepimus. Hanc si Nobis invidetis, per praesentes remittimus.* Syring. d. lib. Græci autem Joh. xxii. scribebant: *Potentiam tuam circa tuos subditos firmiter credimus; Superbiam summam tolerare non possumus; Avaritiam saturare non valemus; Diabolus tecum, Dominus nobiscum.* Syring. d. lib.

9. Inter Pontificios tamen summum circa Sacra retinet Pontifex arbitrium, ideoque jura inter eos condit, ac laxat; de matrimoniis ipsorum quoque Regum ac Principum dispensat; Magistratus Ecclesiasticos constituit, aliaque agit.

10. Jugum autem illud circa Sacra excusserunt in Imperio Romano - Germanico Principes, & Status Imperii Protestantes, Angli, Sueci, Dani, Helvetii, Belgæ & alii. Belgæ quidem Helvetiique jure belli summum Imperium circa Sacra
&

& Profana sibi vindicarunt: Reges autem Angliæ, Sueciæ, Daniæ, vi summi Imperii sive Majestatis, sacra sua emendarunt, & Pontifici nuntium miserunt.

11. Principes autem Protestantes in Imperio primò quidem jure Pacis, sive Transactionis Passaviensis Anno 1534 cœptæ, sed Anno 1552 repetitæ, Anno 1555 confirmatæ, & Pace Monasteriensi & Osnabrugensi Anno 1648 renovatæ, non tam acceperunt, quàm jure naturali & divino sibi debitam, recuperarunt.

12. Etsi autem hæc Pax Religiosa inita sit, postquam Principes Statusque Protestantes armis eam per aliquot annos nec infeliciter vindicassent, frustra tamen, Pontificii eam impugnant, quasi vi extortam, Concilio Tridentino contrariam, adeoque ipso jure nullam, si quidem Carolus V. non potuerit de illis transigere sine voluntate Pontificis.

CAPUT XVI.

De Subordinatâ Potestate.

1. **P**otestas Subordinata, id est, Summæ subiecta est quæ propriè Magistratibus competit.

Jus Civile.

2. Jure Civili omnis Potestas, omnis Jurisdictio, omnis magistratus pendet ab arbitrio Imperatoris, adeo ut in ipsos Ecclesiasticos perpetuam habuerint Imperatores potestatem 1. 1. C. Justin. & Theod. d. Ep. & Cler. Ipsa quoque Ecclesiasticorum electio fiebat ex præscripto lin-

peratorum *Nov. 6. 56. 57. 123.* quâ Justinianus Episcopum jubet 20 libras pendere. Cujus tamen pensionis remissionem impetrasse Agathonem, ipsum Jus Canonicum testatur *c. Agath. 21. dist. 63.*

3. Denique nullam tunc Subordinatam Potestatem fuisse Pontifici, omniaque negotia Ecclesiastica alicujus momenti juxta leges & arbitria Principum gesta esse, firmat *Novell. 3. 5. 56. 57. 58. 137. 146.*

4. Jus Pontificium agnoscit omnem illam potestatem eligendi Pontifices, nec non investien- di Archiepiscopos, & Episcopos soli Imperatori competere *c. Hadrianus 22. c. in Synodo 23. dist. 63.*

5. In his autem capitulis Pontifex sibi nimium sumit, quasi ipse concesserit hanc potestatem Imperatoribus; cum revera tantum sit declaratio Pontificis, Hanc Potestatem Imperatoribus competere.

6. Imò jure veteri omnes Clericos Potestati Seculari atque Imperatori subjectos fuisse, satis probat *Nov. 83. 123.* Ex quibus constat Episcopos nudam tantum habuisse notionem, ut & ex *l. 1. C. d. Episc. Aud.*

Jus Canonicum.

7. Ab hoc Jure multum differt Jus Canonicum: Pontifices enim, uti sibi summam arrogarunt potestatem, ita quoque subordinatam condiderunt, & absolutam sibi vindicarunt Hierarchiam; Magistratus Ecclesiasticos constituerunt; Omnes personas Ecclesiasticas Jurisdictioni Seculari exemerunt, & singularem Jurisdictionem in-

introducere, denique omnia Jura Ecclesiastica sibi vindicarunt.

8. Ipse itaque Pontifex Episcopos constituit, transfert, deponit, restituit; denique omnem curam circa Potestatem & Magistratus Ecclesiasticas sibi sumit *c. 2. d. Translat. Episcop.* Ipse ex Corpore Cardinalium eligitur ab ipsis Cardinalibus. *can. Oportebat. 3. & seq. dist. 79.* Cardinales ipse constituit, qui sunt quasi Senatores Pontificis & Ecclesiæ *c. Eccles. 7. caus. 16. q. 1.*

9. Habent autem hi Jurisdictionem fere Episcopalem *c. 11. d. Majorit. & Obed.* In rebus verò Ecclesiasticis summum cum Pontifice Imperium vel clavum Imperii tenet hic Senatus, imò, Sede vacante, Ecclesiam regit.

10. Præter hunc Supremum Senatum proximam Subordinatam Potestatem habent Episcopi, qui, uti & cæteri Prælati, vel per *Electiōnem*, vel per *Postulationem* promoventur.

11. De Electione & Electi potestate specialem habemus titulum *lib. 1. Inst. Jur. Can. tit. 6.* ut & in *Clementinis*.

12. Est autem nihil aliud *Electio*, quàm *Hominis alicujus per fraternam societatem canonice facta vocatio. §. cæterum. Inst. J. Can. d. Elect.*

13. Dignitas autem in hac definitione dicitur Officium cum dignitate Ecclesiasticâ. *Fraterna societas* significat collegia Clericorum, in quæ quis recipitur *canonice*, id est, secundum regulas J. Canonici.

14. Electio autem fit tripliciter, vel per *Scrutinium*, vel per *Compromissum*, vel per *Inspirationem*.

15. Per Scrutinium, cum præsentibus omnibus

bus, qui debent, & possunt commodè interesse, tres de collegio fide digni assumuntur, qui secretè & sigillatim vota cunctorum diligenter exquirunt, & demum in Scripturam redacta publicant. Quo factò, habità collatione, is demum censetur electus, in quem vel omnes, vel major & sanior pars Capituli statim consensit. §. *Scrutinium. Just. Jur. Can. d. Elect.*

16. *Per Compromissum* celebratur Electio, cum plures idonei viri eliguntur, quorum omnium consensu certo modo facultas & potestas transfunditur, qui arbitrii compromissarii fines diligenter custodire debent, scituri, si quid non secundum demandatam formam egerint, nullum habiturum juris effectum. §. *per comprom. eod.*

17. *Per Inspirationem*, cum electores nullo præcedente tractatu, quasi divini spiritus afflatus, simul omnes in unum consentiunt, & simul unum nominant. Quod si forte Laici, prece vel pretio corrupti, aliquem concordibus petant clamoribus, is non tam per *Inspirationem*, quàm per *Nefariam conspirationem* nominatus, omni penitus Electionis fructu carere debet. §. *celebratur. eod.*

18. Fit autem electio citra juramentum. c. 8. X. d. *Consuet.*

19. Postulatio est *Ejus, qui eligi non potest, in Prælatum, concors Capituli facta petitio.* pr. Inst. Jur. Can. d. *Postul.* (lib. I. tit. 8.)

20. Cæterum Postulatio fit quoque vel per Scrutinium, vel per Compromissum, & quidem ab iis, qui possunt eligere. c. *Innotuit nobis.* X. d. *Elect. & elect.* Aliquando solenniter, aliquando minus solenniter fit, addito consensu ejus, cujus interest.

21. Ubi

21. Ubi Episcopus, Prælati similisve ita Electus vel Postulatus est, confirmari debet. Quam confirmationem Jus Pontificium Imperatoribus adimit, nam Episcopum Metropolitanus confirmat; Metropolitanum Patriarcha; Patriarcham summus Pontifex. Neque sufficit electum & confirmatum esse, sed insuper quoque consecrandus est, & quidem intra tres à confirmatione menses, nisi legitimum subsit impedimentum. *c. 2. dist. 75.*

22. Fit autem consecratio unctiōe capitis, & manuum *Chrismate*, solennibus verbis, precibusque. *c. un. § 1. in f. d. Sac. unct. c. 7. dist. 23.* & prævio examine.

23. Neque etiam consecratio sufficit Patriarchis, Archiepiscopis & Episcopis, sed hi quoque debent Pallium petere & impetrare, quamvis magnâ redemptum pecuniâ: Antea quippe plenissimam officii & dignitatis administrationem non habent.

24. Patriarchæ autem Pallium à summo Pontifice impetrant; Reliqui a Patriarchis *c. antiqua 23. d. Privil.* præstito prius Sedi Apostolicæ Jurjurando Fidelitatis, & Obedientiæ. *c. 4. X. d. Elect. c. 6. dist. 23.*

25. Est autem Pallium ornamentum Patriarcharum, Archiepiscoporum, Metropolitanorum, & quandoque Episcoporum, de Corpore Divi Petri sumtum, Pastoralis officii plenitudinem designans *l. 1. X d. Usu & aut. pall.* Debet autem quisque cum hoc Pallio sepeliri *c. 2. X. cod. tit. c. Nemo per ignorantiam. 40. de consecrat. dist. 1.*

26. Cum autem hoc Pallium magno sit redimendum ære, sæpe contingit, ut integri Episcopatus

patus exhauriantur, & ad paupertatem redigantur redemptione hujus Pallii. Hinc inter gravamina Procerum Romani Imperii adversus Pontificem hoc quoque relatum est, occasioque fuit arma contra Pontifices sumendi, quia sc. (ut loquitur Sleidanus) Pontifex linum suum nimis carè vendebat, & quia experientia probaverat Pontificem ex Archiepiscopatu Moguntino, spatio unius hominis vitæ, ex confirmatione & pallio recepisse summam 175000 Florenorum Germanicorum, id est, circum circa *tres tonnas auri*.

Jus Civile.

27. Electio autem & Constitutio Episcoporum *Jure Civili*, tota quanta, pendet ab arbitrio Imperatoris *N. 123. c. 1. & seqq.* Imperatores permittunt Clericis, & Primatibus cujusque civitatis tres personas eligere, aut, si tres non repellantur, duas. Jus Civile quoque requirit iusjurandum *d. Nov. 123. c. 1.* neque admittit illos modos per Scrutinium, Compromissum, & Inspirationem. In specie tamen requirit, ut Eligendus sit orthodoxæ fidei, honestæ vitæ, & literatus.

CAPUT XVII.

De Potestate & Jure Episcopali.

Jus Civile.

1. **J**ure Civili Episcopis, Abbatibus, & similibus nulla competeat Jurisdictio, sed tantum Nuda notio. *1. 1. C. d. Episc. Aud.*

Jus Canonicum.

2. Jure Canonico & Moribus nostris, Jus Episcopale

piscopale ad 4 potissimum capita refertur: Con-
stitit enim (1) in Ordine. (2) In Lege Diocesana.
(3) In Jurisdictione. (4) In statu & dignitate ipsâ.

3. Ratione *Ordinis*, Episcopis competit (1)
Potestas docendi & prædicandi verbum Dei. *c. inter cetera. ibiq. Glos. X. d. Offic. Ordin.* (2) Ad-
ministrandi Sacramenta. *c. sicut non alii 11, & c. 2. d. consecrat. dist. 1.* (3) Peccatores in Ecclesiâ
ligandi, & absolvendi, seu potestas clavium. *c. pervenit. caus. 16. q. 1. c. quia quorundam. §. clavis. in Extravag. d. V. S.* (4) Pastores, aliosque ad
officium prædicationis in suum subsidium seu li-
berâ voluntate, seu ad Patronorum legitimam
præsentationem (*c. decernimus. c. Monaster. c. 16. q. 1. c. relatum. X. d. Jure Patronatus*) assumendi
& constituendi. *c. inter cetera. X. d. Off. Jud. ord.*

Patroni autem hoc loco dicuntur hi qui Ec-
clesias suis sumtibus ædificarunt; Quod Jus Pa-
tronatus expresse confirmatum est Synodo Dor-
dracenâ. (5) Potestas Examinandi istos Pastores,
in eorumque vitam & doctrinam secundum rigo-
rem Canonicum inquirendi. *c. quando, cum seq. dist. 24. & 1. 1. X. d. Ætate & qualitate Ord. &*
omnibus istis titulis ab 11 usque ad 21 l. 1. Decretal. inclusis. (6) Potestas idoneas personas ad Ecclesiæ
ministerium ordinandi. *c. perlectis. §. ad Episc. dist. 25. quamvis. 4. dist. 68.* Quomodo, quâque formâ
fiat ordinatio docet *c. in nomine Domini 1. dist. 23.* (7) Ministris & Clericis ad sustentationem offi-
cior. necessaria, titulos, præbendas, Canonias
conferendi *c. 1. 2. dist. 70.* (8) Eisdem in tali
officio introducendi & investiendi *c. illud præter-*
cundum. c. cum laici. X. d. Jure Patronatus. (9) Ab-
batibus,

batibus, Abbatissis, & sacris Virginibus benedictionem dandi *c. 1. X. d. Supplic. neglig. Cleric. c. quavis. dist. 68.* (10) Ecclesias, & loca sacra propriâ auctoritate ædificandi, & eligendi, nec non aliis ædificandi licentiam dandi *c. nemo Eccles. d. Consecrat. dist. 1. c. aliud 14. §. insuper. X. d. privil. & excus. lib. priv.* cum hoc autem convenit *Nov. Justin. 67. §. 131. c. 7.* (11) Temppla erecta consecrandi *c. Ecclesias c. 16. q. 7. c. 13. d. Consecrat. dist. 1. l. 9. ff. d. R. D.* (12) Loca religiosa faciendi, velut Monasteria, Oratoria, Xenodochia, Hospitalia, *t. t. X. §. in 6. d. relig. domibus.* (13) Ordinationes Ecclesiasticas, ad Eutaxiam Ecclesiæ pertinentes, condendi, nec non seminaria religionis instituendi, scilicet scholas, quas vocant triviales; non verò Academias, quas solus Imperator vi summæ potestatis potest fundare *Const. Just. omnem. §. hac autem tria. 7. ad Antecessores: c. de quibusdam dist. 37. c. prohibeat in f. §. t. t. X. d. Magistris.*

Mores.

4. Hæc quidem hodie ita servantur inter Pontificios, ita tamen ut multa ex his non solis Episcopis, sed & multò inferioribus, veluti Antistitibus, Prælatiis, Clericis apud illos competant.

5. Apud illos verò, qui Reformatis sacris addicti sunt, quique, sive Pace religiosa Passaviensi, veluti in Imperio; sive vi Majestatis, ut in Angliâ, Sueciâ; sive jure belli, ut in Belgio & Helvetiâ, jura Episcopalia (inquam territorialia) & supremam potestatem recuperarunt, neque Episcoporum constitutio, neque horum jurium, quæ sunt Ordinis, exercitium ita observatur, sed nonnulla de

de his ut superstitiosa prorsus omittuntur, ut Consecratio locorum, similiaque. Nonnulla autem eorum, quæ ad munus docendi, & Sacramenta administrandi spectant, per Pastores tractantur; Nonnulla per eos, qui habent absoluta jura territorialia, exercentur; & quidem alia immediate, veluti jus præsentatos Pastores eligendi, vel alios non præsentatos constituendi; potestas Ecclesiarum condendarum, & similia; Nonnulla verò per alios subordinatos, sive Synodum, sive Senatus Ecclesiasticos, sive alia Theologorum & Ecclesiasticorum collegia, quò pertinent examina Pastorum, exercitium potestatis clavium, & similia.

7. Quamvis autem in Angliâ aliisque locis adhuc retineantur nomina & officia Episcoporum, tamen horum & administratio & potestas longè alia est, quam quæ Jure Canonum describitur, magisque Sacræ Scripturæ accommodata.

CAPUT XVIII.

De Lege Diocesana.

1. **A**D *Legem Diocesanam* spectat (1) in genere Canonica obedientia, subjectio & reverentia *c. conquerente X. d. off. f. Ordin.* quam omnes de Diocesi tam Laici, quàm Clerici præstare tenentur Episcopo, unde etiam vocatur Reverendissimus, non tantum in Jure Canonico, *c. In nomine Domini 1. d. 23.* & passim, sed etiam in Jure Civili *1. 1. C. d. Ep. & Cler. Nov. 123.*

(2) Administratio rerum & bonorum Ecclesiæ, tam mobilium, quam immobilium *c. siquidem. c.*

decretum. § plurimi alii, caus. 10. q. 1. c. percipimus 24. caus. 12. q. 1. Huc quoque pertinet bonorum Ecclesiasticorum perperam alienatorum vindicatio *c. nulli liceat. § 1. X. d. rebus Ecclesiast. non alienand. c. Augustino 2. c. si quib. 42. caus. 12. q. 2. l. 21. C. d. S. S. Eccles. § Auth. seq.*

(3) Oeconominorum, aliorumque Ministrorum, ad hæc bona administranda constitutio, rationumque ab iis repetitio; quâ in parte huic juri convenit Jus Civile l. 33. § *nihilominus. 4. C. d. S. S. Eccles.* quamvis hoc speciale sit in J. Canonico, quod ex proprio Clero debeant constitui Oeconomi *c. in novâ 22. caus. 16. quæst. 7.*

(4) Religiosarum Domuum, rerum administrationem illarum & disciplinam concernentium, cura; Monasteriorum & Monachorum disciplina in Diocesi etiam ad Episcopum pertinet, *c. Monasteria. c. visitandi. c. non semel caus. 18. q. 2.* Nisi quædam religiosæ domus, earumque cura speciali privilegio ad alios pertineat, de quibus in *Clement. 2. d. rel. domib.*

(5) Decimarum perceptio ac distributio *c. omnes decima c. 16. q. 7.*

(6) Retentio quartæ partis Decimarum pro ipso Episcopo. *c. conquerente 16. X. d. off. jud. ord.* Hæc autem portio seu quarta pars, quam Episcopus sibi detraxit, vocatur in Jure Canonico *Portio Canonica*, cujus hodie non magnus est usus.

(7) Visitatio Ecclesiarum: Episcopus enim dicitur *adq. § episcopi*, id est, ab inspiciendo *c. Cleros. 1. §. Episcopatus. dist. 21.* Hanc expedit nomine ejus aliquando Archidiaconus, qui ideo *Oculus Episcopi* vocatur *c. adhuc. 7. X. d. off. Archidiacon.* Visitationem

tionem sequitur sumptuum in eam faciendorum collectio *d. c. conquērentes X. d. off. jud. ord.*

(8) Synodorum in suâ Diœcesi convocatio. Differt hic *Jus Civile*; quod in *Nov. 137* vult Synodos fieri, non tam ad Constitutiones Ecclesiasticas faciendas (quod potius ad Concilia universalialia spectat) quàm ad tales Constitutiones faciendas, quæ vitia in sua Diœcesi occurrentia & irrepentia corrigant.

(9) *Jus exigendi auxilii*, in charitate præstandi, si quæ sit justa causa, aut necessitas. *d. c. conquērente X. d. off. jud. ord.*

(10) Denique Jura Academiæ in sua Diœcesi. Unde plerumque Cancellariorum in Academiis munus, & potestas permittendi indulgentique Doctorales honores, hodie in omnibus Academiis omnium vel Episcoporum vel Præpositorum Ecclesiasticorum est. Qui tamen iterum hoc officium solent vel Decano Facultatis, vel Professoribus committere, non ipsi eo fungi.

Mores.

2. Omnia hæc jura inter Pontificios hodieque observantur. Inter Reformatos non æque, ne quidem in Angliâ tam exactè, sed, ut supra dictum, jura Episcopalia habent illi, qui habent territorialia, qui tamen illa exercent per personas Ecclesiasticas.

CAPUT XIX.

De Jurisdictione Episcopali.

Jus Canonicum.

1. **J**ure Canonico Episcopus Jurisdictionem habet per totam suam Dioecesin *c. cum contingat. X. d. for. comp. d. c. conquirente X. d. off. jud. ord.*

2. Clericorum omnes civiles, & criminales potentissimum causas cognoscit, & definit *l. 33. § Auth. statuimus. C. d. Episc. & Cler. c. decernimus 2. X. d. jud.* Adeo ut Clericus ne quidem jurejurando prorogare possit Jurisdictionem Laici *c. 10. X. d. Faro comp.* neque Laicus possit esse arbiter in causis spiritualibus.

3. Pœnas quoque decernit Episcopus, imprimis verò Ecclesiasticas, sive Canonicas, quæ correctionem reformationemque morum, & vitæ præcipue respiciunt. Seculares verò quibus vel ultimum supplicium irrogatur, vel aliàs corpus affligitur, Laicis, tanquam vicariis & delegatis, committere solent: quia judex Ecclesiasticus pœnam non irrogat. *c. Clericus. c. pen. X. ne Cler. vel Monach. secul. negot. se immiscent.*

4. Mûlta quoque pecuniaria irroganda ad Seculares pertinet, neque in Fiscum Episcopi, sed in Elemosynam, vel alios pios usus convertitur. *c. Presbyteri 2. X. d. pœn. (5. 57.)* Huc quoque spectat Clericorum ab officio remotio. *t. t. X. d. Eoq. ord. furt. suscepit.*

5. Obiervandum autem hoc loco obiter, quod
Remotio.

Remotio illa, quam *Depositionem* vulgò vocant, Jure Canonico fit duplex, alia *Actualis*, alia *Verbalis*.

6. *Actualis* proprie *Degradatio* dicitur, ejusque modus describitur in *c. Degradatio d. pœnis in 6*. Tollit autem non tantum officium, sed omnia, quæ ad ordinem & dignitatem spectant.

7. *Verbalis* fit per sententiam Episcopi, tollitque officium, ita ut *Degradatus* tamen retineat ea, quæ sunt ordinis Clericalis.

8. Porro Episcopus censuram Ecclesiasticam in omnes Dicesanos, Clericos & Laicos per *Excommunicationem Majorem & Minorem*, item per *Interdictum Generale & Speciale*, exercet. *c. quarenti 20. X. d. V. S. (5:40.) l. 30. C. d. Epif. & Cl. Nov. 123. c. 11.*

9. Est autem *Major Excommunicatio*, quâ quis excluditur a totâ Ecclesiâ *c. pen. X. d. Sent. Excomm.* & aliàs solet dici *Anathema*, id est, æterna mortis damnatio, quæ quidem J. Canonico est atrocissima pœna, & exactissimam cognitionem requirit. Unde totus *t. in Decret. Sexto & Clement. d. Sent. Excommun.*

10. *Minor* autem *Excommunicatio* à Sacramentorum perceptione arcet, salvo hominum commercio *d. c. pen.*

11. *Interdictum* verò hoc loco est *Censura Ecclesiastica*, quâ *Universitati aut Civitati* jus religionis exercendæ adimitur, Clericisque interdicitur, ne divina officia celebrent, Sacramenta administrent; aut sepulturâ Ecclesiasticâ mortuos donent. *c. si sententia 16. d. Sent. Excomm. in 6.*

12. Atque hoc solent facere ob culpam ejus, qui loci Dominus est, aut in eo Jurisdictionem

habet *d. c. 16.* Absolutio quoque ab Excommunicatione vel Interdicto pertinet ad jus Episcopale *c. nuper. 29. X. d. Sent. Excomm.*

Jus Civile.

13. Hoc jure hæc omnia ad Potestatem Imperatoris pertinent *l. 5. C. d. Sum. Trin. Nov. 123. c. 11.*

Mores.

14. In Hungariâ legibus fundamentalibus cautum est, ne Excommunicatio fiat injussu Regis. Idem & alibi observatur teste Molinæo.

Jus Canonicum.

15. Similiter *J. Can.* ad Jurisdictionem Episcoporum pertinet *Absolutio a Jurejurando illicitè extorto*, quo ad effectum agendi aliumve *c. 1. c. verum 15. X. d. Jurej.*

Jus Civile.

16. Jure Civili autem illa absolutio pertinet ad potestatem Imperatoris. *l. 6. §. fin. d. Jure Patron. l. fin. ff. ad Mun.*

Mores.

17. Hæc absolutio hodie supremis Tribunalibus competit, teste Gailio, Mynsingero, & aliis, veluti in Imperio Camera Spirensi, in Hollandiâ Supremæ Curiae, quæ est Hagæ-Comitis.

Jus Canonicum.

18. Huc quoque pertinet Jus Dispensandi, ut vocant, super gradibus, in matrimonio prohibitis.

Jus Civile.

19. Quod Jus Jure Civili etiam ad Imperatorem spectabat *l. 1. C. Si nupt. ex reser. pet. l. 38. d. Adopt. l. 31. 57. d. R. N.*

Mores.

20. Hodie ad illos, qui majestatem habent, pertinet. Observandum autem in gradibus prohibitis non admitti dispensationem in lineâ ascendente & descendente, sed tantum in collateralis.

Jus Canonicum.

21. Denique Jus dispensandi, de defectibus & irregularitatibus Clericorum *c. ad Audientiam, c. continebatur, X. de Homic. c. 2. d. Cler. pugnant. in duell.*

Mores.

22. Censura autem & disciplina Ecclesiastica hodieque exercetur per personas Ecclesiasticas, non per ipsos Principes, aut eos, qui summam habent potestatem in Disciplina Ecclesiasticâ. De Disciplina Ecclesiasticâ in Belgio elegantissimè scripsit Essenius, in Imperio Carpzovius in *Tract. de Jurisdictione Ecclesiasticâ.*

CAPUT XX.

De Statu, & dignitate Episcopali.

Jus Canonicum & Civile.

1. **D**ignitas Episcopalis consistit primò in titulis & honorum nominibus. In genere Episcopi

piscopi habent gradum Illustrium, qui quidem summus fere erat Jure Civili: *c. fin. c. 5. q. 2. junct. l. 17. §. fin. C. d. dign. Auth. Episcopalis, § 1. 21. C. d. Episc. & Cler.*

2. Tres enim Jure Civili sunt gradus honorum, Clarissimi, Spectabiles, & Illustres. Sed & alii erant Superillustres. Justinianus Episcopos non vocat Illustres, licet dignitatem Illustrium habeant, sed Reverendissimos, Sanctissimos, Nov. 3. 5. 7. 11. 81.

Mores.

3. Proprie maximus titulus Episcopi est *Reverendissimus*, eoque nomine moribus quoque nostris vocatur Belgicè *Hoogwaerdighe*. Archiepiscopi & Cardinales vocantur Eminentissimi, Germ. *Hoogwaerdigster*.

Jus Civile.

4. Multas autem immunitates, libertates, & securitates Imperatores concesserunt Episcopis, *Auth. nullus Episcop, § 1. 1. C. d. Episc. & cl. Nov. 81.*

Jus Canonicum.

5. Cui convenit Jus Canonicum in *Clement. si quis suadente l. d. pœn.*

Jus Canonicum.

6. Ad dignitatem verò Episcopalem spectat Jus coronandi Imperatores, & Reges: nam, ut S. Scriptura passim testatur, Sacerdotes & Prophetas unxisse Reges, ita hoc postea Moribus fere totius Orbis translatum est ad Episcopos. Hinc Imperator, seu Rex Romanus primum coronatus
atque

que inungitur ab Archiepiscopo Colonienſi, ut videmus in aureâ Bullâ Caroli iv: Rex Hispanus a Toletano; Gallus a Remenſi; Anglus a Cantabricenſi; Hungaricus a Strigonienſi; Polonus a Guernenſi; Bohemus a Pragenſi; Suecus ab Upſalienſi; Danus a Lundenſi; Scotus ab Episcopo St. Andreae.

7. In Imperio autem eminentior est dignitas Episcoporum: quia ibi jura Territorialia & Regalia, ut alii Principes, possident, donec ab Imperatore investiuntur. Quamvis hæc jura non tanquam Episcopi, sed tanquam Principes & Vasalli Imperii tenent, unde etiam horum Jurium in Jure Canonico nulla est mentio.

8. Quæritur, Quare Episcopi summas illas dignitates, velut Cancellariorum Imperii & similibus habeant? Resp. Illæ dignitates ab antiquo de necessitate in Episcopos, qui literati erant, fuere collatæ, cum olim Principes propter summam imperitiam illis administrandis non sufficerent.

9. Jure tam Civili, quam Canonico varia & plurima privilegia sunt data Episcopis, Clericis, & Sacri Ordinis Viris, de quibus passim Jure Civili in *t. t. C. d. Epif. & Cler.* & in *t. d. SS. Eccl.*

10. Quæ tamen privilegia moribus, præsertim Belgii, sunt antiquata, teste *Grot. in Introd. & Gronew. ad l. 4. C. d. Epif. & Cler.*

Mores.

11. Primi Christiani Imperatores plurima Ecclesiasticis largiti sunt privilegia & bona, quæ mobilia, quæ immobilia. Cum autem Ecclesiastici plurima corraderent, & conservando cu-

mularent, neque ferrent Ecclesias, earumque personas ullis exactionibus onerari, *1. 1. X. d. Immun. Eccles.* non potuit non hæc res in summam Imperii perniciem vergere. Cui malo remedium allaturi prudentes Principes, maximè in Belgio, Ecclesiasticis immobilium acquisitionem in universum interdixere, plurimis in eam rem editis Constitutionibus, juxta quas amortisatio bonorum ex indulgentiâ Principis impetrandæ est, teste *Grotio Introd. l. 2. p. 5. 2. 13. & Zypæo Not. Jur. Belg. pag. 16.*

12. Amortisatio dicitur, quando bona quædam veniunt in manum quasi mortuam, unde postea extorqueri nequeunt; Veluti cum veniunt in Ecclesiam; tunc enim, quia bona Ecclesiastica alienari non possunt, postea ad alios redire nequeunt.

Mores.

13. Cæterum quomodo hodie quædam Bona immunitate Ecclesiasticâ gaudeant, docet *Groenew. ad Auth. Cassa C. d. SS. Ecclesiis.*

TRAC-

TRACTATUS


DE

IURE PRIVATO.

Juxta tria Juris Objecta, & Ordinem Institutionum Justiniani.

CAPUT XXI.

De Jure Personarum.

- I.  Ccurrit hic triplex status 1. Herilis & servorum. 2. Familiæ, seu Patriæ Potestatis. 3. Tutelæ & Curæ.

Jus Civile.

2. Summa divisio hominum est in liberos & servos *pr. J. d. J. Person.*

Jus Canonicum.

Summa divisio est in Laicos & Clericos *c. 7. c. 12. q. 1.*

Jus Civile.

3. *Jure Civili* Servitus est Constitutio J. Gentium §. 2. *d. Jure Person.* Quia J. Gentium captivi servantur, non occiduntur.

Jus Canonicum.

4. *Jure Can.* dicitur Servitus introducta per ebrietatem. *c. Sexto die 8. vers. manebat. dist. 35.*
Quod

Quod quomodo intelligendum sit, non est adeo expeditum; Nisi forte dicas *Ebrietatem* hic intelligi de statu mentis malè sanæ, & quod illi qui, neglectâ pace, bellum sectati sunt, & per bellum captivitates, per captivitates servitutes introduxerunt, non satis sanæ mentis fuerint; quæ licet ita sint, non tamen expresse servitutem improbat Jus Canonicum, sed contrâ confirmat, eam non esse contra naturam. Limitat tamen eam magis, quàm Jus Civile: nam hoc Jure servi pro nullis & mortuis habentur. l. 14. §. 3. R. N. l. 22. 32. d. Reg. Jur. l. 3. C. d. Inces. nup. Illo verò, sc. Canonico, matrimonium contrahere possunt c. 1. §. 1. X. d. Conjung. serv. c. 5. caus. 29. q. 2.

Jus Civile.

5. Servus cogitur salutem Domini præferre suæ saluti. l. 1. §. 28. ff. d. St. Syllan.

Jus Canonicum.

Hoc Jure contra. c. humanum. dist. 1.

Jus Civile.

6. Modi, quibus servi fiunt liberi, pauci sunt, certique, & enumerantur t. t. §. ff. d. Manum:

Jus Canonicum.

Judæus, simulac Christianus fieri desiderat, fit liber. c. nulla. 14. dist. 54. Imo Pontifex Pius V edidit Constitutionem, quam refert Petrus Matthæus in 6. X. quâ captivos sacro Baptismate lavatos, liberos esse vult. Et certum est analogiam & rationem J. Canonici non admisisse jus illud

illud Romanum Dominicum, exercendum a Christiano in fratrem Christianum, cui charitatem Christianam ita præscribit & inculcat, ut cum eâ durius illud Jus Romanum herile consistere non possit.

7. Itaque quo magis invaluit Christiana religio, eo remissius actum est cum servis, in primis verò Christianis.

Mores.

8. *Moribus nostris*, imprimis apud Belgas, servitus prorsus exolevit, ita ut etiam servi, qui aliunde huc adducuntur, simul atque Imperii Belgici fines intrarunt, invitis ipsorum Dominis, ad libertatem proclamare possint. Idque horum locorum Constitutionibus publicis confirmatum est, & nonnullis aliis receptum Christianis, ut testatur Grotius *Introd. l. 1. part. 4. §. 2. Zypæus d. not. Jur. Bel. l. 6. tit. 1. & fusius Groenew. ad t. Inst. d. his q. sunt sui vel al.* In aliis tamen Imperiis, veluti in Imperio Romano Germanico, in Regno Galliæ, Poloniæ, Sueciæ, Daniæ, & aliis, non quidem Romana servitus manet, sed status hominum propriorum pristinae servituti non dissimilis. In Germania enim habent suos homines proprios (*Löseigene*) in quorum & personam, & bona Domini multum Juris habent, quod & in aliis Regnis ac Imperiis obtinet, de quibus Juribus integrum tractatum scripsit *Stammius d. Jure Personali, & Zusanus de Homnibus propriis.*

9. Sed & ipsissima servitus hodie exercetur in istis locis, ubi cum Turcis, Saracenis, Tartaris bella gerunt, & captivi in servitatem rediguntur.

guntur, ut ibi hodieque captivitas sit causa servitutis: quâ de re etiam recentes habemus Constitutiones Imperii, qualis Constitutio Caroli V. Anno 1542 Spiræ edita.

CAPUT XXII.

De Patriâ Potestate.

Jus Civile.

1. **P**atria potestas, quæ propria est Civium Romanorum, §. 2. *Inst. d. Patr. pot.* summa quidem est ratione Juris, quod habet Pater, tum in personam, tum in bona Filii, ut constat ex *l. r. C. d. Emend. Propinq. & t. c. d. Patr. post.*

Jus Canonicum.

2. Hoc jus Jure Canonico non improbatur, sed etiam agnoscitur.

Jus Civile.

3. Differt tamen Jus Canonicum & J. Civ. in eo, quod J. Civ. summa Patriciatus dignitas Filium a Patria potestate liberet, nec non Consularis & Episcopalis. §. 4. *J. quibus mod. Jus p. p. solv. Auth. Sed Episcopalis. C. d. Epis. & Cler. post l. 34. eod.*

Jus Canonicum.

4. **JURE Canonico** Patriam potestatem solvit quoque titulus inferior, quam Sacerdotii, veluti Clericatus *c. per venerabilem, 13. pr. X. q. filii sint legit. (4:17).*

Mores.

Mores.

5. *Moribus nostris*, in Hollandia aliisque locis esse antiquatam prorsus Patriam potestatem, post Grotium & Gudelinum testatur *Groentweg: ad tit. Inst. d. Pat. pot.* In Frisiâ Occidentali plenissime adhuc viget, teste *Sande l. 2. Decis. 1. 7. dec. 1.* idemque obtinet in Frisiâ Orientali, ut parte Romani Imperii, in cujus plerisque territoriis & Patriam potestatem, & emancipationes, aliosque modos eam solvendi obtinere, plurimis auctoritatibus confirmatur in *Synops. Inst. Schulziana.*

6. In Galliâ quoque vestigia Patriæ potestatis remanere vult Scoppius; consuetudine tamen illam esse sublatam refert *Connan. l. 2. Comment. c. 13.* & Mornacius ad *l. 8. d. His qui sunt sui vel al. Jur.* Patria autem potestas acquiritur J. Civili tribus modis; Nuptiis, Legitimatione, & Adoptione, eaque occasione hic agitur de *Nuptiis.*

CAPUT XXIII.

De Nuptiis.

1. **T**Ractatus de Nuptiis dividitur in tria membra. 1. De Sponsalibus. 2. De Matrimonio. 3. De Divortiis, sive causis dissolvendi matrimonii.

Jus Civile.

2. Prima differentia circa Sponsalia inter Jus Civile & Canonicum est, quod **JURE CIVILI** omnia Sponsalia sint mentio & repromissio futurarum

turarum Nuptiarum l. 1. ff. & C. d. Spons. Unde constat omnia Sponsalia esse de futuro.

Jus Canonicum.

3. JURE Canonico verò alia sunt de præsentibus, alia de futuro: c. pen. & ult. X. d. Spons. Sponsalia de præsentibus sunt, quæ habent purum & absolutum consensum; de futuro, quæ obligant cum aliquo tractu temporis.

Mores.

4. *Moribus nostris* Jus Canonicum sequimur, & distinguimus inter Sponsalia de præsentibus & de futuro, nec non differentiam facimus ratione effectuum.

Jus Civile.

5. Alii desponsata renunciare conditioni, & alii nubere non prohibetur. l. 1. C. d. Spons. l. 10. D. eod. l. 2. §. 2. ff. d. Divort. l. 2. C. d. Repud. Cum enim olim permixta fuerint divortia bonæ gratiæ, per quæ dissolvi poterant matrimonia, multò magis Sponsalia; adeoque Jure Civili Sponsalia non habebant vim contractus.

Jus Canonicum.

6. Sponsalia vim contractus habent, & ab iis recedere non licet C. 2. d. Spons. uti constat ex inscriptione tituli X. d. Cond. appos. in despons. & aliis contractibus.

Mores.

7. Moribus nostris non tantum Pontificii, sed etiam Protestantes, atque ipsi Belgæ sequuntur Jus Canonicum, & Sponsalia observant tanquam contractus

tractus bonæ fidei, uti post multos alios observat Groenew. ad l. 1. G. d. Spons. ubi expressè citat c. ex litteris X. d. Spons. & c. desponsatam. c. 27. q. 2.

Jus Canonicum.

8. Sponsalia sub conditionibus turpibus, quæ tamen substantiam matrimonii non evertunt, (veluti si homicidium feceris) contracta, valent, & hæ conditiones pro non adjectis habentur c. 1. c. ult. X. d. Cond. appos.

Jus Civile.

9. Jure Civili id sæcus se habet: cum ejusmodi conditiones actus inter vivos vitient, & in ultimis voluntatibus pro non adjectis habeantur: §. 24. Inst. de Inut. stip. l. 31. d. 0. & A.

Mores.

10. Moribus nostris non solum Pontificii, sed & purioris religionis affectu videntur sequi Jus Canonicum, uti constat ex observatione Theorica Pract. Hahnii in Wes. ad tit. d. Sponsal.

Jus Civile.

11. Hoc Jure Sponsalia nemo potest contrahere ante septennium expletum, & qui volunt contrahere matrimonium, debent esse puberes l. 14. d. Sponsal. pr. Inst. d. stupr.

Jus Canonicum.

Jure Canonico, neque in Sponsalibus neque in Nuptiis certa ætas definita est, sed si malitia ætate in suppleat, matrimonium potest contrahi, nec in Sponsalibus certa ætas requiritur c. q. c. ult. X. d. Spons. Impub. c. 3. X. d. Spons.

Mores.

12. *Mores nostri* variant hic, & nonnullorum locorum Statuta & consuetudines faciunt divortium a Jure Can. & Civ. Sic Statuta Lunenburgensia requirunt in foeminis ætatem xvi annorum. Aliorum verò locorum Statuta, inprimis qui Sacris Pontificiis addicti non sunt, servant Jus Civile; plerique tamen Jus Canonicum sequuntur, tutius ducentes Judicis arbitrio committi, quæ ætas, quæ persona apta sit ad contrahendum matrimonium, uti constat ex *Synopsi Schultzianâ*.

CAPUT XXIV.

*De ipso Matrimonio.**Jus Civile.*

1. **P**rima differentia inter Jus Civile & Can. est, quod JURE *Civili* Causa matrimonialis non habeat forum separatum, neque annumeretur Sacris: Hujus quippe rei nulla mentio in universo Jure Civili. Sed cognitio de controversiâ matrimoniali, ut & alia Civilis, spectat ad Magistratus ordinarios, & suprema potestas circa has causas ad Principem. *l. 1. C. Si Nupt. ex Rescr. per.*

Jus Canonicum.

2. JURE *Canonico* causa Matrimonialis habetur pro Spirituali, & spectat ad Forum Ecclesiasticum. *c. multorum. 10. c. 35. q. 6.*

Mores.

Mores.

3. *Moribus nostris* Jus Canonicum servatur inter Pontificios, Jus Civile inter Reformatos, aliosque, ita tamen ut multis in locis, inprimis apud Lutheranos, Magistratui Politico adjungantur quidam Ecclesiastici, ex quibus singulare *Judicium Matrimoniale* fit. Belg. *een Echtgerigt*.

Jus Civile.

4. *JURE Civili* Cives tantum Romani contrahunt nuptias seu matrimonium *pr. Inf. d. Nupt.* unde servi non contrahunt matrimonium, (sed contubernium tantum) nec deportati, nec peregrini. *Ulp. in Fragment. t. 5. l. 3. C. d. inc. & inutil. nup.*

Jus Canonicum.

5. *JURE Canonico* Matrimonium quoque permittitur servis *c. pen. X. d. Conjug. serv.* & multò magis deportatis ac peregrinis. Quod si tamen quis liber duxerit servam, requiritur, ut sit non ignarus conditionis servilis, aliàs ut erroneum dissolvitur matrimonium. *c. 2. c. 2. & ult. X. eod.*

Mores.

6. *Moribus nostris* Jus Can. magis sequimur.

Jus Civile.

JURE Civ. veteri Clericis quoque permis-
sum fuit conjugium. *l. 2. in fi. C. d. Ep: & Cl.* sed
postea, inprimis per Constitutiones Justiniani, Cle-
ricis non fuit permissum. *N. 123. c. 14. & 29. &*
Clericatus morti comparatur N. 22. c. 5.

Jus Canonicum.

7. *JURE Canonico* veteri, matrimonium quoque Clericis erat permiffum, & ufitatum *c. Nicæna. 12. dist. 31.* fecus est *Jure Can. recentiori. t. 1. X. qui Cler. vel vovent. Matrim. contr. pass. cujus rei quidem absurdam rationem reddit c. X. d. Vit. & hon. Cler. (3: 1.)* licet matrimonium inter Sacramenta referat.

Mores.

8. *Moribus nostris* Pontificii *Jus Can.* servant; *Nostrates Jus Civ. & Canonicum* vetus, ut *Juri Divino* convenientius.

Jus Civile.

9. *Jure Civ.* requiritur consensus Parentum, in quorum potestate sunt liberi, sine quo matrimonium est ipso *J. nullum. pr. Inst. d. Nup. l. 25. ff. & l. 12. C. eod.*

Jus Canonicum.

10. *JURE Can.* inprimis novissimo, consensus hîc non requiritur. *c. cum causam 6. X. d. Raptor. c. per tuas. 6. X. d. Cond. appof. c. sufficiat. c. 27. q. 2. c. cum ad. X. d. Sponsal. c. verum X. d. Regular. c. 1. X. d. Despons. Imp. & quamvis nonnulla capita aliud innuere videantur, ipsi tamen Pontificii ita *Jus suum* interpretantur, ut liquet ex *Gail. 2. Obs. 33.* Imo Concilium Tridentinum anathemate damnat eos, qui dicunt consensum Parentum ad Matrimonium esse necessarium, *Sessione 24.**

Mores.

Mores.

11. *Moribus nostris*, Juri Divino, & Naturali Jus Canonicum hac in parte convenientius videtur, quibus absoluta illa necessitas consensus Parentum, & distinctio eorum, qui habent Patriam potestatem, & non habent, non ita recepta est, saltem in plerisque locis: In Hollandiâ enim filii 25, & filiæ 20 annis minores sine consensu Parentum non possunt nuptias contrahere, juxta *Ord. Pol. Holl. art. 3.* Quæ plenius tractat Gro-tius in *Introd. l. 1. p. 8.* & *Grœnew. pr. J. d. Nup.* De Saxoniâ, Germaniâ & aliis, vide *Synops. Inst. Schultz.*

Jus Civile.

12. JURE CIV. Matrimonium potest esse sine dote *l. ult. C. d. don. ant. Nupt.*

Jus Canonicum.

JURE CAN. matrimonium non est sine dote *c. nullum. 6. caus. 30. q. 5.*

Mores.

Moribus nostris Jus Civile prævalere certum est.

Jus Civile.

13. JURE CIV. matrimonium inter collaterales permissum est Consobrinis. §. 4. *Inst. d. Nup.* & quanquam illas nuptias Imp. Theodosius aliquando prohibuerit, filii tamen ejus Patris legem antiquarunt. *l. 19. C. d. Nup.*

Jus Canonicum.

14. *JURE Can.* prohibitio inter Collaterales multò latior est: Nam veteres Canones nuptias prohibent inter collaterales usque in infinitum *c. 16. 17. 18. caus. 35. q. 2.* Post ad septimum gradum restricta est *c. 19. 20: eod.* tandem demum in quinto gradu Canonico, id est, 10 Civili matrimonium permissum est, tam in lineâ æquali quàm inæquali. *c. 8. X. d. Consang. & affin. (4: 14.)*

Mores.

15. *Moribus nostris* Pontificii sequuntur Jus Canonicum; Reformati Jus Civile, & Belgæ quidem simpliciter, ut testatur *Grot. in Isag. p. 1. 2. 5.* Apud alios tamen Reformatos consobrini conjungi nequeunt, nisi impetratâ prius dispensatione, ut constat è *Synops. Schultx. ad §. 4. 7. d. Nup.* licet J. divino consobrinor Nuptiæ non sunt vetitæ.

16. Jus autem Canonicum hac in parte ex duplici quidem ratione est absurdum: tum quia libertatem impedit in matrimonio (forte ut Pontifici ex prohibitorum conjugiorum permissione uberior sit quæstus) tum quia sibi conjungi permittit eos, qui sibi sunt parentum liberorumve loco.

Jus Civile.

17. *JURE Civ.* inter Raptorem & Raptam, licet consentientem, non potest esse matrimonium *l. un. c. d. Rap. Virg. l. pen. c. d. Ep. & Cler.* quod etiam videntur probare Canones veteres juxta *c. 1. 2. & seq. caus. 36. q. 2.*

Jus Canonicum.

18. *JURE Can.* recentiori, permittitur matrimonium, si prior dissensio transeat & raptor & rapta postea consentiant. *c. cum caut. c. 7. X. d. Raptor.* idque confirmat Concilium Trident. *d. Sessione 24. d. reform. matrim. c. 26.*

Mores.

19. *Moribus nostris* Constit. Carol. V. & multorum locorum legibus Raptor ultimo supplicio afficitur. Id tamen non in omni raptu observatur, sed imprimis, si vis publica, vel alia atrocior circumstantia accedat, unde etiam mitiorem illam sententiam Juris Canonici, & matrimonium inter raptorem & raptam non modo apud Pontificios, sed & Reformatos consistere, patet. ex *Groenew. ad t. C. d. rap. Virg.*

Jus Civile.

20. *JURE Civ.* veteri matrimonium prohibetur inter Senatorem & libertam, aliamque similem sceminam *l. 23. l. 44. ff. d. R. N. l. 15. C. d. Nup.* Justinianus tamen postea in gratiam suæ Theodoræ, quæ fuerat turpissima meretrix & scenica, constituit, ut etiam maximis decorati dignitatibus cum libertis & humilioribus quibuslibet conjungi possint *Nov. 117. c. 6.*

Jus Canonicum.

21. *JURE Can.* etiam indistincte permittitur matrimonium dignissimorum cum indignissimis, & Patronorum cum libertis sine ullo discrimine. *c. si quis ancillam. 3. c. 29, q. 2. c. 20. X. d. Sponsal.*

Mores.

22. *Moribus nostris* illud quoque servatur, ut inter plures testatur *Groen. ad l. 23. c. d. Nup.*

Jus Civile.

23. *JURE Civ.* prohibetur matrimonium inter tutorem & pupillam, curatorem & adultam *l. 36. l. 59. l. 66. § pen. ff. d. R. N. i. t. C. d. Interd. matr. int. tut. & pup.*

Jus Canonicum.

24. *JURE Can.* talis prohibitio non invenitur, sed tale matrimonium permittitur.

Mores.

Moribus nostris *Jus Canonicum* servatur, teste *Groen. ad d. t. C. d. int. mat. tut. & pup.*

Jus Civile.

25. *JURE Civ.* prohibetur matrimonium inter Præsidem & mulierem Provincialem *l. 38. l. 63. 65. ff. d. R. N.*

Jus Canonicum.

JURE Can. non item, sed tantum inter baptizantem, & baptizatam, suceptorem & suscep-
tam, ob cognationem & affinitatem spirituales,
prohibetur matrimonium *t. ex literis 8. X. d. Cognat. Spir. (4: x1.) l. 26. C. h.*

Mores.

26. *Moribus nostris* secus est, & non attenditur spiritualis cognatio. Sed in omnibus his speciebus

ciebus observandum est, quod Jus Canonicum rem semper ad simplicitatem Juris gentium reduxerit, & Mores nostri ut plurimum id imitentur.

Jus Civile.

27. *JURE Civ.* nullo loco prohibetur matrimonium cum eo, qui alienis sacris addictus aut hæreticus est *l. 16. C. d. Ep. Aud. l. pen. d. Spons.*

Jus Canonicum.

28. *JURE Can.* autem prohibetur. *c. 14. d. hæret. in 6. c. 16. caus. 28. q. 1.*

Mores.

29. *Moribus nostris* Jus Can. inter Pontificios, inter alios Civile servatur.

Jus Civile.

30. *Jure Civ.* solus consensus & affectus nuptialis facit Nuptias, neque ullæ aliæ solennitates pertinent ad substantiam Nuptiarum. *l. 30. d. R. J. l. 22. C. d. Nupt. Nov. 22. c. 3. c. 4. Nov. 117. c. 3. & 4.* Quinimo tacitus consensus J. Civ. facit Nuptias: nam ex diuturna cohabitatione præsumitur matrimonium, liberique æstimantur legitimi. *l. 24. d. R. N. Nov. 78. c. 4.* Jure veteri quoque uxor poterat usu capi: si enim integrum annum cum viro cohabitasset, usu capta censebatur.

Jus Canonicum.

31. *JURE Can.* videtur requiri benedictio Sacerdotalis, aliæque solennitates hodie fieri solitæ *c. 2. caus. 30. q. 5. c. 50. caus. 27. q. 2. c. ult. d. 23.*

c. nulli. 19. caus. 35. q. 2. c. vir 3. X. d. sec. Nup. c. 6. caus. 30. q. 5. Sed tamen hæc ad substantiam matrimonii non ita requiri, ut hisce deficientibus matrimonium sit ipso jure nullum, multa alia loca evincunt. *c. nostrates, 3. caus. 30. q. 5. in 7. c. veniens. 15. & c. 21. X. d. Sponsal.* Atque sic Jus Canonicum cum Civ. conciliat Perezius *ad. d. tit. C. d. Nup. n. 12.*

Mores,

32. Conveniunt Mores cum Jure Can. quodammodo; nam Proclamationes, Benedictio Sacerdotalis observantur quidem, sed non tanquam requisita essentialia; Unde in Belgio multi, sc. non Reformati, coram magistratu matrimonium contrahere possunt *Ord. Pal. Holl. art. 3.* Et in Germaniâ, Frisiâ, aliisque locis liberi ante benedictionem Sacerdotalem nati non pronunciantur illegitimi; ut testatur *Sande in Dec. l. 1. t. 1. dec. 1. & Hahn. abs. Theor. Pract. ad Tit. d. R. N. n. 5.*

33. Concilium Tridentinum aut alioqui Jus Pontificium novissimum alia ad matrimonium requirit, sc. ut præcedant trinæ proclamationes fiatque benedictio a Paracho ordinario, quod inter Pontificios etiam hodie observatur, quam multi etiam ex illis hæc nolunt spectare ad substantiam, ex quibus intelligitur Novellam *Leon. 89. usu non esse receptam.*

CAPUT XXV.

De Divortio.

Jus Civile.

1. **P**rima differentia inter Jus Civ. & Can. est quod **JURE Romano**, & vetustissimo & recentissimo matrimonium facile poterat dividi, si quidem divortia fiebant bonâ gratiâ, quæ antequam antiquata Justinus secundus, Justiniani ex sorore nepos, iterum valere jussit *Nov. 140.* olim enim Jure veteri valebant *l. 32. §. 10. d. donat. int. vir.* Ipse Justinianus hoc jus antiquaverat per *N. 22. §. 117. c. 8. 10.* Olim quoque malâ gratiâ fiebant divortia propter quaslibet varias, multas, ac leves causas *l. 9. §. 1. ff. d. divort. & rep.* quæ postea per Theodosium nonnihil restrictæ sunt in *l. 8. C. eod.* usque ad decem & septem, ob quas uxor repudiabatur, de quibus postea Justinianus *N. 117. c. 8.* retinuit tantum 7, & de tredecim causis, ob quas vir poterat repudiari, retinuit tantum 5. *Nov. 117. c. 9.*

Jus Canonicum.

2. Hoc Jus toto cœlo differt a superiori: distinguit enim divortia in duo genera; Alterum quod fit quoad thorum & mentem, cum scilicet mutua conjugalis conversatio ad tempus, vel in perpetuum inter dicitur.

3. Idque (1.) propter adulterium *c. 1. & 3. caus. 32. q. 7.* Item (2.) si conjux in hæresim labatur. *c. 2. X. d. divort. & (3.) ob sævitias & insidias vitæ structas c. 2. caus. 32. q. 7.*

4. *Alterum*

4. *Alterum* genus est, quo ipsum matrimonii vinculum solvitur, quod fit si alter infidelium conjugum ad fidem catholicam convertatur, altero, sine scandalo, cohabitare nolente. c. 7. & 8. X. d. *divort.* Item propter frigiditatem & impotentiam *antenuptialem*. c. 1. & t. t. X. d. *frig.* & *mal.* Item propter religionem, si alter *ante concubitum* velit monasterium ingredi. c. 2. d. *convers. conjug.* Sed hisce casibus matrimonium non tam dissolvitur, quam nullum pronuntiatur, adeoque verum divortium Jus Canonicum non agnoscit.

Mores.

5. *Moribus nostris* Ius Canonicum Pontificii servant, Nostrates Ius divinum, quod medium est inter Ius Canonicum & Civile. Itaque ex J. Can. retinemus distinctionem inter separationem quoad vinculum, & quoad thorum ac mensam. Sed cum jure divino ob duas causas divortium verum admittimus, sc. *propter adulterium*, quod ipse Christus permisit, *Matth. 5.* & propter malitiosam desertionem, quam Paulus permisit *1 Cor. 7.* Propter malam tractationem & insidias vitæ structas, cum Iure Canonico admittimus divortium quoad thorum & mensam, uti pluribus videre est apud *Hahn. Obs. Theor. Pract. ad t. d. divort. & Groen. ad tit. d. repud.*

Jus Civile.

6. Si impotens matrimonium contraxerit, & matrimonium ob impotentiam rescindendum sit, tunc prius olim biennium, hodie triennium a nuptiarum tempore elabi debet. N. 22. c. 6. N. 117. c. 12.

Jus Canonicum.

7. *JURE Can.* si de impotentiâ coëundi constet, matrimonium statim separatur, si non constat etiam per triennium expectandum est.

Mores.

8. *Moribus* magis sequimur *Jus Canonicum* teste *Grot. & Groen. ad l. 10. C. d. Repud.*

Jus Civile.

9. *JURE Civ.* qui damnatam adulterii ducit, lenocinii reus est. *l. 9. castitati. c. ad. l. Jul. d. adult.*

Jus Canonicum.

10. *JURE Can.* id quoque cautum putant nonnulli per *c. hi vero. 22. c. 32. q. 7. & c. litteris 12. in f. X. d. præsumpt.* Sed contrarium verius est, uti docet *Cujacius ad c. 9. X. d. Sponsal.*

Mores.

11. *Moribus nostris* *Jus Canonicum* sequimur, teste *Groen. ad l. 9. c. ad S. Jul. d. adul.*

CAPUT XXVI.

De Concubinis.

Jus Civile.

1. *JURE Civ.* Concubinatus est permissus *l. 1. & l. 1. 1. & ff. d. Concub.*

Jus Canonicum.

2. *Jure Can.* prohibitus est, ut plerique censent
c. nemo 4. 9; *c. 32. q. 4. c. 5. & seqq. c. 32. q. 2.*
c. 6. dist. 34. nec obstat. c. Christiano d. 34. & c.
15. eod. Illa enim loquuntur vel de uxore minus
 solenniter ductâ, vel saltem de aliâ hypothesi.

Mores.

3. *Moribus nostris* sequimur prohibitionem *J.*
Canonici, quod *Ord. Pol.* in Imperio Romano
 expresse est confirmatum Anno 1577 Franco-
 furti editâ; nec non aliorum locorum Constitu-
 tionibus, ut Hollandiæ, Zelandiæ de quibus *Groen.*
ad t. c. d. Concub.

CAPUT XXVII.

*De Tutelâ & Curâ.**Jus Civile.*

1. **P**rima differentia inter *Jus Canonicum* &
Civile est, quod *Jure Civili* Tutela & cu-
 ra separentur & distinguantur *t. t. In. d. Tut. & cur.*

Jus Canonicum.

2. *Jure Can.* contra *c. Cyprianus. 4. c. 21. q.*

3. & *passim.*

Mores.

3. *Moribus nostris* sequimur *Jus Canonicum*, nec
 Tutela pubertate finitur, teste *Gail. 2. Obs. 96.*
 & *Groen. ad tit. J. quibus mod. tut. fin.*

Jus

Jus Civile.

4. **JURE Civili** tutores finitâ tutelâ demum tutelæ rationes reddere coguntur. §. ult. 1. d. *at-til. tut.*

Jus Canonicum.

5. **JURE Can.** singulis annis rationes reddere tenentur *Clement. quia contingit.* 2. §. *ut autem d. relig. dom. c. pastoralis* 2. d. *Cler. egrot. in 6.*

Mores.

6. *Moribus nostris* Jus Canonicum sequitur, quod confirmat Ord. Pol. Carol. V. 1548 & Rudolphi II Anno 1572. editâ, variæque *Ordinationes Belgii*, de quibus vide *Grot. l. 1. p. 9. n. 18.* & *Groen. ad l. 14. c. d. Admin. tut. &c.*

Jus Civile.

7. **JURE Civ.** tutor cogitur pecunias pupillares vel in emptionem prædiorum collocare, vel foenori exponere *l. 2. C. d. Adm. tut. l. quoties. 9. ff. eod.*

Jus Canonicum.

8. Hoc **JURE** nequidem pietatis causâ licet usuras exercere *c. super. eo. 4. X. d. Usur.*

Mores.

9. *Moribus nostris* Pontificii Jus Can. maxime verò in terris Ecclesiæ, Reformati autem Jus Civile servant, teste *Groen. ad Auth. Novissima. C. d. Admin. tut.*

Ius Civile.

10. Tutor, qui pecunias pupillares in proprios usus convertit, tenetur ad usuras etiam centesimas. l. 1. C. d. Usur. pup. q. 7. §. 4. l. 54. ff. de Admin. tut.

Ius Canonicum.

11. Jure Canonico tenendum est id, quod in superiori differentiâ dictum est.

Mores.

12. Moribus nostris a Pontificiis Ius Canonicum servatur, à Belgis verò inter pupillares & alias usuras non distinguitur. Groen: ad t. C. d. Pupill. Usur.

CAPUT XXVIII.

De Jure Rerum.

1. Ius Rerum exorditur Iustinianus in l. 2. Inst. t. d. ac q. rer. dom. & in eo observandæ sunt differentiæ inter Ius Civile & Canonicum, quæ potissimum sunt ratione Traditionis & Thesauri.

Ius Civile.

2. Ratione Traditionis observanda hæc differentia, quod Iure Civili, si res aliqua pluribus vendita sit, ille præferatur, cui prius res tradita est l. quoties. 15. C. d. R. V. l. si ancillam 11. C. d. Act. empt. l. 31. §. 2. ff. eod. tit.

Ius Canonicum.

3. Iure Can. in beneficiis Ecclesiasticis prima concessio

concessio ritè facta præfertur secundæ, licet is, cui secundò concessa est, traditam acceperit. *c. tibi. 12. d. rescr. in 6. c. si tibi. 17. d. Præbend. in 6.* Cujus rei ratio est, quod in spiritualibus ex solâ concessione Jus in re transferatur, uti docet *Hartm. Pist. l. 2. P. post. q. 29. n. 31.* Imo si Ecclesiæ aliquid sit prius venditum, ea præfertur, etsi res alteri postea tradita sit, quod licet Jus Civ. in *l. ult. C. d. SS. Eccl.* non dicat,

Mores.

4. Tamen *Moribus nostris*, & communi DD. calculo in foro approbatur, & observatur, teste *Gail. 2. Obs. 55.*

Jus Civile.

5. Ratione *Thesauri* hæc est unica differentia quod *JURE Civili* Thesaurus in loco sacro & religioso publico, vel fundo Ecclesiastico inventus, pro dimidiâ parte cedat Fisco, pro alterâ dimidiâ Inventori *l. 3. §. pen. ff. d. J. Fisc. §. 39. J. d. R. D. c. un. quæ sint regalia. in hb. d. Feud. (2:56.)*

Jus Canonicum.

6. *JURE Canonico* cedit Ecclesiæ, uti communiter concludunt DD. *arg. c. excommunicamus 13. §. damnati X. d. hæret. Sixtinus in Tractatu d. Regal. l. 2. c. 21. n. 3.*

Mores.

7. *Moribus nostris* in Germaniâ, Galliâ, Angliâ, Hispaniâ aliisque locis, Principes Thesau-
ros in solidum sibi vindicant, teste *Grot. d. J. B. & P. l. 2. c. 8. §. 7.* In Belgio verò res manet
E incerta,

incerta, Patroni quippe Fisci etiam Thesauros sibi vindicant, licet alii hoc Jus illis competere negent, tanquam nulla consuetudine firmatum, ut videre est apud *Groenew. ad §. 39. Inst. d. R. D.*

CAPUT XXIX.

De Servitutibus.

Jus Civile & Canonicum.

1. **I**N hac materiâ nulla fere est differentia inter Jus Civile & Canonicum, quæ sit aliqujus momenti, ideoque sicco pede prætereunda.

Mores.

2. Licet *Moribus nostris* aliqua sit differentia, ut docet *Groen. & Grot.*

CAPUT XXX.

De Usucapionibus.

Jus Civile.

1. **D**ifferentia ratione hujus materiæ inter Jus Canonicum & Civile est, quod **JURE CIVILI** in Usucapione sufficiat bona fides ab initio, cum res tradita fuit *l. 44. §. 2. ff. d. Usuc.* Mala fides superveniens non interruptit usucapionem bonâ fide cœptam *l. 48. §. 1. d. A. R. D. §. 12. Inst. d. Usuc.*

Jus Canonicum.

2. **JURE CANÓNICO** is, qui præscribit, nullo tempore

pore debet habere conscientiam rei alienæ c. *ultr*
X. d. præscr. & c. possessum. 2. d. R. f. in 6.

Jus Civile.

3. *JURE Civili*, si defunctus habueri bonam fidem in usucapione, heres verò malam fidem, nihilominus hic usucapere potest *l. 2. §. 19. ff. pro empt.*

Jus Canonicum.

4. *JURE Canonico* secus obtinet, per allegata modò jura.

Jus Civile.

5. *JURE Civili* præscriptiones longissimi temporis valent, etsi præscribens malam habeat fidem. *c. sicut. 3. X. d. præscr. 30. vel 40 ann.*

Jus Canonicum.

6. *JURE Can.* secus se res habet, per dicta loca, è quibus concluditur immemorialem præscriptionem quoque bonam fidem requirere.

Mores.

6. *Moribus Imperii* servatur *Jus Canonicum*, uti videre est ex *Gail. 2. Obs. 16. & Mynsing. 4. Obs. 6.* Protestantes verò non absolute quidem sequuntur *Jus Canonicum*, sed tamen hætenus, ut semper præsumatur bonam fidem adfuisse, donec contrarium probetur. Imo *Moribus Belgarum* totum *Jus Usucapionis*, & distinctio inter *Usucapionem* & *Præscriptionem* est sublata, non tantum in *Provinciis foederati Belgii*, sed & in aliis vicinis *Grôt. 2. part. 7. & longissimi tan-*

tum temporis præscriptio, sive 30 annorum, sive trientis sæculi, quâ de re Jus non adeo certum, in usu remansit, ut constât ex Groen. ad pr. Inst. d. Usuc. § t. C. d. Præscr. 30. annor.

Jus Civile.

8. JURE Civili Ecclesia Romana cum aliis eodem jure præscriptionis utitur Nov. 9. vide Cujac. 5. Obs. 5. quamvis DD. fere communiter dissentiant per Auth. quas actiones. C. d. SS. Eccl.

Jus Canonicum.

9. JURE Canonico res certa est, quod Ecclesia Romana centenariâ utatur præscriptione c. jubemus 16. c. sequenti. caus. 16. q. 3. c. ad audientiam. 13. circa finem, § c. seq. X. d. Præscr.

Mores.

10. Moribus nostris Ecclesiastica illa præscriptio adhuc obtinet. Præcipuum autem illud jus Romanæ Ecclesiæ ad Reformatos non pertinet.

Jus Civile.

11. JURE Civili qui rem quamcunque à Fisco emit, statim securus est §. ult. Inst. d. Usuc.

Jus Canonicum.

12. JURE Canonico etsi quis rem Ecclesiæ à Fisco emit, tamen non est securus, sed eam Ecclesiæ restituere compellitur. c. 2. X. d. reb. Eccles. non alien.

Mores.

13. Moribus nostris magis videtur probari Jus Canonici-

Canonicum, teste Zypao in *Inst. Jur. Belg. t. d. præscr. & Perez. ad t. C. d. Quadr. præscr.* Quadrien-
nii autem illa præscriptio, quæ in *d. §. ult. b.* pro-
ponitur, in Belgio antiquata est, ut plerique cre-
dunt, & disputatur à Groen. *ad d. §. ult. b.*

CAPUT XXXI.

De Donationibus.

Jus Civile.

1. **J**ure Civili licet donare meretricibus *l. 5. d. Do-
nat.* Ratio forte est, quia licet mulier turpiter
faciat, quod sit meretrix, tamen, quod accipiat,
non turpiter facit, cum sit meretrix *l. 4. §. 3. d.
cond. ob turp. caus.* Olim etiam quæstus videba-
tur honestus, cum nomen profiterentur apud
Prætores, & certum censum Reip. inferrent.

Jus Canonicum.

2. **I**ure Can. donationes illæ illicitæ sunt *c. 8.
d. 86.*

Mores.

3. *Moribus* Ius Can. servatur. Groen. aliq̃ue in
l. 5. d. Donat.

Jus Civile.

4. *Jure Civili* Donatio ob natos postea liberos
non revocatur *§. 2. f. b. t. l. 8. C. d. Revoc.*

Jus Canonicum.

5. **I**ure Canonico secundum jus Poli, id est,
E 3 dicta-

dictamen conscientiae, revocatur illa donatio *c. quicumq.* 43. c. 17. q. 4.

Mores.

6. *Moribus* in foro Jus Poli servatur, teste Grot. 3. part. 2. n. 34. *ibique in notis A. Faber, Christianus* aliique.

Jus Civile.

7. *Jure Civili* Donationes inter virum & uxorem adeo sunt prohibitæ, ut nec juramento confirmantur. *1. ff. § C. d. Don. int. v. § ux. l. 7. §. 16. ff. d. Pact. l. 112. d. legat. 1. l. 5. in f. C. d. legib.*

Jus Canonicum.

8. *JURE Canonico* omne juramentum servandum est, quod non vergit in præjudicium tertii, nec in dispendium salutis æternæ *c. cum contingat. 28. X. d. Jurej. c. 4. X. d. homic.*

Mores.

9. *Moribus nostris* Jus Canonicum attenditur.

Jus Civile.

10. *JURE Civili* donatio excedens summam 500 solidorum juramento non confirmatur, per *dictas leges.*

Jus Canonicum.

11. *JURE Can.* secus est, per *dicta capitula.*

Mores.

12. *Moribus nostris* quid obtineat, constat ex antedictis: quia eadem est ratio; Ceterum multis in locis necessitas insinuandi remissa est, veluti
in

in Germaniâ, de quibus *Gail. 2. Obj. 39.* In Galliâ aliisque quæcunque donationes, etsi summam 500 solidorum non excedant, insinuatione indigent, nisi fiant pecuniâ numeratâ. In Hispaniâ autem aliisque locis Jus Civile viget, teste *Groen. ad 1. Inst. d. Don. §. 2.*

CAPUT XXXII.

De Testamentis, & aliis Ultimis Voluntatibus.

Jus Civile.

1. **I**URE Civili Testamentum continet voluntatis nostræ, non verò alienæ, justam sententiam, ideoque voluntatem ultimam alterius dispositioni committere nemo potest. *l. 32. ff. d. Her. Inst.*

Jus Canonicum.

2. **I**URE Canonico secus est. *c. cum tibi 13. X. d. Testam.*

Mores.

3. *Moribus nostris* Jus Canonicum servatur inter Pontificios, & in terris Ecclesiæ, Jus Civile inter Nostrates, siquidem nunquam abrogatum videtur, nisi quod quidam distinguant inter heredis institutionem ac legatum, & inter id, quod prorsus in liberam voluntatem alterius confertur, & id quod arbitrio alterius, tanquam boni viri relinquitur; Adeoque multi conantur hic conciliare Jus Civile & Canonicum, sed rextus tamen sunt contrarii, de quo latius *Eachin. 5. Cgmt. 59.* & Interpretes *ad d. l.*

Jus Civile.

4. *JURE Civ.* septem testes in ordinandis testamentis requiruntur *l. 21. C. d. Test. Ord. §. 3. J. cod.* sed in Codicillis 5 desiderantur. *l. ult. C. de codicill.*

Jus Canonicum.

5. *JURE Can.* sufficit testamentum factum esse coram proprio Presbytero, & in præsentia 2 vel 3 testium. *c. 3. 10. X. d. Testam.*

Mores.

6. *Moribus* Jus Civile in terris Imperii, Jus Canonicum in terris Ecclesiæ servatur, teste Viglio *ad §. 7. J. h. i.* Moribus verò Belgarum & Hollandiæ coram 2 Scabinis & Secretario factum, vel coram Notario & 2 testibus valet, teste Grot. *Intr. l. 2. c. 17. n. 12. 15.* Excipitur autem casus, si quis liberos suos testamento exheredes faciat: tunc enim non sufficiunt testes, sed requiritur testimonium Scabinorum. Eaque testamenta valent, etiamsi nec à testatore, nec a testibus subscripta, aut signaculis firmata sint, teste Groen. *ad §. 5. Inst. h. i.*

Jus Civili.

7. *JURE Civ.* filiusf. non potest facere testamentum permittente patre, ne quidem ad pias causas *pr. Inst. quibus non est permiss. fac. test.*

Jus Canonicum.

8. *IURE Canonico* potest filius, cum causæ pietas suadet, de qualicunque Adventitio, quin & Profectitio peculio, patre permittente, facere

re testamentum *c. 4. d. sepult. in 6.* sicque Canonistæ hoc Ius explicant, teste *Perezio ad t. C. qui test. fac. n. 8.*

Mores.

9. *Moribus* Imperii, Frisiæ & aliorum locorum Ius Civile in usu est, & filiusfam. testamentum facere nequit. In Hollandiâ verò, Galliâ aliisque locis filiusfam. etiam sine consensu patris testari potest, teste *Groenew. ad pr. Inst. quibus non est perm. & Schultz. in Synops.*

Jus Civile.

10. *Iure Civili* testari demum possunt puberes, id est, masculi anno 14, feminae 12 expleto, vel saltem die ultimâ istius anni *l. 5. ff. q. test. fac.*

Jus Canonicum.

11. *Iure Canonico*, uti dictum est ad *tit. d. Nupt.* non eadem definita est ætas pubertatis, unde etiam Canonistæ *ad d. c. 4. d. testam. in 6.* definiunt, eum, qui annos pubertatis nondum complevit, si malitia ætatem suppleat, testari posse.

Mores.

12. *Moribus*, in Saxoniâ multisque Imperii locis, Ius Civile obtinet, in aliis nec Ius Civile, nec Ius Canonicum servatur, sed major ætas requiritur, veluti 18 annorum, vel pauciorum, aut plurium. In Belgio non videtur mutatum esse Ius Civile *Grot. l. 2. p. 15. pr.*

Jus Civile.

13. *Jure Civili* captivi, de statu suo dubitantes, imo ne obsides quidem, & illi qui apud hostes sunt, possunt facere testamentum. l. 11. §. ult. *Inst. quibus non est perm.* l. 15. *qui test. fac.*

Jus Canonicum.

14. Audivimus supra capite de *Jure Personarum*, *Jure Canonico* & *Moribus* nostris non ita servitutem captivitate induci, uti *Civili*, & facilius tolli *Moribus* ac *Jure Canonico*, quàm *Jure Civili*, unde consequens est *Jure Canonico* captivos facere posse testamentum, maxime inter Christianos.

Mores.

15. *Moribus* nostris etiam à Turcis & Barbaris capti testamentum facere possunt. Ejus tamen, qui desertâ patriâ ad hostes transfugit, testamentum non subsistere judicatum est. *Groen. ad §. ult. J. quibus non est perm.* Sed & generali consuetudine fere receptum est, ut etiam ad mortem damnati possint testamentum facere, modo bona eorum non sint publicata, veluti ob crimen læsæ majestatis, & simile, vide *Synops. Schult. ad d. §. ult.*

Jus Civile.

16. *Jure Civ.* heredis institutio arbitrio alterius non potest committi l. 32. d. *her. Inst.*

Jus Canonicum.

17. *Jure Can.* potest c. cum tibi 13. X. d. *testam.*

Mores.

Mores.

18. *Moribus nostris* quid servandum sit, dictum
suprà th. 3.

Jus Civile.

19. *JURE Civ.* legatum rei alienæ valet §. 4.
f. d. legat.

Jus Canonicum.

20. *JURE Can.* multi contrarium credunt statutum
per c. 5. X. d. testam. Alii aliter per c. si Episcopus.
caus. 12. q. 5. In dubio autem potius statuenda
est convenientia, quam differentia, vide Fachin.
l. 5. Controv. 28.

Mores.

21. *Moribus nostris* Jus Civ. obtinet.

Jus Civile.

22. *JURE Civ.* filius fideicommissio gravatus
non potest detrahere duas quartas, Legitimam,
ut filius, Trebellianicam, ut fideicommissio gra-
vatus. §. 5. Inst. d. fid. her. l. 11. d. l. 10. c. ad L. Falc.
l. 6. c. ad sc. Trebell. l. 24. c. Fam. Sc. l. 41. t. 3. d.
Vilg. & pup.

Jus Canonicum.

23. *JURE Can.* secus est c. Rainut. X. d. testam.

Mores.

24. *Moribus nostris* & fere totius Europæ Jus
Can. receptum est. Gail. 2. Obj. 121. 126. Curie
Holl. Decis. 17. Sand. l. 4. decis. tit. 7. defn. 3.

Jus

Jus Civile.

25. *JURE Civ.* ad legatum consequendum tria tantum remedia competunt §. 2. *J. d. legat. l. 2. c. Comm. d. legat. & fid.*

Jus Canonicum.

26. *JURE Can.* accessit quartum remedium, sc. conditio ex Canone, seu Imploratio officii Episcopi, coacturi heredes, & executores testamenti, ut defuncti vota impleant. *c. 3. r. 6. l. 19. X. d. testam.*

Mores.

27. *Moribus* sine dubio *Jus Can.* inter Pontificios obtinet, *Hartman. Obs. pract. l. n. 33. ad t. d. legat.* Apud nostros vero, qui vel Episcopos non habent, vel eam Episcoporum auctoritatem non agnoscunt, hujus quidem rei usus esse non potest. Aliud tamen remedium non absimile è commentis DD. usu receptum est, sc. remedium executivum, quo sc. legatarius nullo adhibito libello, & ordinariâ viâ actionis prætermisâ, potest simpliciter impetrare præceptum seu interlocutionem judicis, contra heredem, ut de legato satisfaciatur. de quo *Mynsing. Cent. 5. Obs. 61. & Rittersh. in Diff. J. G. & Can. l. 4. c. 5.*

Jus Civile.

28. *JURE Civ.* heres extraneus, non parens ultimæ voluntati, amittit relicta sibi a testatore, filius autem heres non parens omnia, præter legitimam, amittit. *l. ul. in f. & Auth. hoc amplius. C. d. Fideic. Nov. l.*

Jus Canonicum.

29. *JURE Canonico* nullum servatur discrimen inter filium & extraneum. *c. si heredis. 6. X. d. testam. c. Sylvester. 13. caus. 11. q. 1. c. licet univ. 6. X. d. vot. & voti redempt. (3:34.)*

Mores.

30. *Moribus nostris*, & vicinarum regionum poena illa privationis prorsus antiquata est. *Moribus autem Imperii Jus Can. inter Pontificios procul dubio servatur.*

Jus Civile.

31. *JURE Civ.* alienata in fraudem legitimæ liberorum tum demum revocari possunt, si ex causâ lucrativâ facta sit alienatio. *l. 2. ff. si a par quis man. & t. t. C. d. inoff. donat. l. 87. §. 3. d. leg. 2.*

Jus Canonicum.

32. *JURE Can.* non distinguitur inter causam lucrativam & onerosam *c. Raynutius. 6. X. d. testam.*

Mores.

33. *Moribus* cum nihil specialiter hac de re Statutis cautum sit, *Ius Can. procul dubio in foro Iuris Canonici, Ius Civile in aliis servabitur.*

Jus Civile.

34. *JURE Civ.* filius nullum jus in legitimam habet vivo patre *l. 1. d. Her. vend. l. 1. §. 21. ff. d. Collat. l. 6. C. d. inoff. test.*

Jus Canonicum.

35. *JURE Can.* si Pater, aut Mater monasterium ingrediatur, legitima peti potest, quia tunc mortuus mundo censetur *c. placuit, 8. c. 16. q. 1.* nec Monachus magis, quam servus quid proprium habere potest *c. 14. X. d. Regularib. (3:31.)*

Mores.

36. *Moribus nostris* hæc quæstio inutilis est, cum Monachorum apud nos non sit usus; sed in Galliâ aliisque locis *Auth. si qua mulier. C. d. SS. Eccl.* non observari docet *Groen. ad d. Auth.* In foro Pontificio Jus Canonicum sine dubio servatur, quamvis Panormitanus putet Filium a Monasterio debere alimenta petere vivo Patre, mortuo autem patre legitimam.

Jus Civile.

37. *JURE Civili* effectus Inventarii confecti est, quod heres non teneatur ultra vires hereditarias. *§. pen. t. 1. d. her. qual. & diff. l. ult. §. 4. 12. 14. C. d. f. delib.*

Jus Canonicum.

38. *JURE Can.* solemnitas Inventarii non attenditur, sed heres semper tenetur in solidum, tam ex causâ delicti, quam ex causâ contractus, sive aliquid ad heredem pervenerit, sive non, sive lis cum defuncto sit contestata, sive non *c. si Episc. 3. c. 16. q. 6. c. Episcopus 34. c. 12. q. 2. c. in litteris 5. X. d. raptor.*

Mores.

39. *Moribus Belgii & Imperii* Jus Civile obtinet,

tinet, quamvis his in locis Inventarii confectio à supremâ Hollandiæ Curia sit impetranda. *Groen. ad §. 6. Inst. d. her. qual. & diff.*

CAPUT XXXIII.

De Successione ab Intestato, &c.

1. **P**AUCÆ hîc sunt differentiæ inter Jus Can. & Jus Civ. Prima est quod

Jus Civile.

2. **JURE Civili** liberi incestuosi non tantum parentibus non succedant, sed ne quidem alimenta petere ab iis possint. *Auth. ex complexu C. d. Inces. & inutil. nup.*

Jus Canonicum.

3. **JURE Canonico** liberi incestuosi à parentibus sunt alendi c. 5. in f. X. d. eo q. dux. in matr. quam poll. per adult. (4:7.) c. 13. X. qui fil. sint ed. (4:17.)

Mores.

4. *Moribus Belgii & Germaniæ* Jus Can. receptum est, teste *Grot. in suâ Introd. l. 2. p. 16. n. 7. & Groen. ad d. Auth. ex complexu.*

DE GRADIBUS.

Jus Civile.

5. **IURE Civili** in lineâ collaterali Patruelles distant inter se quarto gradu. §. 4. f. d. grad. Ratio est, quia Iure Civili unaquæque generatio facit gradum. §. 3. & seq. *Inst. d. grad.*

Jus

Jus Canonicum.

6. *IURE Can.* tantum secundo. c. ad Sedem. 2. caus. 35. q. 5.

Jus Civile.

7. *IURE Civili* in lineâ collaterali inæquali unaquæque generatio facit gradum §. 3. & seq. §. d. grad.

Jus Canonicum.

8. *IURE Canonico* servatur hæc regula: Quo-
to gradu remotior distat a communi stipite, eo
gradu distant inter se c. ult. X. d. Consang. & affin.
(4: 14.)

Mores.

9. *Moribus* Belgarum *Ius Civile* obtinet, teste
Groen. ad pr. §. d. gradib. In Imperio autem
utrumque, sed diverso respectu.

CAPUT XXXIV.

*De Pactis & Contractibus in genere.**Jus Civile.*

1. *IURE Civili* nudum pactum non producit
actionem, sed tantum exceptionem l. 7. §. 4.
l. 45. ff. d. pact. l. 10. 15. C. eod.

Jus Canonicum.

2. *IURE Canonico* pactum nudum etiam pro-
ducit actionem c. 1. X. d. pact. (1: 35.) c. 3. eod.
c. si

et si verè. 34. X. d. *Sent. excomm.* (5: 39.) c. *juramenti.* 12. *caus.* 22. q. 5. Et quanquam nonnulli putent hic nullam esse differentiam, neque Jure Canonico actionem dari magis, quam J. Civ. ex pacto, ut plures volunt apud Rittershus. *lib.* 2. *Controvers.* 101. & in *Different.* 7. *Civ. & Can. lib.* 3. c. 1. p. 82. & *seqq.* tamen confutantur satis textibus allegatis, & analogiâ Juris Canonici, quod ubique simplicitatem Juris Gentium sequitur, & conscientiæ consulit, neque naturalem obligationem parvi pendet, unde etiam nullo loco vel actionem ex Pacto negat, vel inter effectum Pacti & Contractus distinguit; ut Jus Civile:

Mores.

3. *Moribus* hodiernis, totâ fere Europâ sequimur Jus Canon. & ex pacto certo & deliberato actio conceditur. *Groen. ad l.* 10. 13. C. d. *Pact. Hahn. Obs. Theor. Pr. ad d.* 1.

Jus Civile.

4. JURE Civ. contractus nec nominati ita se habent, ut locus sit pœnitentiæ, quamdiu ei, quem pœnitet, alter donatione vel facto nondum satisfecit *l.* 3. §. 2. *l.* 5. *pr. ff. d. Cond. caus. da.* Ratio est: quia tunc res non in terminis nudæ conventionis consistit; unde hic datur actio ex ipsa contrahentium intentione, ad repetendum id, quod datum est, ex pœnitentiâ.

Jus Canonicum.

5. JURE Can. pœnitentiæ locus non est: quia quælibet deliberata promissio isto Jure obligat, uti antea confirmatum est, & plenius docet *Gloss. in c. cum inter.* 12. d. *Elect. & elect. potest.* (1: 6.)

6. *Moribus* Jus Canonicum sequimur, teste Grotio, Gomezio, Mantica, quos allegat Groenew. ad l. 5. d. Cond. caus. dat. caus. non fec.

Jus Civile.

7. *Jure Civ.* alii contractus sunt bonæ fidei, alii verò stricti Juris; Contractus B.F. ipso Jure sunt nulli, si dolus illis det causam; stricti verò Juris contractus rescinduntur vel infirmantur actione vel exceptione doli l. 7. ff. d. dol. mal. l. 16. §. 1. D. d. minor.

Jus Canonicum.

8. *Jure Canonico* non distinguitur inter contractus bonæ fidei & stricti Juris, sed propter dolum omnis contractus nullus pronuntiatur, uti Canonistæ communiter concludunt; quamvis nullus ad hoc satis expressus sit textus, sed quia Jus Canonicum generaliter loquitur, & non distinguit, sed simplicitatem Juris Gentium sequitur.

Mores.

9. *Moribus* non quidem prorsus antiquata est distinctio inter bonæ fidei & stricti Juris contractus, quamvis Imbertus in suo *Enchiridio* id velit. Neque satis rectè Amesijs, in *Casibus conscientie*, putat hominem Christiano indignum esse distinguere inter bonæ fidei & stricti Juris contractus, quasi Christianis omnes contractus deberent esse bonæ fidei. Non enim intellexit Theologus bonam fidem hic non opponi dolo præcisè, sed arctiori judicis potestati. Habet adhuc hodie illa distinctio inter bonæ fidei & stricti Juris judicia suum usum, & totum fere Jus Romanum corrumpere necesse est, si hæc corruat. Sed non adeo
tamen

tamen conspicua est hodie, ut olim, teste *Groen.*
ad §. 28. f. p. Ad: & differentia inter negotia
ipso Iure nulla & rescindenda, non ubique &
semper attenditur, teste *ead. ad t. C. In quibus caus.*
rest.

Jus Civile.

10. JURE CIVILI Contractus invalidi non pos-
sunt confirmari juramento *l. 5. in f. C. d. legib.*

Jus Canonicum.

11. JURE CAN. secus est *c. quamvis 2. d. pact. in 6.*
(1:18.) ubi Pontif. dicit; Pactum filiae factum cum
patre, cum nuptui tradente, ut dote contenta ni-
hil amplius lucri habeat ex successione paternâ,
valere. Cum tamen Jure Civili, ne quidem pacto
jurato, de futurâ successione transigi possit *l. 61. d.*
V. O. & hæc pacta reputentur contra bonos mores.

Mores.

12. *Moribus* Jus Canonicum receptum est, teste
Rittershusio l. 3. Diff. c. 3. qui plura refert nego-
tiorum exempla, quæ cum Iure Civili invalida
sint, Iure Can. Juramento confirmantur.

Jus Civile.

13. JURE CIVILI Iusjurandum non magis in-
ducit obligationem, quam nudum pactum, præ-
terquam si libertus juret se patrono operas vel
alia officia præstiturum. *l. 7. ff. d. Oper. libert.*

Jus Canonicum.

14. JURE CAN. obligat jurantem *c. 9. X. d.*
arbitr.

Mores.

15. *Moribus nostris* sequimur Jus Canonicum; cum ex nudo pacto etiam detur actio.

Jus Civile.

16. JURE CIVILI Iusjurandum Pupilli seu Impuberis non obligat.

Jus Canonicum.

17. Jure Canon. obligat omnino. c. 14. 15. c. 22. q. 5. Hinc etiam puerilis ætas pejerare potest c. 1. X. d. delict. puer. (5: 23.)

Mores.

18. *Moribus* Ius Can. in foro Ecclesiastico, in aliis Ius Civ. receptum est.

Jus Civile.

19. JURE CIV. Iusjurandum, vi. & metu extortum, ipso jure nullum est. d. Auth. Sacram. pub.

Jus Canonicum.

20. JURE CAN. opus est absolutione à tali juramento c. 8. X. d. Jurej. (2: 24.) Solet tamen hic inter factum ipso jure prohibitum, ac juramento promissum, & factum non prohibitum distinguere, ita quidem ut etiam I. Civ. juramentum contra bonos mores sit ipso I. nullum.

Mores.

21. *Moribus* Ius Can. non tantum in Imperio Romano-Germanico, de quo Gail. 2. Obs. 42. sed etiam

etiam in Belgio quodammodò sequimur, teste Groenew. ad *l. ult. ff. ad Municip.* Ea tamen est differentia, quod absolutionem illam Episcopo servant, nostri autem a Principe vel supremis Curiis id impetrent. Cæterum absolutio illa de Juramento obligatorio non potest facere non obligatorium, sed pro eâ potestate, quam habent illi, quibus competit potestas moderandi actus subditorum suorum, possunt declarare quid valeat, & pro rato habeatur, quidque irritum esse debeat. Quomodo & lege Hebræâ Mariti uxoris, & Patres filiarum Juramenta irrita esse jubent. *Num. 30. com. 3. 4.*

Jus Civile.

22. *JURE Civ.* licet jurare per creaturas, & usitatissimum jurandi genus veteribus erat per Genium, & Salutem Principis. *l. 3. §. ult. & seq. l. 13. §. ult. ff. d. Jurej. l. 2. C. eod.*

Jus Canonicum.

23. *JURE Can.* Juramenta per creaturas improbantur *c. 26. X. d. Jurej. (2: 24.)* quod convenit Juri divino *Matth. 5: 34. & seqq.*

Mores.

24. *Moribus* magis convenit Ius Canonicum. Illud tamen nostrates in Jure Canonico improbant, quod per Euangelium, per Sacras Scripturas, per Altaria, per Reliquias juretur *c. 8. 9. 11. 12. c. 22. q. 1. c. 9. caus. 1. q. 7.*

Jus Civile.

25. *JURE Civ.* filiusf. ex Voto non obligatur
F 3 neque

neque servus l. 2. §. 1. ff. d. Pollicit. & vot. Ratio est: quia Ius Civ. vult, ut is qui ex voto obligatur, sit sui Iuris, non in alterius potestate.

Ius Canonicum.

26. JURE Can. tale votum communis Interpretum Schola ratum habet. c. 1. X. d. delict. puer. (5: 23.) & c. mulier 14. caus. 32. q. 2. Qui textus quamvis Interpretum sententiam non manifestè contineant, sed de speciali hypothese loquantur, sc. de voto filiae, non tamen videntur esse alieni à l. Divino Num. c. 30.

Mores.

27. Moribus quoque Ius Can. convenientius est, si quidem effectus Patriæ ac Dominicæ potestatis ex J. Civ. longe alius apud nostros est, ut dictum suprâ. Hactenus de Pactionibus & Contractibus in genere. Videndæ nunc sunt singulæ species.

CAPUT XXXV.

De Contractibus nominatis, re initis.

1. IN Mutuo, Commodato, Deposito, nulla fere est notata digna Differentia inter Jus Civile & Canonicum. In Pignore verò hæc unica est Differentia, quod

Ius Civile.

2. JURE Civ. pactum *à l'usage* valet l. 14. l. 17. C. d. Usur. l. 6. C. Quod cum eo q. l. 33. ff. d. Pign. act. l. 11. d. Pign. & hypot.

Ius

Jus Canonicum.

3. *JURE Can.* *arrhenus* est prohibita c. ad no-
fram. 7. X. d. *Jurej. c. 1. & 8. X. d. Usu. (5: 19.)*
Ratio: quia tale pactum accedit ad contractum
Usurarum; Usuræ autem *Jure Can.* sunt prohi-
bitæ.

Mores.

4. *Moribus arrhenus* etiam recepta est in Im-
perio Romano-Germanico, ubi alias quoque at-
tenditur *Jes Canonicum*. Ita tamen ut ibi Cleri-
cis & Monachis non permittatur; Laicis verò
permittitur: quia textus *Juris Canonici* etiam tan-
tum de Clericis & Monachis loquuntur. *Ritters-
bus. l. 3. c. 7.*

CAPUT XXXVI.

De Stipulatione.

1. *I*N materia Stipulationis, duæ tantum a Ca-
nonistis afferuntur Differentiæ.

Jus Civile.

2. *JURE Civ.* regulariter quis alteri stipulari
non potest. §. 3. & 18. *J. d. Inut. stip. l. 3. C. cod.*
quæ tamen Regula tot habet exceptiones, ut
multi credant satius fuisse contrariam Regulam
facere.

Jus Canonicum.

3. *IURE Can.* putant hanc stipulationem va-
lere, per c. *quoties cordis. 9. caus. 1. q. 7. & c. Jura-*
mentum

mentum. c. 12. caus. 22. q. 5. Qui textus quamvis Canonistarum sententiam non confirmet, analogia tamen Juris Canonici scrupulosas illas Juris Civilis subtilitates non admittens, facile locum facit illi sententiæ, ut & huic, quæ sequitur.

Jus Civile.

4. *JURE Civili*, si quis factum alterius promiserit, inutilis est stipulatio; si verò effecturum se quis promiserit, ut alius hoc faceret, utilis est stipulatio. §. 4. *J. d. Inut. stip.*

Jus Canonicum.

Hoc *JURE* contrarium obtinet.

Jus Civile.

5. *JURE Civili* inutilis est stipulatio, si responsio interrogationi non bene conveniat, veluti si pure interroganti sub conditione respondeatur. §. 5. §. 22. *J. d. t.*

Jus Canonicum.

6. Quod à *Jure Canonico* est alienum, si quidem hoc Ius non distinguat inter effectum Pacti & Stipulationis.

Mores.

7. *Moribus* in his omnibus simplicitas Juris Gentium & Canonici servatur, teste *Groenew. ad §. 5. l. d. Inut. stip.*

CAPUT XXXVII.

De Fidejussoribus.

1. **R**atione hujus materiæ prima differentia est, quod

Jus Civile.

2. **JURE Civ.** Fidejussor habet beneficium ordinis. *Auth. præsent. C.d.Fidejuss. Nov.4.*

Jus Canonicum.

3. **IURE Can.** communiter cessare volunt hoc beneficium, quasi ad apices Iuris Civ. pertinens *Glos. in c. 6. dilecti*, & in verb. *subtiliter, in f. X.d. Judic. (2:1.)* Ius enim Canonicum in judiciis nihil attendit, nisi simplicitatem, & æquitatem Iuris Gentium, propter quam rationem hoc etiam non solet obtinere inter mercatores.

Mores.

4. *Mores* variant. In plerisque Iudiciis, in quibus viget Ius Civile, servatur *d. Authentica*, sed in foro Ecclesiastico, etiam in celebrioribus Emporiis, aliisque locis simplicitas Iuris Canonici. Quod tamen sub distinctione accipiendum, ut eodem loco docet *Groenewegius ad d. Auth. Præsent. C. d. Fidejuss.*

Jus Civile.

5. **JURE Civ.** non est interdictum Clericis Fidejubere ullo in loco Iuris.

Jus Canonicum.

6. **JURE Can.** contra, & quidem sub pœna depositionis, seu abjectionis *c. 1. X. d. Fidej.* (3:22.) Ratio videri potest, ne Clerici negotiis secularibus implicentur *t. t. X. ne Cler. vel mon. sec. neg. se immisc.* (3:50.) Videtur tamen Clericis permissum esse pro aliis Clericis fidejübere *c. 2. X. d. Fidej.* Cæterum postea Concilio, sub Innocentio III instituto, cautum est, ut ita demum cujuslibet Religiosi Fidejussio valeat, si adsit consensus Abbatis, vel majoris partis Capituli.

Mores.

7. *Moribus* **Ius Can.** sine dubio inter Pontificios valet, **Ius Civile** inter Protestantes.

Jus Civile.

8. Differentia Fidejussioni cum Stipulatione communis est, quod **Jure Civili**, Stipulatio pœnalis si facta sit, tam commissâ pœna tota debetur, nec præstatione partis quis liberatur, ne quidem pro parte *l. 5. inf. l. 85. §. pen. d. V. o.*

Jus Canonicum.

9. **JURE Canonico** hoc non obtinere communiter putant DD, & heredem aliumve præstatione suæ partis liberari volunt, per textum & Gloss. in *c. suam. 9. X. d. pœn.* (5:37.) Quod caput quamvis id quidem etiam non disertè affirmet, tamen illud non videtur a sententiâ & simplicitate, quam **Jus Can.** sequitur, alienum esse.

Mores.

10. *Moribus* Jus Canonicum apud Pontificios præfertur. Nostrates autem ab observatione Juris Civilis discessisse, nusquam invenitur.

CAPUT XXXVIII.

De Litterarum Obligatione.

Jus Civile.

1. **J**ure Civili, exceptio non numeratæ pecuniæ post biennium opponi nequit, etiamsi debitor paratus sit probare, se pecuniam non accepisse *t. t. Inst. d. Lit. Obl. l. 8. IC. l. 14. C. d. non num. pec.*

Jus Canonicum.

2. **JURE Canonico**, etsi quidem hæc præscriptio non expresse improbetur, tamen, cum omnis præscriptio, quæ non est ex fide, improbetur; *c. ult. X. d. præscrip. (2:26.)* non poterit ex sententiâ illâ exigi debitum ab eo, qui probare vult, pecuniam sibi numeratam non esse.

Mores.

3. *Moribus*, ex ratione Jur. Can. censetur factum, quod Praxis exceptionem non numeratæ pecuniæ etiam post biennium admittat, de quo *Sneidw. ad t. d. lit. Obs. & Groen. ad t. Cod. d. non num. pec.*

CAPUT XXXIX.

De Emtione & Venditione.

Jus Civile.

1. *Jure Civili*, venditor non præcise cogitur rem tradere, sed præstando id quod interest liberatur. *l. 1. pr. l. 11. §. 9. l. 12. l. 13. §. 4. ff. d. Act. Empt. l. 4. C. cod. l. 13. inf. ff. d. Re jud.*

Jus Canonicum.

2. *Iure Canonico* contrarium obtinet c. cum Johannes. 10. X. d. fid. Inst. quomodo Gloss. & Interp. hanc sententiam accipiunt. Quamvis autem illud non expresse dicatur, tamen analogia J. Can. id satis confirmat.

Mores.

3. *Moribus* sequimur *Jus Canonicum*, teste Mynsingero c. 4. Obs. 61. n. 5. & Groen. ad l. 4. C. d. quis l. ult.

Jus Civile.

4. *Jure Civ.* re eadem pluribus venditâ, dominus fit is, cui prius est tradita. *l. 72. l. 15. C. d. R. V. l. 9. §. 4. D. d. Act. public.* Quod obtinet etsi prior venditio Iurejurando sit confirmata; cessat verò iis in casibus, quibus Ius in re sine traditione transferri potest, ut in legatis, iudicio familiæ eriscundæ, &c.

Jus Canonicum.

5. *Iure Can.* rite facta concessio in Ecclesiasticis

fiasticis præfertur secundæ, etsi hæc traditio secuta sit, *c. Tibi. 12. d. rescript. in 6. (1:3.) c. si tibi. 17. de præbend. in 6. (3:4.)*

IX. Mores.

6. *Moribus* putem Jus Civile & Canonicum servari, per ea, quæ tradit *Groen. ad 1. 15. C. d. R. V. & Rittershus. l. 3. diff. c. 12. pag. 100.* nullamque hic esse differentiam, si quidem quod Jus Civile de Venditione affirmat, Jus Canonicum de eadem non negat, & quod Jus Canonicum de concessione Beneficii affirmat, id Jus Civile non negat; imo verò Jus Civile expresse dicit, concessionem à Principe factam primam præferri secundæ. *l. prædia. ult. C. locat. præd. civ. Fisc. (11:70.)*

Jus Civile.

7. *IURE CIVILI* Venditor læsus ultra dimidium, potest rescindere venditionem illam ex *l. 2. 8. inf. C. d. resc. vend.* neque hoc beneficium pertinet ad Emptorem, ut volunt Cujac. Ant. Faber aliique *ad d. l. 2.*

Jus Canonicum.

8. *IURE Canonico* Emptor læsus ultra dimidium justii pretii, etiam habet beneficium ex *d. l. 2. C. d. resc. ven. c. cum caus. 6. pen. X. d. Empt. vind. (3:17.)*

IX. Mores.

9. *Mores* id tanto facilius amplectuntur, quia ratio Iuris Civilis in emptore non deficit, etsi deficient expressa legis verba, unde *Groenowegius*

gius, *ad d. l. 2.* illam ad casus similes Moribus nostris extendit.

CAPUT XL.

De Locatione Conductione.

Jus Civile.

1. **I**ure Civili, finito tempore locationis conductionis, locator non tenetur pristino conductori rem relocare *l. 32. C. locat.*

Jus Canonicum.

2. **I**ure Canonico, ex communi fere Canonistarum sententiâ, locator, invito conductore, si Studiosus vel Scholaris sit, alteri ædes vel cubiculum aut hospitium locare non potest, per *c. 1. X. d. loc. con. (3:18.)*

Mores.

3. **M**oribus Ius Canonicum non servatur in Italiâ, propter rationem à Rittershusio adducendam, ex qua ratione constat, illud *caput 1. X. d. loc. cond.* a Iure Civili non differre.

4. **L**ocationi Conductioni affinis est Emphy-

CAPUT XLI.

De Emphyteusi.

IN hac materiâ hæ Differentiæ sunt notandæ:

Jus

Jus Civile.

1. **JURE Civili** Emphyteuta Canonem non solvens intra triennium in Emphyteusi Seculari, vel intra biennium in Ecclesiasticâ, Iure suo cadit *l. 2. C. d. Emphyt. Nov. 7. c. 3. §. 2. Nov. 120. c. 8. Auth. qui rem. C. d. SS. Eccl.* nec celeri satisfactione sibi consulere potest *d. l. 2. d. 7. Emphyt.* Id enim non obtinet, ubi dies & pœna obligationi adjicitur *l. 23. D. d. O. & A. l. 12. c. d. contr. & com. stip. l. 23. pr. d. Rec. orb.* Exceptio est in *l. 8. D. Siquis caution.*

Jus Canonicum.

2. **IURE Can.** secus est, per textum in *c. 4. X. d. loc. cond. (3:18.)* quem DD. tamen ad Ecclesiasticam restringunt, quod in illa brevius solutionis tempus sit constitutum.

Mores.

3. **Moribus nostris** Ius Canonicum servatur, teste Groenewegio *ad d. l. 2. C. d. Jur. Emphyt.* quem vide.

Jus Civile.

4. **JURE Civ.** vulgò putant Emphyteutani non posse alienare prædium Emphyteuticum, invito domino, per *l. ult. C. d. Jur. Emph.* quamvis illa lex vetet tantum venditionem fieri aliter, quam si dominus certior prius fiat, ut præ aliis emere possit.

5. **Jure Civili** quoque Domino laudemium, id est, quinquagesima pars pretii debetur *d. l. ult. C. d. 7. Emph.*

Ius Canonicum.

6. *IURE Canonico* secus est per *d. c. ult. X. d. loc. cond.*

Mores.

7. *Moribus nostris* magis convenit *Ius Canonicum*. Groeneweg. ad *d. l. ult.* Cæterum inter Emphiteusin Secularem & Ecclesiasticam nullæ sunt differentiæ, licet sex referat Rittershusius *l. 3. c. 24.* cum hæ ex *Iure Civili* descendant, neque *Ius Canonicum* in eo differat.

CAPUT XLII.

*De Furtis.**Ius Civile.*

1. *IURE Civili* Furtum strictè accipitur, & opponitur Sacrilegio, aliisque speciebus §. 1. *Inst. d. Obf. ex del. l. 1. §. ul. D. d. Furt.*

Ius Canonicum.

2. *IURE Can.* latius accipi solet. *c. dixit dominus 12. caus. 14. q. 5. c. ult. X. d. Furt. (5: 18.) c. si quis. eod. c. dudum. 54. X. d. elect. & el. pot. (1: 6.)*

Mores.

3. *Moribus* etiam quandoque latius solemus Furtum accipere, quàm *Iure Civili*.

Ius Civile.

4. *IURE Civili* qui Furti faciendi animo con-
clave

clave intravit, & rem non contrectavit, non est Fur. l. 21. §. 7. d. Furt.

Jus Canonicum.

5. *Jure Canonico* Fur est quicumque non per ostium intravit, dummodo furandi animo intraverit, etsi nihil acceperit. c. 12. caus. 23. q. 4.

Jus Civile.

6. *Jus Civile* sine dubio hoc negat esse Furtum in specie dictum, de quo non actione furti in duplum vel quadruplum agi solet, sed potius refert ad actionem injuriarum.

Jus Canonicum.

7. *Jus Canonicum* neque actiones tam exacte distinguit, c. 6. X. d. Judic. (2:1.) neque Furtum tam stricte accipit ut d. P.

Mores.

8. *Moribus* quia actio illa Furti non amplius intentatur, sed furtum illud plerumque, ut Judicium publicum, coërcetur, non opus erit; ut magnopere de illa differentiâ laboremus, aut ut actionem injuriarum contra eum, qui furandi animo domum ingressus est, instituamus, sed poterit secundum *Jus Canonicum*, ut fur accusari, & minus pro re natâ puniri, quam si furatus esset.

Jus Civile.

9. *Jure Civil* furti poena ordinaria est dupli vel quadrupli §. 23. & 25. Inst. d. Act. §. 5. J. d. Obl. ex del.

Jus Canonicum.

10. *JURE Canonico* non ita videtur attendi ad illam poenam, sed sufficere, si reum poeniteat, & ablata restituat *c. sicut 6. vers. eos insuper X. d. homicid. (5:12)*

Mores.

11. *Moribus* receditur ab antiquâ illâ Romanorum poenâ dupli vel quadrupli, & in Imperio Romano-Germanico Carolus V. tertium furtum aliis circumstantiis aggravatum ultimo supplicio coëreet *Const. art. 157. & seq.* In primo autem furto simplici retinet distinctionem Juris Civilis inter furtum Manifestum, & nec Manifestum, & poenam dupli ac quadrupli *d. Const. art. 157. &c.* Belgarum autem & vicinorum *Moribus*, teste *Groenerwegio ad §. 5. J. d. Obl. q. ex del.* Fures virgis cæsi in exilium mittuntur, inusto eorum tergis stigmate, præsertim iterato facinore, de tertio autem convicti in patibulum attolluntur.

Jus Civile.

12. *JURE Civili* Furtum non videtur excusari ob necessitatem, per *l. 43. §. 5. ff. d. R. N.*

Jus Canonicum.

13. *JURE Canonico* contrarium obtinet *c. si quis 3. X. d. Furt. (5:18.) c. sicuti 8. in f. dist. 47. c. 26. discipulos d. consecrat. dist. 5.*

Mores.

14. *Moribus* DD ferè eo inclinant, non tam grave esse Furtum ex necessitate commissum, adeoque mitius puniendum quod; nec à ratione Juris Civilis videtur alienum, cum in eo non sit tan-

tantus dolus, & tantus delinquendi animus, lucrique faciendi.

CAPUT XLIII.

De Rapina & Damno Injuria dato.

DE his delictis nulla est differentia alicujus momenti. De Rapina autem inter publica judicia agetur.

CAPUT XLIV.

De Injuriis.

Jus Civile.

1. **I**URE Civili actio injuriarum neque heredi neque in heredem datur. *l. 1. §. 2. ff. si quis caus. in jud. l. 1. d. Injur.*

Jus Canonicum.

2. **I**URE Canonico hæc actio datur heredi & in heredem *c. in Literis §. X. d. rapt. (5. 17.)* Ratio: quia Jus Canonicum credit animas defunctorum puniri in Purgatorio, donec pro peccato satisfiat.

Mores.

Moribus hoc non convenit.

Jus Civile.

3. **I**ure Civili incognita est actio ad Palinodiam, seu ad recantationem verborum contumeliosorum; sine dubio ex illâ ratione, quod Ju-

ris Civilis conditores crediderunt, honorem per privatum nec dari nec adimi posse, adeoque superfluum esse illam actionem.

Jus Canonicum.

4. JURE Can. expresso textu actio ad Palinodiam non est introducta, sed tamen Interpretes eam ex Jure Canonico petunt.

Mores.

5. Moribus, plerisque in locis, recepta est illa actio ad Palinodiam, ut docet Gail. 1. Obs. 65.

Jus Civile.

6. JURE Civ. qui vel injuriæ, vel furti condemnatus est, fit infamis l. ult. C. d. Injur. l. 1. l. 4. §. ul. d. his q. not. inf.

Jus Canonicum.

7. JURE Can. de injuriâ modicâ condemnatus infamis non fit c. cum. 1a. 23. X. d. sent. & re jud. (2:27.)

Mores.

8. Moribus receptum videtur, etiam modicam injuriam infamare quidem, sed tamen facilem esse restitutionem istius famæ, per ea quæ tradit Gail. 2. Obs. 102. n. 2. 6.

Jus Civile.

9. JURE Civ. poena auctoris famosi libelli est capitalis l. un. C. d. fam. lib. (9:36.) Quod etiam ad eum extenditur, qui ab alio confectum carmen malum divulgavit, & in vulgus sparsit. d. l. un.

Jus Canonicum.

10. *JURE Can.* mitior est poena: aliquando enim auctor verberibus subicitur; nonnunquam excommunicatur. c. 1. c. *si qui.* 3. & c. *quidam* 2. *caus.* 5. q. 1.

Mores.

11. *Moribus*, & quidem Belgii, magis convenit Jus Canonicum, & post varias alias Constitutiones, cautum est, ut prima vice 100 Carolinorum multa, deinde duplum, tum arbitraria alia poena in locum capitalis succedat, teste *Groen. ad d. t. un. C. d. fam. lib.* In Imperio Romano-Germanico non quidem à Jure Civili receditur, sed tamen id multis distinctionibus & limitationibus temperant quodammodo Juri Canonico, & poenam capitale tunc locum habere dicunt, quando crimen capitale obiectum est, quod videtur convenire *Constitutioni Crim. Caroli V. art. 11.* Divulgatores autem à capitali poena prorsus excipiuntur, quâ de re plenius *Schultz. in Synops. ad t. d. Injur.*

CAPUT XLV.

De Publicis Judiciis in genere.

Jus Civile.

1. *IURE Civili* Judicia criminalia sunt vel Publica vel Privata. *pr. J. d. Publ. Jud. pr. J. d. Obl. ex del. l. 1. D. d. Publ. Jud.*

Jus Canonicum.

2. *JURE Can.* de omnibus criminibus publica tantum dantur Judicia, non privata *c. infames c. scripta Fraternitatis. 1. c. in tantum ul. X. d. collus. deteg. (5:21.) c. novit. 13. X. d. Judic. (2:1.)*

Mores.

3. *Moribus* Belgii vicinarumque regionum Jus Canonicum probatur, si quidem Fiscus ejusque Procurator poenam cujuscunque criminis, Privatus verò damnum tantum persequitur. Inde differentiam inter publica & privata delicta sublatam esse, post alios, testis est *Groen. ad t. ff. d. Privat. delict.*

4. Idem tamen de Imperio Romano - Germanico & quibusdam aliis locis affirmare non possumus, quamvis ut plurimum ibi etiam crimina persequantur Procuratores Fisci.

Jus Civile.

5. *JURE Civili* nemo sine accusatore Judicio criminali damnari debet, exceptis paucis certisque casibus, quibus etiam per Inquisitionem proceditur *t. t. ff. d. accus. § 1. C. Qui acc. poss.*

Jus Canonicum.

6. *JURE Can.* aliud est rescriptum *c. 9. X. d. Judic. c. si peccaverit. 19. c. q. 1.*

Mores.

7. *Moribus* magis sequimur Jus Canonicum; ita ut ferè tripliciter hodie exerceatur Judicium Publicum (1) vel per Accusationem (2) vel per Inquisi-

Inquisitionem, cum Judex ex officio inquit in quodlibet crimen, (3) vel per Denuntiationem, cum privatus primum denuntiat, & postea Judex ex officio inquit.

Jus Civile.

8. JURE Civ. nemo cogitur denunciare furem, vel alium delinquentem, quamvis cum sciatur. 48. §. 1. ff. §. 1. §. C. d. Furt.

Jus Canonicum.

9. JURE Canonico potest aliquis cogi ut furem indicet. c. qui cum fure 4. & ibi Glos. X. d. Furt. (5. 18.)

Mores.

10. Moribus Ius Canonicum convenientius est, adeo quidem, ut sæpe videamus puniri eos, qui delictum commissum sciunt, nec tamen indicant.

Jus Civile.

11. JURE Civ. regulariter non proceditur per Inquisitionem l. 2. §. 6. si publ. ff. ad l. Jul. d. adult. nisi in crimine Majestatis, l. 2. §. 3. D. ad L. Jul. maj. Peculatus, l. 4. §. 2. ad L. Jul. pec. Domini & familiæ occisi l. 1. §. 1. D. ad se. Sylm. & aliis casibus nominatim exceptis.

Jus Canonicum.

12. JURE Can. in quolibet crimine potest procedi per Inquisitionem, ut volunt Glos. & Canonista in c. infames, caus. 6. q. 1. c. unic. X. in Eccles. benef. sine univ. cons. (3. 12.) c. qualiter, & quando 17. X. d. accusat. (5. 1.)

Mores.

13. *Moribus* id quoque convenire, dictum supra, & probat Rittersh. l. 6. c. 3.

Ius Civile.

14. *IURE CIVILI* Accusationi & Inquisitioni præscribitur 20 annis, quibus elapsis de crimine non amplius quæritur l. 12. C. ad l. Corn. d. *ficars*, l. 2. 3. C. d. *Reg. & Obl. d.*

Ius Canonicum.

15. *IURE Canonico* etiam ultra id tempus potest institui Inquisitio c. cum tanto 11. X. d. *Consubt.* (1: 4.) c. 8. C. 33. q. 2.

Mores.

16. *Moribus* plerisque in locis *Ius Civile* observatur, ut docet Carpz. in *Prax-crim.* p. 3. c. 41, n. 6. Boërius *decis.* 26. Imo in nonnullis breviori tempore præscribitur accusationibus, & in Hollandiâ quidem Margareta Imperatrix & Camera Hollandiæ Noorthollandis privilegium concessit, ut præter homicidium, incendium, & furtum, omnia crimina anno & die præscribantur, de quo plenius Groen. ad l. 12. C. ad l. Corn. d. *Fals.*

Ius Civile.

17. *IURE CIVILI* potest quis recipere præmium pro indicatione furis vel rei furtivæ l. solent. 15. ff. d. *præscrip.* verb. l. 4. §. ult. ff. d. *Cond. ab turp. caus.*

Ius Canonicum.

18. *IURE Can.* nil hoc nomine accipere licet c. qui cum X. d. *Furt.*

Mores.

Mores.

19. *Moribus*, saltem nostris, qui Pontificiis sacris non sumus addicti, Jus Civile servatur.

Jus Civile.

20. *JURE Civ.* reus accusatus absolvitur, si accusator non probet crimen, nec reus se exonerare aut purgare cogitur. *l. 4. C. d. Ed. l. ul. C. d. Probat.*

Jus Canonicum.

21. *IURE Can.* qui infamatus est aliquo crimine, etsi id probari nequeat, tamen indicitur Purgatio, in quâ si defecerit reus, punitur, tanquam convictus. *c. cum dilectis 15. X. d. purg. canon. (5: 34.) c. insinuatum. 13. X. d. Simon. (5: 3.) c. Presbyter si a plebe 13. caus. 2. q. 5.*

Mores.

22. *Moribus Canonica* purgatio non adeo frequenter adhibetur, propter periculum perjurii, teste Groen. in lib. 2. *Feud. tit. 27. §. 3.*

CAPUT XLVI.

De Questionibus & forturâ.

Jus Civile.

1. *IURE Civili* Tortura est legitimum remedium investigandæ veritatis *l. 1. ff. & C. d. quest.* Adeo ut etiam in causis civilibus servi torqueantur *l. 9. pr. ff. eod. & non tantum rei, sed & testes nonnunquam l. 15. l. 18. §. 3. ff. eod.*

Jus Canonicum.

2. *Jus Can.* videtur contrarium statuere, & non agnoscere hoc legitimum remedium, in *c. his* 2. quib. 30. *caus.* 23. q. 8.)

Mores.

3. *Moribus* recepta est tortura, ita tamen ut neque in pecuniaria causa, neque in criminalibus testes quaestioni subjiciantur, nisi forte gravissimâ de causâ, ut pluribus docet Groen. ad l. 9. & seq. d. *quaest.*

4. An autem tortura Juri Divino & Naturali conveniens sit, multi dubitant, de quo *Wissebach* t. ff. d. *quaest.*

Jus Civile.

5. *Jure Civili* ad condemnationem sufficit aliquem confessum esse vel convictum l. 16. C. d. *pen.*

Jus Canonicum.

6. *Jure Canonico* videtur etiam invito extorquenda esse confessio c. 1. X. d. *confess.* (2: 18.) Quod licet textus ipse non satis manifestè exigat, tamen ex sententiâ Canonistarum receptum est.

Mores.

7. *Moribus* fere ubique receptum est, ut convictus, si crimen neget, quaestioni subjiciatur, ad plenissimam probationem, teste *Carpz. Pr. crim.* p. 3. q. 12. 11. 17. & Groen. ad l. 16. C. d. *præmis.*

Jus Civile.

8. *JURE Civ.* Confessio, illegitimâ quæstione & non justis indicijis extorta, non sufficit ad condemnationem *l. i. l. 17. & Gloss. in l. pen. ff. d. quæst.*

Jus Canonicum.

9. *JURE Can.* contrarium obtinere volunt per *c. i. d. Accusat. & inquis. in 6. (5: 1.)*

Mores.

10. *Moribus* & rationi convenientius est *Jus Civile*, cum in omni quæstione certa indicia, certus procedendi modus requiratur, quibus neglectis absurdum foret; si tamen idem præstaret; atque si observata essent. *Carpz. d. P. 3. q. 12.*

Jus Civile.

11. *JURE Civ.* dignitas non videtur aliquem excusare à quæstione, cum reatus omnem honorem excludat. *l. i. C. ubi Senat. vel Clar. (3: 24.)* Quamvis Eminentissimi, Perfectissimi, Decuriones & Milites excipiantur nominatim *l. i. l. 16. 17, C. d. quæst.* Unde sequitur, Doctores non excusari.

Jus Canonicum.

12. *JURE Can.* tamen videntur excusari omnes, qui dignitate sunt conspicui *c. quanta. 3. X. d. magistris, (5: 5.)* *Carpz. pr. crim. p. 3. q. 118. n. 80.*

Mores.

13. *Moribus* omnes torquentur, teste Claro *l. 5. sent. §. f. q. 64.* & Doctorum Privilegium
in

in multis regionibus abolitum esse, ait *Trauell.*
in Tr. d. pæn. temper. c. 34. n. 16.

CAPUT XLVII.

*De Pænis.**Jus Civile.*

1. **JURE CIV.** carcer custodiæ locus est, non pænæ
l. 8. §. 9. 35. ff. d. Pæn. l. 6. l. 23. C. eod. l. 2.
C. d. exact. trib. (10: 19.) quod etiam confirmat
Const. Car. V, art. 218. quod tamen nonnunquam
fallit. l. 3. ff. d. cust. reor. l. 1. §. ult. ff. d. aleator.

Jus Canonicum.

2. **IURE CANONICO** autem carcer etiam pro pænâ est. *c. quamvis 3. d. Pæn. in 6. (5: 8.) c. nequissimus. §. fin. X. d. V. S. (5: 40.)*

Mores.

3. *Moribus* Jus Can. convenientius est.

Jus Civile.

4. **JURE CIV.** reus alio loco captus, quam in quo deliquit, necessariò remittendus est ad judicem ejus loci, in quo deliquit. *l. 7. §. ult. ff. d. accus. Auth. l. 7. l. 11. d. Cust. quâ in Provincia. C. ubi d. crim.*

Jus Canonicum.

5. **IURE CAN.** illa remissio Urbanitatis, non Necessitatis est, & plerumque fit datò antigrapho, sive litteris reversalibus, quibus magistratus remittit-

missionem rogans, profitetur se quandoque paria facturum *c. Pastoralis d. sent. & re jud. in Clem. (2:11.)*

Mores.

6. *Moribus* Jus Canonicum probatur, teste *Groen. ad d. Auth.*

Jus Civile.

7. *IURE Civili* veteri bona damnatorum publicabantur ob duas causas. (1) generaliter & per consequentiam poenae mortis, naturalis & civilis (2) propter specialem sententiam, quā aliis casibus etiam hæc poena irrogatur. Priori casu generaliter & tacite hæc poena irrogabatur; Posteriori specialiter & expresse. Priorem istam confiscationem sustulit Justinianus per *Auth. bona damnator. C. d. Bon. proscr. Nov. 134. inf.*

Jus Canonicum.

8. *IURE Can.* tamen prior illa confiscatio non prorsus est sublata, sed bona graviter delinquentium ad Fiscum Ecclesiae deferuntur *c. vergentis 10. X. d. heret. (5:7.) c. 21. quisquis l. 7. q. 3.*

Jus Civile.

9. *IURE Civili* bona hæreticorum non publicantur, sed liberis orthodoxis relinquuntur *l. 15. & 19. C. d. Hæret. & Man.*

Jus Canonicum.

10. *IURE Can.* contra publicantur, adeo ut nec filiis inde aliquid sit relinquendum *d. c. vergentis. c. ad abolendam. 9. c. excommunicamus 13. X. d. heret. (5:7.)*

Mores.

11. *Moribus Belgii confiscatio bonorum est arbitraria. Aliorum autem locorum mores variant, teste Groen. ad Auth. bona damnat. C. d. bon. proscript.*

Jus Civile.

12. *Jure Civili in majoribus criminibus. Homicidii, Adulterii, Raptus & similibus poena mortis locum habet l. 1. Inst. d. publ. jud.*

Jus Canonicum.

13. *Jure Can. poenitentia 7 annorum c. hoc ipsum c. 33. q. 2. dist. 1.*

CAPUT XLVIII.

*De Criminibus in Specie, ut de Adulterio.**Jus Civile.*

1. *Jure Civili Adulterium refertur inter crimina atrocissima, quod ex Constitutione Constantini etiam gladio punitur. l. 30. C. ad L. Jul. d. adult. quamvis Justinianus distinguat inter adulterum & adulteram, & hanc tantum vel in Monasterium detrudi. Nov. 134. c. 1.*

Jus Canonicum.

2. *Jure Canonico adulterium refertur inter crimina minora, & mitius punitur c. 4. X. d. Judic. (§ 1.) E. d. c. hoc. c. 33. q. 2.*

Mores.

3. *Moribus nonnullorum locorum adhuc servatur*

vatur poena Juris Civilis; plerisque tamen in locis poena adulterii non capitalis facta est. In Belgio adulteria perpetuâ infamiâ, multâ pecuniariâ, & exilio solent puniri, præsertim si iteratum sit scelus, qua de re plenius *Groen. ad. §. 4. J. d. publ. Ind. t. c. hoc ipsum, Schultz, in Synops. ad. §. 4.*

Jus Civile.

4. *JURE CIV.* in viduam & virginem, etiam cum alterius marito congregientem, proprie non cadit adulterium *l. 6. §. 1. ff. ad L. Jul. d. adult.*

Jus Canonicum.

4. *JURE Can.* autem hoc casu adulterium committitur *c. nemo tibi blandiatur 4. c. meretrices. 11. caus. 32. q. 4.* Ex quo constat *J. Canon.* triplex esse adulterium (1) Uxorati cum solutâ (2) Soluti cum alterius uxore (3) Mariti cum alterius uxore, quod hodie vocant duplex adulterium. *Jus Civile* duas posteriores tantum agnoscit.

Mores.

6. *Moribus* quoque ex *Jure Can.* sunt tres species Adulterii, sed non eadem poenâ plectuntur; Sed duplex adulterium gravius plerumque puniatur, quam simplex, & simplex gravius quam illa species, quæ *Jure Civili* pro adulterio non habetur, teste *Carpz. pract. crim. part. 2. q. 26.*

Jus Civile.

7. *JURE CIVILI* mulier maritum adulterii accusare non potest, si rem cum aliâ habuerit *l. 1. & 18. C. ad L. Jul. d. adult.*

Jus Canonicum.

8. IURE Can. uxor potest agere ad separationem thoric. maritus. 4. c. intelleximus. 6. X. d. adult. (5:16.)

Mores.

9. Moribus nostris hæc thori separatio etiam recepta est, ut dictum suprâ ad 1. d. Divort. Wurmser. Obs. pract. d. matrim. c. 6.

Jus Civile.

10. JURE Civili accusationi adulterii ad summum præscribitur quinquennio l. 11. §. 4. ff. ad L. Jul. d. adult.

Jus Canonicum.

11. IURE Can. secus est. c. admonere. 8. caus. 33. q. 2.

Mores.

12. Moribus verò modum accusationis & præscriptionis videre est in Tract. gen. de publ. Judic. diff. 5.

CAPUT XLIX.

*De Fornicatione.**Jus Civile.*

1. IURE Civ. Fornicatio erat licita, adeo ut etiam lenones pro lenocinio certum vectigal publicè solverent, & meretrices nomen suum apud Ædiles professæ fuerint, donec id prohibuit l. ult.

ult. C. d. Spectac. & scen. Unde etiam tempore Ulpiani in multorum honestorum virorum prædiis lupanaria fuere. *l. 27. §. 1. ff. d. petit. her.*

Ius Canonicum.

2. **JURE Can.** Fornicatio est crimen *c. nemo 4. c. 32. q. 4.*

Mores.

3. *Moribus* nec meretricii congressus, nec lenocinia impunè committuntur *Groen. ad §. 4. Inst. d. Publ. Jud. & l. ult. C. d. Spectac. (11:40.)* quod & Juri Divino convenit.

CAPUT L.

De Stupro.

Ius Civile.

1. **JURE Civili** Stuprum honestæ viduæ, vel virgini illatum punitur publicatione dimidiæ partis bonorum, si stuprator honestus sit, aut coërcitione corporis cum relegatione, si sit humilis. *d. §. 4.*

Ius Divinum.

3. **JURE Divino** stuprator cogitur ducere & dotare *Exod. 22:16. Deut. 22:28.*

Ius Canonicum.

3. **JURE Canonico** tenetur vel uxorem ducere vel dotare, & si renuit stuprator defloratam ducere, castigatus excommunicatusque in monaste-

rium, ad agendam perpetuam poenitentiam, deducitur, c. 1. & 2. X. d. adult. (5:18.)

Mores.

4. *Moribus nostris* propius est Jus Canonicum: Est enim in arbitrio stupratoris, utrum velit ducere an dotare stupratam; Scilicet virginem; secus est in viduâ, quam ducere non tenetur *Groen.* §. 4. *Inst. d. Publ. Jud.*

CAPUT LI.

De Raptu.

Ius Civile.

1. **I**ure Civili qui volentem & desponsatam vi rapit, raptor est, & poenâ capitali tenetur *l. un. C. d. Rap. virg.*

Ius Canonicum.

2. **J**ure Canonico Raptus cum desponsatâ non committitur. DD. ad c. ult. X. d. Adult. (5:18.) c. cum causam. X. d. Rapt. (5:17.) & raptor capite non punitur, sed virginem cogitur dotare, & uxorem ducere, & si Pater consentire nolit, raptor filiam cogitur reddere, & dotare c. 1. X. d. Adult. & Stup. (5:18.)

Mores.

3. *Moribus quoque* Raptus cum desponsatâ non committitur, licet receptior sit poena Juris Civilis, mitigata tamen in iis, qui Raptoribus ministerium præbuere *Groen. ad l. un. C. d. rap. virg.*

CAPUT LII.

De Incestu, & Stupro Virginis Deo dicata.

Jus Civile.

1. **I**ure Civili hujus criminis poena est capitalis.
1. si quis §. C. d. Episc. & Cler. quam legem
Gratianus retulit in Decretum c. si quis 3. caus.
36. q. 2.

Jus Canonicum.

2. **JURE Canonico** tamen alio loco Clericus
tantum deponitur, Laicus excommunicatur c. si
quis. 6. caus. 27. q. 1.

Mores.

3. **Moribus** apud Protestantes utrumque Jus
exiguum habet usum. Inter Pontificios tamen
poena Juris Civilis suis locis servatur.

CAPUT LIII.

De Sodomia.

Jus Civile.

1. **I**ure Civ. poena Sodomiae est capitalis l. 31.
C. ad L. Jul. d. adul. §. 4. J. d. Publ. Jud.
Nov. 77. & 141.

Jus Canonicum.

2. **JURE Can.** Laici excommunicantur, Cle-
rici depositi in monasterium detruduntur c. Fla-

gitia. caus. 32. q. 7. c. 4. X. d. Excess. pralator.
(5:31.)

Mores.

3. *Moribus* juxta *Const. Caroli V.* Sodomitæ
vivi exuruntur *Groen. ad §. 4. Inst. d. Publ. Ind.*

CAPUT LIV.

De Homicidio.

Jus Civile.

1. **I**ure Civili homicidii pœna est gladius §. 5.
J. d. Publ. Ind.

Jus Canonicum.

2. **JURE Canonico** pœna est mitior: Clerici enim
deponuntur, Laici excommunicantur *c. sicut dign.*
6. X. d. homic. (5: 12.) Alia specialis pœna, sed
tamen non capitalis, est populi occidentis pro-
prium Episcopum in *c. ult. caus. 25. q. 2.*

Mores.

3. *Moribus* Jus Civile receptum est, ut notum.

CAPUT LV.

De Parricidio.

Jus Civile.

1. **I**ure Civili pœna parricidii est atrocissima §.
6. J. d. Publ. Ind. l. 9. ad L. Pompe d. Parric.
l. un. C. d. His qui liber. occid.

Ius Canonicum.

2. **IURE Can.** mitior est poena. c. 1. 2. 3. X. d. *his q. Fil.* (5: 10.) c. 7. X. d. *Penitent.* (5: 38.)

Mores.

3. *Moribus* neque Jus Civile, neque Jus Canonicum præcise servatur, sed parricidæ, pro re natâ, vel confractis prius ossibus, necantur, vel in aquam projecti suffocantur, vel vivi defodiuntur, vel cujusque loci consuetudine aliter puniuntur; semper tamen gravius, quam illi, qui homicidium simplex fecere, ut videre est in *Synops. Schultz. ad d. §. 6. §. d. Publ. Jud. & Groen. ad eundem.*

Ius Civile.

4. **JURE Civili** licitum est pro defensione rerum alterum occidere, si quis aliter se defendere non possit l. 4. ff. ad L. Aquil. l. 52. cod. l. 1. C. unde vi. l. 1. C. quando unic. sui & c. (13: 27.)

Ius Canonicum.

5. **JURE Can.** non licet, saltem Clerico c. suscepimus. 10. X. d. *homic.* (5: 12.) c. si quis vult. dist. 36.

Mores.

6. *Moribus* magis placet Jus Civile, de quo Groen. ad l. 4. ff. ad L. Aquil.

CAPUT LVI.

De Incendiariis.

1. **S**ub lege Cornelia de Sicariis continetur poena Incendiariorum.

Ius Civile.

2. **JURE CIV.** Incendiarii verberati igne necantur l. 9. ff. d. incend. ruin. nauf. l. 10. ff. ad l. Corn. d. Sicar. l. 28. §. 12. D. d. Pæn. id quod etiam confirmat Const. Caroli V. art. 123.

Ius Canonicum.

3. **JURE Can.** mitius puniuntur c. si quis domum 6. X. d. Injur. (5: 26.) c. cum devotissimam. 8. c. 12. q. 2. c. 1. X. d. rapt. incend. (5: 17.)

Mores.

4. **Moribus** poena Juris Civilis servatur Carpz. p. 1: q. 38. n. 38. In Belgio tamen nonnihil mitigatur. Strangulantur enim Incendiarii, & facies illorum tantum ustulatur, deinde publico spectaculo exponuntur; teste Groen. ad l. 28. §. 12. ff. d. Pæn

CAPUT LVII.

De Crimine Falsi.

Ius Civile.

1. **I**ure Civili novissimo poena hujus est deportatio, aut, si magnitudo commissi id exigat, capitale

pitale supplicium, l. 1. §. ul. D. l. 22. C. ad l. Corn.
d. Fals.

Ius Canonicum.

2. JURE Canonico poena est multiplex ac diversa, pro diversis Falsi speciebus. c. 7. X. d. Crim. fals. (5:20.)

Mores.

3. Moribus non una est in omni Falso poena, sed pro diversitate commissorum, diversa poena, ut videre est apud Carpe. p. 1. q. 39. & Syn. Schultz. ac Groen. ad §. 7. J. d. Publ. Jud.

CAPUT LVIII.

De Sortilegio.

Ius Civile.

1. IURE Civili Sortilegus morte punitur l. 3. §. 7. 9. C. d. mal. & Math.

Ius Canonicum.

2. JURE Canonico tantum quinquennii poenitentia c. qui divinationis. 2. caus. 26. q. 5. adde c. 2. & ult. X. d. Sortileg. (5:21.)

Mores.

3. Moribus Sortilegi in Imperio Romano-Germanico, & alibi arbitrariè puniuntur, uti pluribus videre est ex Sirnvio ad l. ff. ad L. Corn. Sicar. In Belgio sortilegi videntur, potius, quam puniuntur, sed tamen qui tales impostores confutunt, mulctantur poenâ viginti aureorum.

CAPUT LIX.

*De Blasphemiâ.**Ius Civile.*

1. **I**ure Civ. hujus criminis pœna capitalis est N. 77.

Ius Divinum.

2. **JURE** Divino idem obtinet. *Levit. 24. v. 6.*

Ius Canonicum.

3. **JURE** Canonico mitius puniuntur c. ult. X,
3. maled. (5:26.)

Mores.

4. *Moribus* Blasphemi non ita capitali pœna puniuntur, sed carcere aliâve pœnâ arbitrariâ
Green. ad d. Nov. 77. ff. Trutl. 3. loc.

CAPUT LX.

*De Impositione Vestigalium, sine permissu Principis.**Ius Civile.*

1. **I**ure Civili pœna est perpetuum exilium l.
penult. C. Vestig. nov. inst. non poss.

Ius Canonicum.

2. **JURE** Can. mitior c. innovamus. 10. X. de
Generib. (3:39.) Scilicet ut restituat ablata, &
exacta, ut desistat, &, si nolit, communione Ec-
clesiasticâ privetur.

Mores.

Mores.

3. *Moribus* hujus pœnæ non magnus est usus, quia non a quolibet delictum hoc committi potest. In Belgio enim non instituuntur vectigalla, nisi unanimi consensu Dominorum Ordinum in Imperio Romano - Germanico ab Imperatore, consentientibus Electoribus.

CAPUT LXI.

De Desertione militiae.

Jus Civile.

1. **I**ure Civili pœna hujus delicti est capitalis l. 6. §. 3. ff. d. re mil.

Jus Canonicum.

2. **JURE** Can. infamia c. infames. 17. caus. 6. q. 1.

Mores.

3. *Moribus*, & disciplinæ militari convenientius est Jus Civile, ut patet ex legibus militaribus. vide Pappum in Art. Milit. vulgo Articulis.

CAPUT LXII.

De Prohibitione Legatorum.

Jus Civile.

1. **I**ure Civili, qui impedit Legatum amicorum vel hostium, gravissime punitur: hostibus enim

enim traditur, ut fiat eorum servus. l. ult. ff. d. legat.

Jus Canonicum.

2. JURE Canonico excommunicatur. c. si quis. 2. dist. 94.

Mores.

3. Moribus neque Jus Civile neque Canonicum exactè servatur, sed is, qui Jurisdictionem habet, pro re natâ, in delinquentem animadver- tit.

DIFFERENTIÆ IURIS CIVILIS,

Canonici, & Hodierni, quoad
Judicia, & Jurisdictionem.

CAPUT LXIII.

De Indiciis.



Generalia quædam primò præmittenda.

Jus Canonicum.

1. JURE Canonico Judicium dividi-
tur in Summarium & Ordinarium;
Hud dicitur in quo Summarie, i.e. sine ordi-
ne, formæque solenni proceditur. *Clam. sepe 2.*
d. V. S.

d. V. S. (5:11.) & hoc Judicium summarium Jure Canonico habet locum pluribus in casibus; ut in causis Clericorum, & Spiritualibus *d. Clem. sape c. tua nos. 8. c. vestra. 7. d. cohabit. Cleric. (3:2.)*

Jus Civile.

2. JURE *Civili* habemus quidem cognitiones extraordinarias, *t. t. ff. d. extraor. c. gn. & causas celeriter terminandas, l. 14. C. d. Agric. & Cens. (11:47.)* sed tamen nomen, forma, & frequentia summariorum Judiciorum non est eadem.

Mores.

3. *Moribus* Jus Canonikum convenientius est, ut patet ex omnibus illis, quæ de ordinario Judicio scripsere *Gail. Rosbach*, aliique.

Jus Civile.

4. JURE *Civili* Judiciorum instantia in causâ civili triennio, in causâ criminali biennio finitur. *l. 13. C. d. Judic. l. 3. Ul. int. cer.*

Jus Canonikum.

5. JURE *Canonico* instantia nunquam perit *c. venerabilis. 20. X. d. Jud. (3:2.)*

Mores.

6. *Moribus* Jus Canonikum receptum est, quamvis in Belgio unius anni lapsu Instantia per sententiam etiam interrumpatur, qua de re plenius *Rosbach. in Diff. Jur. Civ. & Can. Groen. ad d. l. 13. C. d. Judic.* Hactenus de generalibus: sequuntur specialia Judiciorum.

CAPUT LXIV.

De Foro Competenti.

Jus Civile.

1. **I**URE CIVILI aliquis ratione contractus Forum sortitur in loco contractus. l. 19. §. 1. & seq. de Iudic. l. 45. eod. t. 2. C. d. Jurisd. l. cod. ubi de Ratiocin. (3:21.) licet ibi non inveniatur.

Ius Canonicum.

2. **J**URE Canonico Iudex loci contractus non habet eam potestatem, nisi contrahens inveniatur ibidem. c. 1. §. contra d. for. competit, in 6. (2:2.)

Mores.

3. **M**oribus Jus Canonicum convenientius est Gail. 2. Obs. 36. Groen. ad l. un. C. ubi conv. q. cert, loc. &c. (3:18.) & ad t. C. d. Jurisd.

Ius Civile.

4. **J**URE CIVILI forum competens fit ex voluntate litigantium, factâ prorogatione. l. 1. l. 2. pr. ff. d. Iudic. l. 15. ff. l. 3. C. d. Jurisd. l. pen. C. d. Pact. l. 51. C. d. Episc. & Cler. l. 8. C. d. Ep. aud.

Ius Canonicum.

5. **I**URE Canonico potestas illa prorogandi restricta est per c. si quis Clericus X, d. for. comp. (2:2.) c. 18. significanti. eod. c. non liceat. 4. c. 3. q. 6. c. 1. nullus. 9. q. 2. c. 5. X. d. arbitr. (1:43.)

Mores.

6. **M**oribus potestas illa prorogandi non ita est recepta,

recepta, sed restricta: neque enim qui Jurisdictionem prorogavit invito eo, cujus Jurisdictioni subest, alterius se potest subicere Jurisdictioni, neque etiam quibuslibet verbis Jurisdictionis hodie fit prorogatio *Groen. ad l. 1. ff. d. Ind. & l. 15. d. Jurisd.* Moribus Belgii speciale Jus est, quod vide in *Isag. Hogerbecii. t. 1.*

CAPUT LXV.

De Jurisdictione & Imperio.

Jus Civile.

1. **J**URE *Civili* merum Imperium & alia, quæ lege aut constitutione specialiter conceduntur, mandari non possunt *l. 1. §. pen. ff. d. off. ej. cui mand. est Jurisd. l. 8. d. Fut. & Cur. dat. junct. l. 6. d. Tut.*

Jus Canonicum.

2. **I**URE *Canonico* omnes causæ, seu Imperium seu Jurisdictionis, indistinctè delegantur *c. quod secundum Apost. 10. X. d. off. Ind. Ordin. (1:31.) c. in Archiepiscopatu 4. X. d. rapt. (5:17.) c. licet. 2. d. off. Vicar. in 6. (1:13.)*

Mores.

3. *Moribus* Jus Canonicum receptum est.

Jus Civile.

4. **J**URE *Civili* Jurisdictio mandata morte mandantis & mandatarii finitur, nisi lis sit contestata *l. 6. ff. d. Jurisd. Nov. 112. l. 1. C. d. lit. contest.*

Jus Canonicum.

4. *JURE Canonico* solâ citatione perpetuatur mandata Jurisdictio *c. gratum. 20. & c. relatum. 19. X. d. off. & pet. lud. deleg. (1:29.)*

Mores.

5. *Moribus* multorum locorum *Jus Canonicum* servatur, quorundam non. Groen. *ad l. 1. C. d. lit. contest.*

Jus Civile.

6. *JURE Civili* Inferiores judices non possunt totam causam alteri mandare *N. 53. N. 60. c. 2. & Auth. adhac C. d. Iudic.*

Jus Canonicum.

JURE Canonico tota cognitio potest alteri mandari, licet mandans eam ipse non audiverit, nec in principio, nec in medio, nec in fine *c. super questionum 27. X. d. off. & pot. lud. deleg. (1:29.)*

Mores.

7. *Moribus* *Jus Canonicum* observatur, teste Groen. *ad d. Auth.*

Jus Civile.

8. *JURE Civili* ab eo, cui mandata est Jurisdictio, appellatur non ad mandantem, sed ad Judicem proximè superiorem: *l. 1. §. 1. quis a quo appell. l. un. C. Qui pro sua Jurisd. lud. dare darive poss.*

Jus Canonicum.

9. *IURE Canonico* ad mandantis Superiorem appellatur, si totius causæ cognitio mandata sit *d. c. super questione c. Romana. 3. d. appellat. in 6. (2:15.)*

Mores.

10. *Moribus* Jus Civile observatur *Green. ad d. 1: ad d. l. un. C. q. pro. Sc.*

Jus Civile.

11. *JURE Civili* magistratus majores, causas minores, id est, quæ non excedunt summam 300 aureorum, aliis committere possunt, sive occupati sint, sive non *l. 2. § l. quædam sunt. ult. C. d. pedan. lūd.*

Jus Canonicum.

12. *JURE Canonico* indistinctè committuntur causæ tam majores, quam minores. *c. pastoralis 28. pr. X. d. off. § pot. lūd. del. (1:29.)*

Mores.

13. *Moribus* illud observatur *Rosbach. l. 3. d. differ. J. Civ. & Can. 1. 2.*

CAPUT LXVII.

De Indicibus.

Jus Civile.

1. *IURE Civili* Iudex ordinarius non potest recusari *l. 16. § auth. seq. C. d. lūd. l. 1. C. quando*

quando Imp. int. pup. & vid. Sc. l. fin. C. d. Iurisd.
enim Iud.

Ius Canonicum.

2. IURE Canonico ordinarius potest recusari ex
justâ causâ c. 4. X. d. for. comp. (2:2.)

Mores.

3. Moribus receptum est Ius Canonicum. In
eo conveniunt hæc jura, quod delegatus recusari
possit.

Ius Civile.

4. IURE Civili in causa suspecti Iudicis, ar-
bitri eliguntur per litigantes, apud quos & causa
suspicionis, & causa principalis peragitur d. 7.
& anth. seq. C. d. Iud.

Ius Canonicum.

5. IURE Canonico arbitri tantum eliguntur ad
causam suspicionis discutiendam, quæ si probe-
tur, alius Iudex causam principalem cognoscit,
si non probetur, causa ad priorem Iudicem re-
mittitur. c. cum spec. 61. X. d. appellat. (2:28.)
c. 39. X. d. off. deleg.

Ius Civile.

6. IURE Civili cum Iudex recusandus est, non
requiritur, ut specialis causa libello recusationis
allegetur, probeturque.

Ius Canonicum.

7. IURE Canonico contrarium observatur: d.
c. cum spec. 61. & c. secundo requiris 41. X. d. Appell.

Mores.

Mores.

8. *Moribus* Ius Canonicum in hac tertiâ differentiâ sequimur, teste; *Gail. 1. Obs. 33. Mynsing. cent. 2. Obs. 52.*

9. Quantum ad ceteras differentias, hodie quidem totum collegium Judicum non recusatur, sed tantum singuli ex collegio, qui si pauci sint, cæteri de causâ recusationis cognoscunt, si plures, Judex superior *Groen. ad d. t. 16.*

Ius Civile.

10. *JURE Civili* Judex appellationis alteri causam non potest committere, ut sibi reservet sententiam *Auth. ad hac. C. d. Jud.*

Ius Canonicum.

11. *JURE Canonico* secus est. *c. super quæst. 27. §. intentionis. X. d. off. del. (1:29.)*

Mores.

12. *Moribus* Jus Canonicum convenientius est. *Groen. ad d. auth.*

Ius Civile.

13. *JURE Civili* Judex ordinarius non potest eligi in ejus rei arbitrum, in quâ est Judex *l. 9. §. 2. ff. d. rec. arb.*

Ius Canonicum.

14. *JURE Canonico* secus est *c. 5. X. d. arbit. (1:43.)*

Mores.

15. *Moribus* Jus Canonicum magis convenit. *Groen. ad d. l. 9.*

Ius Civile.

16. *Iure Civili* Judex datus super causâ proprietatis non potest judicare super solâ causâ possessionis l. 1. 3. C. si a non conper. Jud. fuer. (7:48.) Ratio est ne continentia causæ dividatur l. 10. C. d. Jud.

Ius Canonicum.

17. *Iure Canonico* secus est c. 1. § 5. X. d. caus. pass. & propr. (2:12.) d. 1. de sequestr. pass. & fruct. (2:17.)

Mores.

18. *Moribus* Jus Canonicum convenientius est Hartman. Obs. pract. c. 4.

CAPUT LXVIII.

*De Arbitris.**Ius Civile.*

1. *Iure Civili* arbiter non potest fieri cum Jure jurando Auth. decernit. C. d. Arbit.

Ius Canonicum.

2. *Iure Canonico* secus est Gl. in c. 2. § c. 5. X. d. arbitr. (1:43.)

Mores.

3. *Moribus* Jus Canonicum admittitur, ita tamen, ut raro Jusjurandum ab arbitro exigatur. Groen. ad d. Auth.

Ius Civile.

4. *JURE Civili* in faminas regulariter compromittere non possumus. *J. ult. C. d. recept. arb.*

Ius Canonicum.

5. *JURE Canonico* possumus c. 4. *X. d. arbit.*
(1:43.)

Mores.

6. *Moribus* *Jus Canonicum* convenit. *Groenew. ad d. l. ult.*

Ius Civile.

7. *JURE Civ.* compromittere non possumus in duos, ita ut si dissentiant tertium assumant.
J. 17. §. 1. d. rec. arb.

Ius Canonicum.

8. *JURE Canonico* secus est c. 61. *X. d. Appell.*
(2:28.)

Mores.

9. *Moribus* illud receptum est. *Groenew. ad l. 18. ff. d. rec. arb.*

CAPUT LXIX.

De Actoribus & Reis.

Ius Civile.

1. *Iure Civili* filiusfamilias non potest stare in
Judicio contra Patrem, excepta causa pec-
culi castrensis, & quasi castrensis l. 4. *ff. d. Iudic.*
I 2 1.11.

l. 11. eod. l. 2. d. Se. Mac. l. 16. d. Furt. l. ul. in. f.
C. d. Impub. Subs.

Ius Canonicum.

2. JURE Canonico secus est c. quer. 36. caus.
2. q. 7. & c. 14. Prohibentur. 2. q. 1.

Mores.

3. Moribus hoc Jus sequimur. Groen. ad d. l. 4.

Ius Civile.

4. JURE Civili filiusfamilias sine consensu
patris contra alium stare in Judicio non potest.
l. fin. vers. propretate C. d. bon. q. lib.

Ius Canonicum.

5. JURE Canonico in causis Beneficialibus omni-
busque Spiritualibus; Filius pubes in Judicio stare
potest, etiam minor 25 annis. c. accedens. 10. X. d.
procur. (1:38.) c. si annum ult. d. Jud. in 6. (2:1.)

Mores.

6. Moribus Belgii videtur, quod filius possit
in Judicio versari sine Patre, si quidem Pater
nihil iuris habeat in bona filii, ut ait Groenew. ad
pr. t. C. d. bon. q. lib. & ad t. J. per quas pers. acq.
quod tamen non ita simpliciter procedit. Cæ-
terum quin Ius Canonicum inter Pontificios ser-
vetur, nullum est dubium.

Ius Civile.

7. JURE Civili minor sine curatore non po-
test in Judicio stare, nisi certis in casibus. vide
l. 54. d. Re Jud. l. 45. §. ult. eod. l. 2. C. Qui
begit. pers. stand. in Jud. l. 4. C. Si advers. rem Jud.
Ius

Ius Canonicum.

8. *JURE Canonico* in causis spiritualibus & similibus vel per se vel per Procuratorem, sine tutoris vel curatoris auctoritate litigare potest. *c. ult. d. Judic. in 6. (2:1.) c. 1. § 2. c. 20. q. 2. c. ex parte 14. X. d. rest. spoliat. (2:13.) c. d. crim. caus. 15. q. 3.*

Mores.

9. *Moribus* inter Pontificios hoc servari certum est, & ex parte inter Nostros.

CAPUT LXX.

De Procuratoribus.

Ius Civile.

1. *IURE Civili* infamis potest esse procurator §. ult. *f. d. excep.*

Ius Canonicum.

2. *JURE Canonico* non potest *c. 1. § 2. caus. 30 q. 9.*

Mores.

3. *Moribus* hoc ut honestius servatur, teste *Gail. 1. Obs. 43.* Cæterum multis in locis officium Procuratorum hodie est publicum, unde exceptiones Procuratoriæ hodie locum non habent, teste *Groenew. ad §. 1. Inst. per quos ag. lic.*

Ius Civile.

4. *IURE Civili* Minor 25 annis, dummodò
I 3 major

major sit annis 17. potest procurator esse §. 5. f. quibus. ex caus. man. non lic.

Ius Canonicum.

5. JURE Canonico minor 25 annis non potest c. 5. in f. d. Procur. in 6. (1:19.)

Mores.

6. Moribus nostris id convenientius est.

Ius Civile.

7. JURE Civili mulier non potest esse procuratrix in Iudicio l. 2. d. R. f. l. 18. C. d. Proc. l. 14. C. d. contr. stip. l. 1. d. postul.

Ius Canonicum.

8. JURE Canonico potest c. 4. X. d. confirm. utili & inutili. (2:30.) & ibi Gloss. in verb. Procuratriem.

Mores.

9. Moribus id quodammodò receptum est. Groen. ad d. l. 18.

Ius Civile.

10. IURE Civili nec tutor, nec curator, nec civitatis actor negotium publicum per Procuratorem agere potest l. 74. d. Proc. l. 11. 23. C. eod. §. iii. f. d. Curat. l. 3. D. quibus cuj. univers.

Ius Canonicum.

11. JURE Canonico potest Prælati Ecclesiæ. c. 9. X. eod. d. Procur. (1:38.) etiam ante litem contestatam.

Mores

Mores.

12. *Moribus* id observatur. *Grocen. ad d. l. 74.*

CAPUT LXXI.

De Citatione, seu in Ius vocatione.

Ius Civile.

1. **I**URE *Civili* in Ius vocatio dicitur quidem principium litis, §. ult. *J. d. Pæn. tem. lit.* sed tamen Iudicium proprie coeptum non est, nisi lis sit contestata *l. 15. ff. d. Procur. l. 25. d. R. V.*

Ius Canonicum.

2. **I**URE *Canonico* autem Iudicium statim coeptum est a Citatione *c. 20. X. d. off. deleg. (1:29.)* habetque effectum coepti Iudicii, litis pendentiam scilicet, & similem.

Mores.

Moribus id convenientius est.

Ius Civile.

3. **I**URE *Civili* non valet citatio facta in diem feriatum, nisi causa sit, quæ die feriato peragi possit. *l. 2. in f. ff. si quis in Jus voc. non ier. l. ult. C. d. fer. l. 1. §. ult. & l. seq. D. eod. tit.*

Ius Canonicum.

4. **I**URE *Canonico* valet, & citatus cogitur respondere die Juridicâ, quæ proximè feriatum sequitur *c. cum dil. 5. X. d. dolo & contum. (2:14.)*

Mores.

5. *Moribus* id convenientius est, teste *Mynsing.* cont. 1. Obs. 77. *Gail.* 1. Obs. 53. juxta quos tamen plerumque Citationi addi solet clausula de die proximâ.

De Citatione per in lra recondere

CAPUT LXXII.

*De Libellis.**Ius Civile.*

1. **I**URE *Civili* actor cogitur edere speciem, nomen, & genus actionis l. 1. D. l. 3. C. d. Edend. l. ult. C. d. Interd. l. 33. d. Judic.

Ius Canonicum.

2. **I**URE *Canonico* non cogitur c. 6. X. d. Judic. (2:1.)

Mores.

3. *Moribus* illud servatur. *Groen.* ad pr. t. C. d. edend.

Ius Civile.

4. **I**URE *Civili* plures actiones in eodem libello non possunt cumulari l. 6. d. Exc. rei f. l. 76. §. pen. d. Leg. 2. l. 3. C. d. Interd. l. 16. 18. d. Excep.

Ius Canonicum.

5. **I**URE *Canonico* possunt c. 2. & 3. X. d. caus. poss. & prop. (2:12.) c. 43. X. d. rescr. (1:3.)

Mores.

6. *Moribus* illud magis convenit, dummodo cumulatio

cumulatio illa contrarietatem aut obscuritatem non involvat. *Gail. 1. Obs. 63. Mynsing. cent. 1. Obs. 18.*

Jus Civile.

7. *JURE Civili* plus petens, re, causâ, vel loco non tantum in expensas, sed & in sportulas, & in triplum condemnatur §. 24. §. 33. *J. d. Act. l. 2. §. ult. C. d. Plus per. §. 10. Inst. d. Except.*

Jus Canonicum.

8. *JURE Canonico* antiquata est condemnatio in triplum sportularum *c. cum ab omni. 10. X. d. vit. & hon. Cler. (3:1.)*

Mores.

9. *Moribus* etiam antiquatæ sunt poenæ plus petitionis, teste *Groenew. ad t. C. d. plus pet.*

Jus Civile.

10. *JURE Civili* dilatio probatoria non facile sæpius quàm semel datur *l. 1. C. d. dilat.*

Jus Canonicum.

11. *JURE Canonico* autem ad tertiam facile pervenitur, imo etiam ad quartam, sed tamen etiam cum solennitate; atque illa tempora iterum arbitrio Judicis possunt prorogari, quamvis quarta solennitatem & cognitionem majorem desideret *c. quand. consult. 15. X. d. sent. & re Jud. (2:27.) c. oblata. §. licet. & c. cum sunt Romana. 5. X. d. appellat. (2:29.)*

Mores.

12. *Moribus* magis *Jus Canonicum* convenit
Gail. 1. 095. 91. Groen. ad d. t. C. d. dilat.

CAPUT LXXIII***De Exceptionibus.****Jus Civile.*

1. **I**ure Civili exceptio, si preces veritate nitantur
 (quam vocant, sub & obreptionis) tacite re-
 scriptis non inest. 1. ult. C. d. divers. reser. &
pragm. sanc.

Ius Canonicum.

2. **J**ure Canonico tacite inest. c. 2. X. d. rescrip-
 (1:3.)

Mores.

3. *Moribus* & rationi *Jus Canonicum* conve-
 nientius videtur, per ea quæ tradit *Gail. 1. Obs.*
 14. *Groenew. ad d. J. ult.*

Jus Civile.

4. **J**ure Civili exceptio non numeratæ pe-
 cuniæ non potest opponi post biennium t. t. *Inst.*
d. Oblig. litt. l. 8. l. 14. C. d. Non num. pec.

Ius Canonicum.

5. **J**ure Canonico etiam post biennium potest
 opponi in vim exceptionis doli mali, per c. *locu-*
pletari. 48. d. R. J. in 6. c. ult. X. d. solut. (3:23.)

Mores.

Mores.

6. *Moribus* Jus Canonicum quodammodo convenientius est, maxime in Belgio, teste *Groenew. ad t. C. d. non num. pec.* Aliàs ex Jure Civili in aliis locis sic servatur, ut debitor etiam post biennium probationem exceptionis non numeratæ pecuniæ in se recipere possit. *Schneiderwinus & Schultx. ad tit. f. d. litt. oblig.*

CAPUT LXXIV.

De Iuramento Calumniæ.

Ius Civile.

1. **I**ure Civili omnes coguntur hoc Jusjurandum præstare. Si actor recuset, cadit causa, si reus, pro confesso habetur l. 2. §. 6. *quod si act. C. d. Jur. prop. cal.* Excipitur tamen Patrens & patronus, l. 8. §. 5. *D. qui sat. cog.* Neque expresso pacto remitti potest hoc Jusjurandum, sed tamen tacito. *Gail. 1. Obs. 38.*

Ius Canonicum.

2. **J**ure Canonico excipiuntur Clerici c. 1. *X. d. Juram. cal.* (2: 7.) quamvis Jus Canonicum sibi non satis constet c. 5. *cod.* neque tamen id in Foro Seculari observatur.

Mores.

3. *Moribus* Belgii exiguus superest usus Juramenti calumniæ, teste *Groeneweg. ad §. 1. f. d. pæn. tem. lit.*

Ius Civile.

4. *JURE Civili* ipsimet litigantes jurant *Auth. principales C. d. Jurej. prop. cal.*

Ius Canonicum.

5. *JURE Canonico* etiam procurator jurat in animam alterius *c. ult. d. Juram. cal. in 6. (2:4.)*

Mores.

6. *Moribus* *Jus Canonicum* ubique receptum est *Gail. 1. Obs. 83. Groen. ad d. Auth.*

Ius Civile.

7. *JURE Civili* una tantum species juramenti calumniæ cognita est, quo ipso etiam coërcetur malitia, & falsitas, quæ metuitur.

Ius Canonicum.

8. *IURE Canonico* tria genera sunt, veluti *Jus-jurandum Calumniæ*, de *Veritate dicendâ*, & *Malitiæ c. 1. & 2. d. Jur. cal. in 6. (2:4.)*

Mores.

9. *Moribus* & rationi *Jus Canonicum* magis convenit. *Rittershuf. lib. 5. d. diff. Juris Civ. & Canon. c. 18.*

CAPUT LXXV.

De Litis Contestatione.

IVXXI TUGAO
Ius Civile.

1. **I**URE *Civili* litis contestatio demum facit pendentiam, tumque Judicium captum est. Scilicet in actionibus personalibus. l. 30. & seq. D. d. Jud. t. 13. Rem. rat. in realibus sola citatio & petitio facit rem litigiosam. DD. in *Auth. litigiosa. C. d. litig.*

Ius Canonicum.

2. **IURE Canonico** etiam sola citatio, à competente Judice insinuata. *supra d. cit. diff. 1. Clem.*

2. *Ut vir. pend. nihil inner.*

Ius Civile.

3. **IURE Civili** in omnibus necessaria est litis contestatio, neque aliter sententia potest ferri, tam in Judicio possessorio, quam in petitorio. §. *quorum. 4. in f. Inst. d. Interd.* tam in criminali, quam civili l. 26. ff. d. *Accus. l. ult. C. Ut intr. cert. temp. (9:44.).*

Ius Canonicum.

4. **IURE Canonico** non est adeò necessaria in causis matrimonialibus; electionis, & quibuslibet summariis. c. 1. & ult. X. d. *lit. non contest. (2:6.)*

Mores.

5. **Moribus** distinguendum est inter solennem
litis

litis contestationem, & qualemcunque contradictionem Actoris & Rei, ita ut Moribus etiam in summariis causis posterior illa litis contestatio necessaria sit.

CAPUT LXXVI.

De Probationibus, & maxime per testes.

Jus Civile.

1. **I**URE CIVILI examen testium in criminalibus non potest committi alteri. *Auth: ad eloquentissimum C. d. fid. Inst. l. 3 §. 3. ff. d. Testib. Nov. 90. c. 5.*

Jus Canonicum.

2. **J**URE Canonico potest c. si qui testium 8. X. d. testib. Opponitur Clem. un. d. off. & pot. jud. deleg. Resp. verba in civilibus non habent emphasin.

Mores.

3. **M**oribus Jus Canonicum convenientius est, teste Groenew. ad l. 16. C. d. probat.

Jus Civile.

4. **J**URE CIVILI examinatis testibus, alii super eadem causa recipi & examinari possunt l. 6. §. 1. C. d. app. l. 4. C. d. seimp. app.

Jus Canonicum.

5. **J**URE Canonico non possunt c. 17. 18. c. clarius, c. serius, X. d. testib.

Mores.

Mores.

6. *Moribus* in Imperio Romano - Germanico prævaluit Jus Civile *Mynsing. cent. I. Obs. 41.*

Jus Civile.

7. *JURE Civili* mulier in causis criminalibus admittitur *l. 18. ff. d. Testib. l. 20. §. 6. q. test.*

Jus Canonicum.

7. *JURE Canonico* non, nisi civiliter agatur *c. de crimine c. 15. q. 5. c. mulierem 33. q. 5. c. Super eo. 22. c. tam litteris 33. X. d. testib.*

Mores.

8. *Moribus* Jus Civile quidem servatur, sed tamen ita, ut mulieri non tam plena fides adhibeatur, quam viro *Hartm. Obs. pract. d. testib. c. 4.*

Jus Civile.

9. *JURE Civili* unus testis non est audiendus *l. 9. C. d. testib.*

Jus Canonicum.

10. *JURE Canonico* multis casibus unus sufficit, veluti si sit Episcopus *c. omnes 36. caus. 11. q. 1.*

Mores.

11. *Moribus* in foro Jus Civile ita temperatum est ex sententia Pragmaticorum, ut unus testis non admittatur ad effectum plenæ probationis *Struv. ad ff. d. probat.*

Jus Civile.

12. *JURE Civili* testes inviti testimonium dicere

cere coguntur *l. 1. l. 4. l. 19. ff. d. testib. l. 19. C. eod.* si nolint mulctâ, captisque pignoribus coërcentur.

Ius Canonicum.

13. **IURE Canonico** non ita, sed monentur tantum regulariter *c. pen. § 1. t. X. d. test. cog. vel non.* vel censurâ Ecclesiasticâ coërcentur.

Mores.

14. **Moribus Ius Civile** hac in re convenientius est. Imò qui Iure Civili non coguntur invitari, ut conjunctæ personæ; tamen ob defectum aliorum coguntur Iure Hodierno: *Gail. 1. Obs. 100.* ubi docet hanc communem esse sententiam.

15. Quæritur an & Sacerdos possit cogi, ut testimonium dicat de rebus, quas intellexit ex Confessione auriculari? Negant Pontificii, adeo ut ne Pontifex quidem talem cogere possit. *c. sacerdos autem d. pæn. dist. 6.* non ut Iudex scit, sed ut Deus *c. 2. d. off. Jud. ord.* Sed contrarium Iure Civili est verius: tum quod sacerdotem non excludit, tum per *l. 5. C. ad L. Jul. maj. vid. Cubach. p. 94.* ubi refert Carolum V. capite punivisse Sacerdotem, qui enunciaverat ea, quæ sibi in confessione auriculari erant commissa. Distinguunt etiam inter delictum commissum & committendum, ob quod potest monere eos, quibus inde periculum metuendum est.

Ius Civile.

16. **IURE Civili** parentes & liberi ad testimonium invicem, ne volentes quidem admittuntur *l. 6. C. d. testib.*

Jus Canonicum.

17. *JURE Canonico* parentes possunt testimonium dicere & pro liberis, & contra liberos *c. 14. X. d. presumt. c. 6. d. 93. c. videbo. Sc. 22. X. d. test.*

Mores.

18. *Moribus* ejusmodi testimonia quidem admittuntur, sed Judicis arbitrio relinquitur, quantum iis fidei habere debeat.

CAPUT LXXVII.

De Instrumentis.

Ius Civile.

1. *JURE Civili* qui instrumentum caute conficere vult, peritus litterarum tres testes, imperitus quinque adhibere debet *Nov. 73. c. 2. Sc. 8.*

Ius Canonicum.

2. *JURE Canonico* numerus ille testium nullo loco invenitur, sed unius testimonium regulariter tantum rejicitur *c. 10. X. d. testam.*

Mores.

3. *Moribus* etiam inauditum est in ullius instrumenti confectioe adhibere quinque testes; sufficiunt 2 cum Notario *Zyp. Not. Jur. Belg. ad t. d. fid. Gudelin. d. J. Nov. 1. 4. c. 11.*

Jus Civile.

4. *JURE Civili* in instrumentis publicis no-
K men

men Imperatoris præponendum est. Nov. 47. c. 1.

Ius Canonicum.

5. *Iure Canonico* hoc non requiritur, sed uti multis locis Imperium præponitur, ita in terris Ecclesiæ nomen Pontificis instrumentis solet præponi, usu potius & interpretatione Juris Canonici, quam expressa sanctione.

Mores.

6. *Moribus* in Hollandiâ aliisque Regionibus, quæ neque Imperatori, neque Pontifici subjacent, neutrum servatur, teste Groen. ad d. Nov. 47.

CAPUT LXXVIII.

De Sententiâ.

Ius Civile.

1. *Jure Civili* Sententia ferenda est in Procuratorem, qui litis dominus factus est, in Dominum lata non valet l. 1. C. d. sent. & interloc. omn. Jud. Ratio est in l. 22. C. d. Procur.

Ius Canonicum.

2. *Jure Canonico* perinde est, siue in dominum, siue in Procuratorem feratur c. querelam 24. ibiq. Gl. X. d. elec. & elect. pot.

Mores.

3. *Moribus* *Ius Canonicum* tam in Belgio, quam in Imperio Romano-Germanico aliisque locis servatur. Mynsing. cent. 6. Obs. II. Gail. I. Obs. III. Groen. ad d. l. 1. C. d. sent. & interloc. omn. Jud.

Ius

Ius Civile.

4. **JURE Civili** Judex sententiam interlocutoriam, quam tulit, retractare potest citra appellationem *l. 14. ff. d. re Jud.*

Ius Canonicum.

5. **IURE Canonico** (quo appellationes ab interlocutoria admittuntur) Judex etiam potest retractare post appellationem *c. 59. 228. X. d. appell. c. a Judice d. appell. in 6.*

Mores.

6. *Moribus* in Belgio Judex interlocutoriam retractare potest juxta Jus Civile, in aliis locis non æque. *Groenew. ad d. l. 14.*

Ius Civile.

7. **JURE Civili** quælibet sententia, à quâ non est legitime appellatum, accipit vim rei judicatæ, quæ pro veritate habetur *l. 1. C. sent. resc. non pos. l. 25. d. Stat. hom. l. 207. d. R. J.*

Ius Canonicum.

8. **IURE Canonico** sententia in causâ matrimoniali, nunquam accipit vim rei judicatæ *c. 7. & 10. X. d. sent. & re Jud.*

Mores.

9. *Moribus* Jus Canonicum cum hac distinctione receptum est; (1) An pro matrimonio, an contra illud lata sit sententia? (2) Si pro, an matrimonio obstat impedimentum, an non? teste *Gail. l. 1. Obs. 112. quem vide.*

CAPUT LXXIX.

De Appellatione.

Jus Civile.

1. **I**URE *Civili* non licet regulariter appellare ab interlocutoriâ, neque ab articulo aliquo, vel parte litis, sed a definitivâ, totam litem concernente, est appellandum, nisi interlocutoria habeat vim definitivæ, aut contineat damnum irreparabile l. 7. C. quor. app. non rec. l. 2. C. d. Epif. aud.

Jus Canonico.

2. **JURE Canonico** generaliter & indistinctè appellatur à quolibet gravamine, non solum sententiæ definitivæ, sed & interlocutoriæ, sive ante, sive post litem contestatam prolata. c. super eo 12. X. d. App. c. non ita. c. 2. q. 7. Imo etiam de gravamine futuro c. cum dil. X. d. dol. & cont.

Mores.

3. *Moribus* Jus Canonicum in omnibus fere Judiciis receptum est, præterquam tamen in Camerâ Imperiali. Gail. 1. Obs. 129. Rittershus. l. 5. c. 25. In Galliâ & Belgio omnium, etiam contumacium, appellationes ferè recipiuntur Groen. ad pr. t. C. q. app. non recip.

Jus Civile.

4. **JURE Civili** à sententiâ super Judicio possessorio latâ non appellatur. t. t. C. Si de mom. poss.

Jus

Jus Canonicum.

5. *JURE Canonico* a possessorio ordinario appellatur. *Clem. un. d. caus. pos. & prop. c. significaverunt. X. d. testib.*

Mores.

6. *Moribus* distinguitur inter effectum Devolutionis & Suspensionis. *Perez.*

Jus Civile.

7. *JURE Civili* appellatio debet fieri gradatim *t. t. ff. quis. & a quo: ap. Nov. 17. c. 13.*

Jus Canonicum.

8. *JURE Canonico* potest, omisso intermedio Judice, rectè appellari ad Pontificem *c. cum dilecti, & c. si duobus X. d. appel. c. 4. 5. 6. 7. 15. 16. caus. 2. q. 6.*

Mores.

9. *Moribus* in foro extra terras Ecclesiæ, servatur *Jus Civile*, dummodo Judex, ad quem appellatur, non sit suspectus *Gail. 1. Obs. 28. Myns. cent. 1. Obs. 67.*

Jus Civile.

10. *JURE Civili* non appellatur à sententiâ Præfecti Prætorio. *t. un. C. ne in ead. caus. (7: 70.)*

Jus Canonicum.

11. *JURE Canonico* contrarium obtinet *c. 65. X. d. appell.*

Mores.

12. *Moribus*, Electores æquiparantur Præfectis Prætorio.

Ius Civile.

13. *IURE CIVILI* is, qui appellavit in unâ causâ a Iudice aliquo, coram eodem cogitur experiri in aliâ, neque hoc nomine potest eum declinare, tanquam suspectum. *l. un. ff. Apud eum, à quo appellatur, aliam causam agere, compell.*

Ius Canonicum.

14. *IURE Canonico* potest eum refutare, quamdiu pendet illa appellatio *c. adhuc 6. c. proposui 24. X. de Appell.*

Mores.

15. *Moribus*, hoc *Ius Canonicum* extra terras Ecclesiæ non servatur.

Ius Civile.

16. *IURE CIVILI*, appellatione interpositâ Judex primæ instantiæ nihil potest novare *l. un. ff. app. int. ni. innov.*

Ius Canonicum.

17. *IURE Canonico* Judex primæ instantiæ novare potest. *c. 59. X. de Appellat.*

Ius Civile.

18. *IURE CIVILI*, appellare volenti spatium decem dierum præfinitum est. *Auth. Hodie. C. de Appellat.*

Ius Canonicum.

19. *JURE Canonico*, Judex potest appellanti terminum appellationis prosequendæ præscribere. *c. cum sit. 1. c. reprehensibilis. X. d. Appellat.*

Mores.

20. *Moribus* Jus Canonicum non ita usu receptum est.

Ius Civile.

21. *JURE Civili* frivolam & frustraneam interponens appellationem, 50 aureis punitur *l. 5. C. quor. app. non rec.*

Ius Canonicum.

22. *JURE Canonico* in expensas condemnatur *d. c. reprehensibilis 16. si autem. X. d. Appell.*

Mores.

23. *Moribus* aliâ atque aliâ poenâ temerè appellans punitur, pro diversitate locorum, pro arbitrio Iudicis. *Grœc. ad d. l. 5.*

CAPUT LXXX.

De Expensis & Sportulis.

Ius Civile.

1. *IURE Civili* expensarum taxatio, & condemnatio rejicitur in finem litis. *l. 13. §. 6. C. d. Judic.*

Ius Canonicum.

2. *JURE Canonico* condemnatio illa statim fit,

nonnunquam sub finem litis, & plurimum hinc arbitrio Iudicis permiffum est. *c. 5. X. d. Dolo & contum.*

Ius Civile.

3. **JURE CIVILI** Iudicibus delegatis dantur sportulæ, secundum modum definitum in *l. 4 C. d. Sport. N. 17. c. 1. N. 82.*

Ius Canonicum.

4. **JURE Canonico** Sportulæ non dantur, sed tamen viatica. *c. cum ab omni. X. d. vit. & hon. Cler. c. statutum §. in super ut gratis d. Refcr. in 6.*

Mores.

5. *Moribus* Novella 82 præcisè non servatur. Solent tamen etiam Iudici delegato honoraria dari, quæ definita sunt in nonnullis locis.

CAPUT LXXXI.

De Executione.

Ius Civile.

1. **IURE CIVILI** Executio differenda est, si petatur restitutio in integrum *l. un. C. in integ. rest. post.*

Ius Canonicum.

2. **JURE Canonico** sententia prius executioni mandatur, ut tamen victor præstet cautionem, se omnia restitutum si restitutioni in integrum locus sit. *c. suscitata X. d. res. in integr.* Atque hoc
ntel-

intelligunt; si præsumptiones quædam militent contra postulatam restitutionem.

Mores.

3. *Moribus* Ius Canonicum tam in Foro Seculari, quam Ecclesiastico, tam in Belgio, quam aliis in locis observatur *Myns. cent. 1. Obs. 48. Groen. ad d. Auth. d. l. un.*

F I N I S.



I N D E X

*Omniū Capitū, & rerū maxime
notabilium, quæ in hoc Tractatu
explicantur.*

A.

De



<i>Academiarū, & Doctorū institutione ac creatione.</i>	Pag. 35
<i>Autoribus & Reib.</i>	131. & seq.
<i>Adulterio.</i>	110. & seq.
<i>Antichresi.</i>	86
<i>Apostolicis Regulis.</i>	1. & seq.
<i>Appellationibus.</i>	147. & seq.
<i>Arbitris.</i>	130. & seq.
<i>Auctoritate Canonū Apostolicorum.</i>	1. & seq.
<i>— Juris Canonici.</i>	4. & seq.

B.

De

<i>Benedictione Sacerdotali.</i>	57
<i>Blasphemiâ.</i>	120

C.

De

<i>Canone, ejusque à lege differentiâ.</i>	2
<i>Canonibus Apostolicis.</i>	2
<i>— Canonum auctoritate, numero, & Codice.</i>	2.6
<i>Can-</i>	

I N D E X.

Cancellariâ Apostolicâ.	15
Calumniâ Juramento.	139
Citatione.	135
Clementinis, earumque compositione, auctoritate, & allegatione.	112
Compromisso.	27. 130
Concubinis.	61. & seq.
Consecratione.	29
Contractibus.	80. & seq.
— Bona fidei, & stricti Juris.	82. & seq.
Coronatione Regum & Imperatorum.	40. 41
Criminibus.	101. 110
Curâ.	62. & seq.

D.

De

D Anno Injuriâ dato.	96
Decreto, ejusque Partibus.	3
— Allegatione.	5. & seq.
— Auctoribus, & auctoritate.	4
Decretalibus, earumque compositione, collectoribus, auctoritate, materia, ordine, allegatione.	11. 12
Decretalium Libro VI.	10
— Ejusdem auctoritate, & allegatione.	11. 12
Decretalium Libro VII.	15
Degradatione.	37
Depositione.	37
Desertione militiæ.	121
Dignitate Episcopali.	39
Divortio.	59. & seq.
Doctorem creatione.	35
Donationibus.	69
Donatione Constantini M.	22
	Electione.

I N D E X.

E.

De

E <i>Lectio.</i>	<u>27.</u> & seq.
<i>Emphyteusi.</i>	94
<i>Emptione Venditione.</i>	92. 93
<i>Episcopis, eorumque Iure & Potestate, &c.</i>	<u>30. 36. 39</u>
<i>Exceptione non numerata pecunia.</i>	91
<i>Exceptionibus.</i>	138
<i>Excommunicatione.</i>	<u>37</u>
<i>Executione.</i>	152
<i>Expensis & Sportulis.</i>	151

F.

De

F <i>Also.</i>	118. & seq.
<i>Fideicommissis.</i>	<u>71.</u> & seq.
<i>Fidejussoribus.</i>	89
<i>Fine & Scopo Juris Canonici.</i>	<u>17. 18</u>
<i>Fornicatione.</i>	112. & seq.
<i>Foro Competenti.</i>	124 & seq.
<i>Furtis.</i>	96

G.

De

G <i>Radibus.</i>	<u>79</u>
--------------------------	-----------

H.

De

H <i>omicidio.</i>	116. & seq.
	<i>Imperio</i>

I N D E X.

I.

De

Imperio.	20. 145
Impositione Vestigalium.	120
Incestu.	115
Incendiariis.	118
In Ius vocations.	136
Injuriis.	99. & seq.
Inspiratione.	27. 28
Instrumentis.	145
Interdicto Ecclesiastico.	37
Inventario, ejusque beneficio.	78
Judicibus.	117. & seq.
Judiciis in genere.	122
Judiciis Publicis.	101. & seq.
Jurejurando.	83. & seq.
—— calumnia.	139
Jure Personarum.	43. & seq.
Jure rerum.	64
Jurisdictione.	145
Juris Canonici etymologiâ.	1
—— Usu & Abusu.	16. 17. v. Præfat.
—— Necessitate & Utilitate.	v. Præf. & Testim.
—— Origine	2
—— Partibus.	2. 3. & seq.
—— Allegatione.	2. & seq.
—— Auctoritate.	v. Testimon.
—— Institutionibus.	14
—— Fine & Scopo.	2. 3. 17. 18
—— Navis & Vitiis.	18. 19

I N D E X.

L.

De

L <i>Egatis.</i>	<u>71. & seq.</u>
<i>Legatorum prohibitione.</i>	121
<i>Lege Diæcesanâ.</i>	<u>33. & seq.</u>
<i>Legitimâ.</i>	75. & seq.
<i>Libellis.</i>	126
<i>Libello Famoso.</i>	99. & seq.
<i>Literarum obligatione.</i>	91
<i>Locatione conductione.</i>	94

M.

De

M <i>Atrimonio.</i>	50. & seq.
<i>Militia desertione.</i>	121

N.

De

N <i>Uptiis.</i>	<u>47. & seq.</u>
<i>Clericorum.</i>	51

P.

De

P <i>Alis.</i>	<u>80. & seq.</u>
<i>Palcâ; quid, & unde dicta.</i>	<u>6. & seq.</u>
<i>Pallio.</i>	29
<i>Panis.</i>	108. & seq.
<i>Patronatus Jure.</i>	<u>32</u>
	Postu-

I N D E X.

Postulatione.	28.29
Potestate Summâ.	<u>20</u>
—— Imperatoris.	<u>20.21</u>
—— Pontificis Rom.	<u>21.22.24</u>
Potestate Subordinatâ, ut Episcoporum, &c.	25. & seq.
Potestate Patriâ.	<u>46</u>
—— Dominicâ.	<u>43. & seq.</u>
Præscriptionibus.	<u>67</u>
Probationibus.	142. & seq.
Proclamationibus Eccles.	<u>57. 58</u>
Procuratoribus.	<u>133. & seq.</u>
Prohibitione Legatorum.	121. & seq.
Publicis Judiciis.	

Q.

De

Q uæstionibus, & Torturâ.	105
----------------------------------	-----

R.

De

R apinâ.	99
Raptu, raptore, & raptâ.	<u>154. 114. & seq.</u>
Regulis Cancellaria Apostolicæ.	<u>15</u>
Reis.	131

S.

De

S crutinio.	<u>27. 28</u>
Separatione thori, & mensæ.	<u>59. 61</u>
Sententiâ.	
Servitute.	<u>43. 66</u>
	Sor-

I N D E X.

<i>Sortilegio.</i>	119. & seq.
<i>Sponsalibus.</i>	47. & seq.
<i>Stipulatione.</i>	87
<i>Stupro.</i>	113. & seq.
<i>Succeſſione ab Intestato.</i>	79
<i>Synodorum convocatione.</i>	43. & seq.

T.

T <i>Estamentis , & aliis Ultimis voluntatibus.</i>	712
<i>Testibus.</i>	142. & seq.
<i>Theſauro.</i>	65
<i>Torturâ.</i>	105. & seq.
<i>Traditione.</i>	64. & seq.
<i>Tutelâ & Curâ.</i>	62. & seq.

V.

V <i>isitatione Eccleſiarum.</i>	34
<i>Voto.</i>	85. 66. & seq.
<i>Uſucapionibus.</i>	66

F I N I S.

